


Bucor, Martin.
Grund und Ursach.
1525

0114 y
13

120 p.

35/1587/7

SCC
1,998
2005.1



Digitized by the Internet Archive
in 2014



Grund vñ vrsach

auff gotlicher schrift & neuw

werungen/an dem nachmal des herren/ so man

die Messen nennet/ Tauff/ Feyrtagen/ bildern

vñ gesang/ in der gemein Christi/ wann die

zusamen kompt/ durch vñnd auff das

wort gottes/ zu Straßburg

fürgenomen.

Ein sendtbrieff an den durch

leuchtigen hochgeboren fürsten vñd herrn / Frid-

reich Pfalsgrauc/ auch in dem ein jede christlich

oberkeit ermanet würt/ den genanten geistlichen

keins wegs gehellē/ einig leer oder predig/ so man

sich vff die schrift berufft/ vnuerhört/ zu verdam-

men/ mitt ablenung irer losen nichtigē einreden.

Martinus Butzer.

Dem durchleüchtigen hochge-
boren Fürsten vnd herren/ herr Fridreich Pfalkgraue
bey Rheyn/ herzog in Beyerne/ meinem
gnädigsten herren.



Durchleüchtiger hochgeborner fürst / gnädiger herr
Gnad vnd frid von gott dem vatter / vnd vnserem
herren Jesu Christo/ winsch ich E. F. G. mit erbietung mei-
nes vnderthänigen ganz willigē diensts/ alzeit bereit zuuor.
Ich sag lob vnd preis/ gott vnserm barmhertzigē aller gütig-
sten vater/ der E. F. G. so gnädigklich bißher bewaret hat/ dz
sye sich zu verfolgen / das Euangelion vnser heylands Jesu
Christi/ keins wegs hat bewegen lassen / wie hefftig jach/
eiliche vom genantē geistlichen hauffen / sich des/ bey allem
gewalt bearbeiten/ sonder hat ir auch / zu seinē heyligē wort/
ein geneigt gütwillig herr/ verlihen / dz sich in wor:enchrist-
lichen thaten täglich je mer vnd mer eyget. Dann ein beson-
der grosse gnad vnd segn gottes ist/ so er vns gotselige für-
sten fürsetzet/ wie es sein grosser zorn vnd schwere plag ist/ so
er gotlose kinder vnd thoren last herschen/ wie das neben an-
dern vil orten der schrift / Isa. 3. vnd. 32. gelesen würt. Vnd
der weys fürst Salomon spricht. So die rechten blüen/ gat
es dem volck wol / so aber die gotlosen herschen / trauret das
volck. Darumb wie allen gotseligen / also ist es mir ein bes-
sonder grosse freud im herren/ das ich rümen höre/ wie E. F.
G. sampt eilichen andern fürsten zu fürderung/ des heyligen
Euangelij/ also ein geneigten willen tregt/ dz dan ein merck-
licher heilsamer glanz ist seiner erbärmde vnd grosser gna-
den. Der ich mich auch/ E. F. G. halb in sonderheit zu freu-
wen hab. Dann sye mich / als ich von dem münch stand/ in
welchem fürwar/ wenig send die gott kennen/ erlöset/ so gne-

die güt des herren ist
aller/ das man des her-
ren namen predigen
laßt/ von dem Volck.
Ged. am XXXII. cap.

digklich zum diener angenommen/gehalten/vñ nach dem mir
gott ein andere beruffung hette zugefügt / wider geurlaube
vnd abgefertigt hat/das ich billich E. J. G. wolart vñ heil/
für andern begeren / vnd mit höchstem fleiß darumb den al-
michtigen bitten sol/auch mit grosser dancksagung vñ wun-
ne des herze/vernemen/dz er solchs so reyhlich mitt ir schaffe
vnd würcket. Er vnser got vnd her:/der das hers aller künig
vnd fürsten/in seiner hand hat Prou. xxi. vnd selb/ allein in
allen/wireket bedede/das wellen vnnd das thün Phil. 2. wölle/
sein werck in eich angefangen/volfüren vñ volenden/nem-
lich die erkantnuß/ seins allerliebsten sūns vnser herren Je-
su Christi/den er von den todten aufferwecket hat/vnd geset-
et zu seiner gerechten / im hymelischen wesen / über alle für-
stenthumb/gewalt/macht/her schafft/ vnd alles was genent
mag werden / nit allein in diser welt / sonder auch in der zu-
künfftigē/vñ hat alle ding vnder seine füß gethan/vñ hat in
gesetzet vor alle dingē/zum haupt der gemeine/welche do ist/
sein leyb/ vnd die fülle/des der alles in allen erfüllet Ephe. 1.
Es mag nit fälen/wie o herz auch selb weyß gesagt hat/es
müssen vil widerchristen sein/die vnder seinem namē komē/
vñ menigklich / aber beuorab fürstē vñ herre/ als an denē vil
andere hangē/vondisem vnserm einige heyland / auff sachē
vñ sünd/so men gewönlich/abzuwendē/ kein mügliche fleiß
spare. Aber es würt vergebē sein / so man den vogel dz garn
für die augē stelt/wie Salomon sagt es würt E. J. G. die ge-
wisse zeügnuß des herren/so auch die vnklügē weyß machet/
dz vnzergenecklich helle wort gottes/ also weisen vñ leiten/dz
bey ir solche teüschir irer triegeren vnd falscher gleyßneren/
kleinen fürgang erlangen sollen. Dañ wer möchte doch sein
den gott anders nit gar hingeworffen vnd verblendet hette/
der nit auß dem hellen gefaß gottes als bald sehen solte/das

wir vnser thuns/ all zu mal sünders vnd verdampt seind/ so doch überall kein mensch auff erden gefunden würt/ der/ gott von ganzem herken vnnd sein nechsten als sich selb liebe/ an welchen zweien stücken doch das ganz gesah/ vñ alle propheten hangen / also das wer hieran felet / alle gots gebot übertretten hat: Seytenmal wir den alle übertreter sein götlich er gebott/ vnd deßhalb verdampt vnd vermaledeyet / so werden wir vns selb/ noch auch andere mensche/ von solcher verdammuß vnd vermaledeyung/ je nit helffen mögen/ wie wir in vngnaden seind/ also würt auch alles vnser thun bey gott vnangenehm sein. Der baum sol nichts/ wie wolten denn die frucht etwas taugen: So den alle gottes schrift/ vns zu dem einigen gebenedeyten samē Abrahā / in dem alle völker/ gebenedeyet werden sollen / vnsern herren Jesum Christum/ der allein sein volck/ von sünden erlöset/ weiset vñ füret/ von jm durch ein woren glauben verziehung der sünd/ vñ ewigen seggen zu erlangen/ wer wolt dan so vnfinnig sein/ der solichs zu erlangen vnderstön wolte/ durch sich selb/ oder ander creaturen/ sein oder andere werck/ es sey beichten/ auffgesetzte genüghung/ abloß/ der münch verdienst / oder wes man des dings mer erdacht hat/ zu trost etlicher faulen beüchen/ vnnd aber grossen schaden vnd nachteyl der armen vnwissenden selen: ¶ Christus spricht/ kompt her zu mir alle die ir mühselig/ vnd beladen seind/ ich will eüch erquicken Matth. 11. vnd 16. niemandt kompt zum vatter/ dan durch mich/ vnd. 15. on mich künde ir nichts thun/ wer wolt denn nit alles verlassen/ vnd mit gutem vertrauen vnd glauben jm sich gar vñ ganz ergeben: Warlich wer solichs vnserem herren Christo Jesu vertrauet/ vnd jm sich also ergebe mit worem glauben/ wie eins solichen herrs/ allein in vnsern heyland meinen vnd lieben wurde/ also müste es wol auch den sünden vnnd seinem

ganken vorigen leben sind sein / vnnd gründeliche reue vnd
mißfalle drüber tragē / allweg würt er sich auch / seiner sünd /
vor gott / vnd allen menschen / wo es besserung bringen möch
te / vnd vrsach geben zu gottes gute sich zu keren / bekennen vñ
sye von herken beichten. Mer würt die büß nit in dem ston /
das man zum tag ein vater vnser oder 5 bettete / zur wochen
ein almüßen oder zwei gebe / zum jar ein tag oder sechs faste
te / sonder im geist vñ der worheit / würt ein solcher on vnder
loß alzeit betten / vnd gott vmb gnad für sich vñ alle mensch
en / im herke anruffen / auch alles sein leben nüchter / vñ mit
abruch alles leyplichen überfluß / sein fleisch zu demmen / vñ
dem geist gehorsam zu machen / zu bringen / vnd sein gankes
leben was er ist vnnd vermag / seinem nechsten / einem jeden
der sein bedarff / zu dienst ergeben / vnd bereit sein jederman
zu thun / wie im Christus Jesus than hat / der sein leyb vnd
leben / für seine feynd auch hingeben hat / vñ diß ist / warlich
vnd Christlich betten / fasten / vnnd almüßen geben / ja es ist /
die einige rechte büß / die ein jeder Christ sein lebē lang üben
sol / bereyt alles zu leyden vnd dulden so im gott zu leiden zu
füget. Also stirbt er den sünden ab vnd würt in im der tauß
Christi volendet / also bedeckt er vñ beweyst an im selb / den
tod Christi / welcher gedechtnuß zu fürdern vnnd stercken / er
auch das nachmal des herren haltet / vnnd weiß / das durch
blosses beysein / der Mess / oder so er die verdinget / nichts wi
der die sünd auffgericht / oder verdient werdē mag. Der mas
sen halt es sich vmb ein woren Christen / vnnd solche frucht
bringt der glaub / wo er ist / diß leret alle götliche gschrifft / diß
predigen / welche das gots wort vnnd Euangelion predigen /
ja G. H. diß ist / die vngehörte / aller schedlichste vergifftigste
kekerey / die alle gute saking vnd ordnung abthut / gehorsam
frid vnd einigkeit zertrennet vnd zerstöret / wider die vnserē

genanten geistlichen prelaten / alle fürsten vnd herren zu be-
wegen vnderston. Do soll man wider handeln / mitt eyssen /
wasser vnd ferner / me dan wider die Thürcken vnd die ergste
feynd gottes / so je auff erden komen seind. Aber solche vn-
nigheit ist kein newes / Christo vnserm herre / der eben solichs
prediget / vnd dazü das aller heyligste leben füret / mer / mit so
grossen vnd vil wunderzeichen / sein thun vnd leer bestetiget /
haben ire vorsehen / die phariseer vnd schriftgelerten / auch
also thon / wie dan zuuor auch allen propheten / vñ hernacher /
allen aposteln / vnd so von anfang der welt die warheit je ge-
lert haben / von deren gleichen beschehen ist. Die welt kan an-
ders nit / sye hasset vnd verfolget Christum / vnd wer mit im
wil zu thun haben. ¶ E. F. G. hat bey so vilen genanten geist-
lichen prelaten / Cardinālen / Bischoffen / Epten / vñ andern
gewonet / vnd ir kundi gehabt / das weis ich aber / das sye gott
bittet / das er sye behüte / vor der geistlichkeit / so sye / bey dem
grössern teil / der selbigen geistliche vätter / gesehen hat. Dan
mer prachts vñ üppikeit / bei den aller weltlichsten fürsten nit
gefunden würt / als bey denen / die der höchste heiligkeit / derē
man auch die füß küssen muß / am nechsten gehalten werden
¶ Nun hat Christus ein mal geredt / vñ würt nit anders kün-
den sein / wer nit mitt mir ist / spricht er / ist wider mich / wer
nit mit mir samlet der zerstreuet. So seind nun / vnser ge-
nanten geistlichen junkern / mit Christo dran / wie die wölff
mit den schafften / vnd samlen mit im / wie der wind die speu-
wern / ja sye gleichen sich im in allen dingen / wie wasser vnd
fener / nacht vnd tag / hell vnd himel. In Christo sicht man
nichts den demüt vñ zeitlich verachtung / bey men ist entel
bracht vnd stolze / in Christo armüt / vnd aber ein gemüt / dz
jederman zu helffen alzeit bereit ist / bey men reichthumb vnd
geys / dem die erd zu eng ist / by Christo findet man eitel sanfte

müt vñ milteit/bey jnen krieg/mordt/verdammen vnuer-
hört sacht/vertreibē/brennen vnd tůcken/bey Christo siere
lere vnd predig/bey jnen flüssen vñ jagen. In summa Christo
tregt allenthalb das creutz/auff das er andern helffe/so
lassen sye sich in senfftē führen/vñ legen das creutz auff alle/
die sye nit wellen anbetten. Christus nympt nichts/vnd gibt
jederman vergebens/so nemen sye von jederman vnd geben
nyemant nichts vergebens/es weren dan hűbsche fremlin/
vñ kűrweilige spileūt. ¶ Darum G. H. so Christus so ernst-
lich spricht sehet entweder einē gůte baum/so wűrt die frucht
gůt/oder seht einen faulē baum/so wűrt die frucht faul/den
an der frucht kent man den baum. Ir natern gezeit/wie
kűndt ir gůts reden/die weyl ir bűß seyt/wes das hertz vol ist/
gehet der mund őrber. Ein gůt mensch bringt gůts herfür vñ
seinem gůten schatz/vñ ein bűser mensch bringt bűses herfür
auff seinem bűsen schatz. Math. 11. vñ meniglich sieht/solche
frűcht an vnsern genannten geistlichen/vnd auch allen iren
fűrschtern/die sich Christlichen geistliche vattern eben zim-
men/wie danzapffen an feygenbűmm/so műß man doch se-
hen vnd bekennen/das es faul beűm seind/darumb műgen
ire rath/ler vñ sagung/auch nit Christlich sein/wes dz hertz
vol ist/get der mund őrber. Darum wo sye sollen rathen/wie
man die Christen Christlich leren vñ regierē sol/ist es eben/
als so man den schaffē wolte trewe hirtē seken/vnd neme
des die wűlff zű rath. Es leit am tag vnd mag nit geleitēet
werden/das sye got nit sűchen/den sye wurden sunst anderst
leben/iren pracht vnd wolust sűchen sye/was wolten sye dan
fűr gůts rathen oder fűrnemen? ¶ Solichs ist auch wol bey
dem abzűnemen/das sye sich so engstlich bearbeiten/das die
sachen vnser̃s glaubens vnd Christlicher lere zű keiner offent-
lichen verhűr kűmmen/sonder das alle so irs gefallens nit

predigen / vnuerhört verdampt werden. Christus mag aber
nit liegen/der do spricht/wer arge thut/ der hasset das licht/
vnd kumpt nit an dz licht / auff dz seine werck nit gestraffet
werden. Wer aber die warheit thut/ der kompt an das licht
das sein werck offenbar werden/den sye seind in gott gethan
Jo. 3. Sye haben doch souil hochgelerter doctores/ in samat
vnd scharlach bekleidet/die ganken hohen schulen seind doch
mit inen dran/ist ir ding so gerecht/ vnd das wir predigen so
vngerecht/warumb kumen sye nit ans licht/die geschriffte
gottes ist allen gläubigen geschriben/ so haben alle gläubige
den geist Christi/durch den man die schriffte verstehet / so ne-
me man die schriffte für die handt/zeig nedes theil an/sein ler
vnd thun/so werde alle Christen wol sehen/wie gemess/oder
vngemess der schriffte /jeder theil handle. Von solcher verhör
vnd vrtail dörfen sye E. J. G. sampt andern fürstē vñ obern
die sye weltlich heissen/keins wegs/ als vntögllich/vñ die sich
des handels nit verstandē/verwerffen/ dan warlich niemā
göttlicher sachen weniger verstands hat dan eben sye/dz doch
offenbar ist vnd niemant leücken mag/vnnd alle gläubigen
künden vnd sollen / alle ding so den glauben vnd gots dienst
belangen/erkennen/örttern vnd vrtailen. Dann gott seinen
gläubigen allein sein schriffte geben hat/ vnnd so richtet auch
der geistlich alle ding. 1. Cor. 2. wer dan den geist Christi nit
hat/der ist auch nit sein Ro. 8. Wer soll meniglich gotglets-
big sein/so muß auch meniglich wissen was das wort gottes
sey/dem dan allein zu glauben ist. Deshalb so wider die na-
tur auch ist/etwas vnuerhört verdammen / vnnd Christus
selbs sagt das alle seine schefflin sein stym kennen / auch die
alten aller besten Concilien / von keysern beschriben/vnd in
irem vnd irer gewalt haber beysein/gehalten seind/sol E. J.
G. dahin sich nimer berede lassen/beyzuston denē/ die vnuer
hört

hört über so überflüssigs recht erbieten/ verdammen vñ ver-
tilcken wollen / alle so/ nit nach gefallen der genanten geist-
lichen predigen/ vnd jnen kein richter / daß sich selb zülösen.
Dann wider alle natürlich billikeit ist/ Christum nit ands
predigen lassen/ vñ alle so in anders predigen vnuerhört ver-
dammen/ den eben die wollen/ die sich mitt allem irem thun
beweisen/ abgesagte feind Christi.

Es mag sye auch nit helfen das sye alzeit für werffen/ vn-
sere predig vñnd leer/ sey zu Costen in gemeinem Concili/
von allen stenden des Reichs verdammet/ man künde nit ei-
nem jeden ein eigen Concili halten/ so were es ein leichtferti-
keit / wider in disputation lassen komen / das so ernstlich ein-
mal vom Concili beschlossen ist. Dañ Concilium hin/ con-
cilium her/ das wort gottes soll man predigen/ predigt das je-
mant nit/ vñ wil da von nit ablassen/ sol man in tödtē/ man
sol aber vor besehen/ vñ in dꝛob verhören/ ob er solchs predigt
hab/ oder darwider. Darzū darff man kein Concilium / ein
jede Christliche oberkeit / würt wol erkennen mögen / so sye
die schrift gottes hat / ob irein meinung gemēß oder nit sey.
Der zanc̃t ist nit dꝛob/ was das recht sey/ was man predigen
sol/ oder nit. Gott hat beschlossen/ dz man sein wort leren sol/
vnd das recht ist sein gefas/ der zanc̃t ist/ ob die Päpstlichen/
oder ire widerspꝛecher/ das wort gottes/ oder das jm wider ist
predigen/ vñ welche gottes gefas/ gemēß oder vngemēß han-
dlen. Also das man ein todtschleger tödten sol / ist das recht/
das bleibt/ vnd ist darumb kein frag/ noch so einer todts gesch-
lagen hat / stellet man in vor recht / vernimpt sein antwort/
vnd erkündigt sich / ob er wider dz gefas gehandelt hab oder
nit/ vnd einem der das helle wort gottes predigt/ vnd sich das
zū beweysen erbeüt/ solle zū keiner verhör komen mügen/ vñ
das sollen die aller heyligsten vnd geistlichsten weren? Die

doch/ so sye Christen sein wolten schuldig seind / einen jeden
irrigen zu weisen vnd berichten / mit aller senfftmütigkeit/ist
diß nit ein verkert/vnuerschampte wütereij/die den thürcken
zu vil were:

Au dem allem weiß man wol/wie es zu Costenz im Con-
cilio zügangen ist/ alle fürsten vnd stend des reichs / die das
Bäpßlich gesind/ weltlich nennē / waren des beredt/dz jnen
in sachen des glaubens / nichts gepürte zu richten. Deshalb
sye/den beschoren/vñ bekütteten prelaten/die sach befaßhen/
soltten den die selbigē etwas irem prachtigen/ gemachsamē
fäigen/mütwilligē leben abbrüchlich/wie dan die ganz göt-
lich schrift ist/erkant haben/wer je wider ordnung der natur
gewesen/die sich selber allweg mer dan andere liebet/vnd dz
zeitlich/dem ewigen stetigs fürsetet. Der frum kaysr Sig-
mund/hette gern ein reformation des geistlichen stands für-
genommen/vnnd hat sich im selbigen hoch bearbeit/aber er
war also durch die genanten geistlichen überlägen/wie noch
heütigs tag geschicht/so man zusamen kompt/dz die Bapst-
lichen drey stimmen haben/so frumme weltliche fürsten/die
ir leyb/cer vnd güt zum reich sehen/nit eine haben / dz ee alle
ding müste fūrgan/dan so ein nötige heilsame reformation.
Dan man sich vnd greiff/dz von den ferschen/bis zur schei-
tel nichts gesunds noch gankes ist/im ganken genantē geist-
lichen standt. Darumb würt es kein leichtfertigkeit sein/ob
man schon vnangesehen / was im Concilio zu Costenz be-
schlossen / das gots wort lasset die richtschnür sein / aller leer
vnd predig/verhört auch ein jeden / der sich erbeit zu bewen-
sen/das sein predig vñ leer das wort gottes sey / so man doch
kein leichtfertigkeit achtet/ dz in vil geringern sache/ersücht
würt / was dem rechten gemess sey oder nit/darunder nit ge-
achtet/was bey den alten beschlossen ist.

¶ Die götlich schrifft leyt so hell am tag/ da zü greiffst man/
das der geschrifft zü wider ist/was der genant geistlich hauff
lert vnnnd thüt/das erkennet auch so ein grosser teil der erbar-
keit / wo nur freyheit ist das wort gottes zü predigen / das es
freilich kein verstendiger/ vnd der/der wozheit nit vor entsa-
get hat/vnnütz noch vnnotürfftig achte mag/ von sachen vn-
fers glaubens vñ Christlichs lebens die jekund in mißhellüg
schweben/verhör/red/vnd befragung zü vergiinnen. Ja nie-
mant der Christum liebet/mag solche abschlagen/ vil weni-
ger jemant vnuerhört verdammen. Aber freylich wer der sache
ein wenig nachdenckt/würt bald sehen dz die genanten geist-
lichen/gemeldter einreden keine fürten / wo sye irer sache füg-
hetten/sye wissen wo sye für die gemein erbarkeit komen/vñ
ir handel gegen götlicher schrifft gehalten wurd/ja nur gegē
natürlicher billikeit/das sye nit beston möchten / darumb ist
all ir arbeit vnnnd mühe / seyt dem letzten reichs tag zü Aug-
spurg gehalten/allein darauff gericht/das niemant kein ver-
hör gegünt/sonder menigklich der jnen nit wil gewonnē ge-
bē/vnuerhört vñ vnuerantwort verdampt werde. Ds mag
nu E. F. G. wol erkennen / wie nit allein vnchristlich / son-
der wie vnnatürlich solichs sey / wie sye das auch erkent hat/
vnd lengest vermerckt / das sye die vermeinten geistlichen ir
sache mit gewalt begeren / hynauß zü bringen/darumb würt
ir seel in deren rath nimer verwilligen.

¶ Auch sich nit bewegen lassen das sye on vnderlaß liegen/
man wölle alle oberkeit abthün / vnd so man ein reformati-
on mit jnen erlange/werde man denn an alle oberkeit gera-
ten vnd all gehorsame auflösen. Dañ so man das wort got-
tes predigt/leret man das ein jede seel sol der gewalt vñ aller
oberkeit vnderthon sein vñ gehorchen/wie das Ro. 13. Tit. 3.
vnd. 1. Pet. 2. außgedruckt ist. Dañ freylich so man got recht

leret erkennē / mag nit sein / das seiner ordnung / der allen ge-
walt vnd oberkeit einsetzet / jemandt widerstrebe. Syc aber /
die genanten geistlichen / so syc geistlich vñ Apostolisch sein
wolten / solten wie Christus vnser herr / dienen vñ nit hersch-
en / wie er dan im nit hat dienen lassen / sonder vns gedient
vnd sein seel zū einer erlösung geben für vil / vnd zū sein jün-
gern gesagt / die weltlichen fürsten herschen / vnd die oberher-
ren / faren mit gewalt / also sol es nit sein vnder eüch / sonder
so jeman wil vnder eüch gewaltig sein geachtet / der sey ewer
diener / vñ were do wil der fürnemeist sein / der sey ewer knecht
Math. 20. Nun aber / so lassen sye / den dienst götlichs worts
faren / vnnd faren mit gewalt / über alle von gott eingesezte
oberkeitē vñ gewalthaber / ja wie Petrus von jnen geweissa-
get hat / wandlen nach dem fleisch / in der lust der vn sauber-
keit / verachten die herschafftē / seind türlich haltē hoch von
jn selb / vnnd zittern nit / die maiesteten zū lestern. Darumb
seind sye die selbigen / die götlich ordnung vñ gehorsam auff-
lösen / vnd alle oberkeiten zerstören / nach allem irem mütwil-
len / so das wort gottes / meniglich / beschoren vñ vnbeschorē /
leret den fürstenthumben vnnd gewaltigen vnderthan sein /
vnd der oberkeit gehorchen.

Ihekund allhie zū Straßburg / so vmb fridlicher beywo-
nung vnd Christlicher einigkeit willen / ein Ersamer Rath
meine gnedigen herrn / an den genanten geistlichen hauffen
gesunnen hat / in burgerliche einigkeit vñ pflicht / wie ander
einwoner / edel vnd vnedel sich zū begeben / findt man vnder
jnen / die auß dörffen geben / solchs wer jnen an iren eyd vnd
eren abbrüchlich / gleich als ob sye ire eyd verbinden / vñ ir eer
wer / denen bey welchen sye wonen / ja von welchen sye hie
seind / ire narung haben / vnnd zum teil / dem geblüt nach / ire
verwanten seind / weder trew noch hold zū sein / noch auch

Ehrlichen/ vnd zur erbarkeit dienstlichen vnd nötigen gebotten vñ verbottē/ zū gehorsamen. Dañ burgerliche pflicht vñnd verbündnuß/ so inen angemüet/ weiters nit fordert. Doch vil auff ire freyheiten/ inen von künigen vñ keisern geben/ so doch kundlich/ das solche nur geistlichen heiligen vättern geben seind/ auff das sye/ dem dienst götlichen worts deßer freyer möchten nachkummen/ vñ keins wegs/ ein solchen losen/ fengen/ gefind/ das einer eberkeit/ vñnd nur einer scharffen/ notürfftiger were/ dañ nit bald ein volck off erden wie man augenscheynlich sieht. Man besche ire freyheits brieffe/ ja alle ire alten donationes/ so würt man finden/ das vil andern leüten/ solche geben seind/ welche vnser genanter geistlicher hauff/ als gleich ist/ als dem Abraham die pharisceer gleich waren/ die Jesum creüzigten.

¶ Aber wie daoben angezeigt ist/ das sye vil fürwenden/ dadurch sye vermeinen darzüthun/ nit gepüren/ in sacheu des glaubens jemant ein öffentlich verhörd/ vñ befragens zū vergünnen/ vñnd doch die gründtlich vrsach ist/ darumb sye sich also seer vor öffentlicher verhörd schewen/ das sye wissen ir sache/ im grund faul vñ kein nusz sein/ also werffen sye auch in disem fal/ diß vnd jenes für/ damit sye götlich vnd billich gehorsam von sich schütten/ vñ ist aber die einig recht vrsach das ir leben also gestalt ist/ dz sye kein Ehrlich oberkeit leiden mögen/ die dañ zur rache der übelthäter/ vnd lob der wolthäter vor gott eingesezet ist. 1. Pe. 2. Darumb auch Paulus spricht Ro. 13. Die gewaltigen seind nit den gütten wercken/ sonder den bösen zū förchten. Also findet sich/ das eben sye/ die genanten geistlichen solche seind/ die alle götliche oberkeit verachten vñ abthun/ wie sye dañ/ von wegen ihres vnbillichen lebens halb/ keine er leiden mögen/ vñ das/ den predigern götlichen worts felschlich zū messen/ die doch leren vnd predi-

gen/nit allein das aller andern ordenlicher oberkent / sonder
auch das jnen/welche nit solten weltlich herschen / so sye an-
ders der apostelen nachkomen sein wöllen / noch weil es gott
also geschickt hat / das sye je weltlich herren seind / solle von
allen/die vnder irem gwalt seind / gehorsambt werde so fere
sye nur nichts gepieten/das wider gott ist/ vnd die seel belan-
get/ia auß dem wort gottes ermanen / was nur das zentlich
antrifft/als leyb/er vñ güt / auch gewalt von jnen zü leiden.
Aber so alle ir sacht/auff teüscherey vnd verfärgung des armē
einfeltigen leyen stot vnnd sye mit iren wercken/die sye also
vnuersehampyt treiben / das sye vor lengest ein grewel seind
worden aller erberkeit/vnd niemant der zucht vnd scham lie-
bet/gern vil mit jnen zü thün hat / erweisen das sye nit auß
gott / sonder auß dem teüffel geporen seind (den Johannes
spricht wer sünd thut/ist von dem teüffel) so ist kein wunder
ja es mag anders nit sein / dan das als ir fechten vnd sagen
eytel lügen sey. Der teüffel ist ein lugner vnd der lügen vater
Ioh. 8. was wolt er den seine süne anders leren:

ESye erzeigen auch solche art überflüssig hie vnd allent-
halb / sye haben allein auff mich armen vntüchtigen diener
des worts so vil vngeschickten vngereimpten lügen/ erdocht
ausgesagt vnd aufgeschriben/das sichs hochlich zü verwun-
dern ist / do hab ich müssen vor Wasper ein vnordlich leben
geführt haben/so ich zü der selbigē zeit / an E. J. G. hoff war/
do hab ich müssen/mit grossen schandē von E. J. G. hoff en-
lossen sein / so sye mich doch mit sonder gaben vnd schencken
gnädigklich abgefertigt hat / do ist mir mein hauffraw ent-
lossen/do hab ich kinder beschnitten / do diß / do ihenes thon.
Do haben sye etlichen fürsten dörfen zusagē etliche meiner
mit arbeiter im wort/habē predigt/vnser liebe fraw/die müs-
ter Christi / sey ein hunde / do von ein andern aufgeben/er

hab predigt/so ein man etwan ein zeit von seiner frauwe sey/
möge sye den nechste nemē/zū dem sye lust habe/ so wir doch
der maß von haltung der Ec predigen/ auß dem gefas gotes
solt man jm tātlich nachfomē/iren der genanten geistlichē
hettē etlich langest müssen landtreümig werden/dañ man
wol von hochgelerten geistlichē findt / die eim an irem geist-
lichen gericht/sein Ec frauw abgesprochen haben/ vnd gleich
zū jnen genomen.

¶ Vnd darumb G. H. dieweil auch von meinen mitarbei-
tern vnd predigern des Euangeli hie zū Strassburg auff vñ
durch das gewisse ewige wort gottes etliche sachen im gots
dienst/geendert vnd bessert worden seind/von welchen/vnser
re gedachte widersecher weyt vnd breyt / vor fürsten vnd her-
ren/grewlich liegen/wie sye vns auch vor thon habē/hab ich
solche E. F. G. mit anzeigung götlicher schrifft/auff welche/
alles fürgenomē ist / auff dz kürzest wöllen beschreiben/auff
das sye der worheit berichtet/wüsste sich desten weniger/ an et-
licher heisse meren zū lassen/ob schon grosse bischöff vnd pre-
laten solche fürbrechten/dañ sye in solchē dingen/zū vil gläu-
big/auch noch/vnnd für war zū sagen/etwan offte zū schnell
erfunden seind. Hab auch hie mit E. F. G. anzeigen wöllen
wo etwas in meinem vermügen wer/das ich ir dienst vñ ge-
fallens zū thun vermöchte/das ich des gank willig vñ bereit
were/dañ ich ire gnädig güthaten/mir irem vntüchtigen die
ner überzeyhlich bewisen / noch in frischer gedechnuß hab/
vnd alweg haben wurd.

¶ Ist also an sye mein vnderthenige demütige vnd gank
fleissige bitt/sye wölle solch mein schreiben auß Christlicher
meinung beschehen/gnädigklich auffnemen/vnnd sich/von
dem ewigen gewissen heilsamen wort gottes / niemandt ab-
wendē lassen/der gesalbten/die sye doch hoch vñ nider stands

bey iren fruchten nun wol erlernet hat / als einiger fürst des
reichs / sagen vnnnd klagen / sich nit so hoch ansechten lassen/
vñ dran sein das nichts / vnuerhörter sache / verdammet / noch
die personen angesehen werden / Christus sagt / was hoch vn
der den menschen ist / ist ein grewel vor gott. Er hat zů ver
künden sein wort / ie welt / die verachten vñ geringē erwölet /
man les. 1. Cor. 1. vñ. 2. Also send wir aber vnser sache gewis
dz wir vns des todes begebē / wo jemant beybringē mag / das
vnser predig / vñ was wir darauff handlē nit mit dem gewis
sen wort gottes / in seiner heiligen schrift verfasst / gleich vñ
gemessē sey. Ist auch vnser grōste clag / das vnser widerpart
bisher allenthalt verhindert hat / dz wir vnser leer vñ thūn /
nit haben mögen offentlich vor aller welt / grundt vñ vrsach
geben vnd darchūn / wie wir des zů thūn wissen. Wir suchen
vnd schewent das liecht nit / wie vnser widerseher. Der
almchtig wölle durch Christum vnsern herren E. F.

G. verlyhen / sein wort recht zů fassen / vñnd da bey /
zů gewisser wolart vnd seligkeit / irer vñ irer vn
derthan / fest zů bleiben vñ verharren / Amen.

Geben zů Strassburg. xxvj. Decembris.

1 5 2 4.

E. F. G. vndertheniger diener
Martin Buzer

Chriftlicher leser: da mit ich nie
mandt ein anstoß geb/ will ich mich befeiffen / nit allein die
meinung göttlicher schrift zu sehen/ sonder auch irer wort zu
gebrauchen. Darumb wöll sich niemant entsehe ob er etwa
andere / daß des gemeinen brauchs wort hie lesen wurd. Er
besehe die schrift/so würt er finden/das solche wort vom heyl
ligen geist/vnd nit nur auff bracht vnd gesehet seind.

Wonnneuerung am nacht mal des Herren.

GDas nachtmal der herren / wie es der heylig geist durch
den mundt Pauli nennet/hat man jetzt ein lange zeyt Meß
geheiffen/nemlich bey den vnderthonen Römischer kirchen.
Vnd meniglich beredt/das so der priester meß haltet/opffere
er den leyb vnd das blüt Christi / für lebendig vñ todten/das
kein nusslicher vnnd heylsamer güt werck geacht worden ist/
vnd dise auffopfferung zu bedeuten / hat man das brot vnnd
kelch des herren pflegt auff zu heben/auch deßhalb nit geacht
ob schon neman mit/das nachtmal des herren genossen hat/
mer solche kleider gebraucht/ wie bey den juden vnnd heyden
die opfferer/zü latein sacerdotes genent/ zum teyl im brauch
gewesen/auff dz die meß/ aller ding/ein auffopfferung gleich
were/vnd da für gehalten wurde.

Wir aber/von den gnaden gottes / seins heyligen worts
berichtet (im sey des/ewigs lob) wissen/ das die greulichste/
vergiftigste/ vnnd allerschedlichste / schmach vnd lesterung
Christi Jesu vnseres herren vnd heyland ist / meinen vnd sa
gen/das der priester in der meß / in auffopffere / darumb die
weyl das lichte mitt der finsternuß kein gemeinschaft hat/
Christus mit Belial nit stimmet/ vnd der gläubig mit dem

vngläubigen kein teyl hat. 2. Corint. 6. haben wir alles/so on
 grunde der schrift / zū befestigen vnnnd schmucken / gemelte
 schmach vnd lesterung Christi vnnnd götlicher gnaden / zum
 nachtmal des herren/hin zū thon gewesen ist / gentlich in vn
 ser gemein hingelegt vnd abgestellt / also das wir nit me den
 namen nich/sonder(nachtmal des herren)brauchē / Welchs
 wir zū gedechtnuß des tods vnser herren / vnd keins weg für
 ein auffopfferung seins leibs vñ blüts haltē / on auff hebung
 des brots vnd felchs / vnd auch nit / es seyen deñ etlich die mit /
 das brot vñ den felch des herren empfahe / dazū braucht der
 priester vnd diener der gemein / kein sonderlich kleid / deñ das
 man ein chorrock heist / vnd nichts der opfferlichen kleider / als
 alb / stol / casel zc / noch auch ander geperden / von menschē on
 das wort gottes erdichtet.

¶ Die weyl nu aber nit gnüg ist / thūn / das in jm selb recht
 vnd billich ist / sonder eim Christen gepürt / so ferz jm müg
 lich zū versehen / das sein thūn auch den erwelten besserlich
 sey / den verworffnē / muß ein geruch des todts sein was man
 güts anfahet. Dañ die rechte Christliche lieb erheischet / das
 wir zū heyl vnserer nechsten / auch zū sterben bereit seien / wie
 dañ vns der herr thon hat / ich schweig / das wir in andern /
 jñe besserlich zū sein vns bestreiffen . Dazū ermanet Paulus
 die Römer. 14. Es stelle sich / spricht er / ein jeglicher vnder
 vns also / das er seinem nechsten gefalle / zum gūten / zur bes
 serung. Deñ auch Christus nit an im selber gefallen hette /
 sonder wie geschribē steet / Die schmach deren die dich schme
 hen / seind über mich gefallen. Vñ den Corinthiern schreibe
 er also zū. Ir esset nun oder drinck / oder was ir thut / seit vñ
 anstößig / beide den kriecken vñ juden / vñ der gemein gotes /
 gleich wie ich auch jed man / in allerley mich gefellig mache /
 vñ süche nit was mir / sonder was vñen zūreglich ist / dz sye

selig werden. Seyt mein nachfolger/gleich wie ich Christi.

G Darumb wolte wir / so fern nur möglich / gar gern alles so wir in disem vnd anderm / auff vn durchs gots wort geendert vnd bessert haben / jederman gefellig vn besserlich machen. Da mit / wie es in jm selb / alles recht vnd götlich ist / auch von menigklich da für gehalten vnd angenommen wurde / zu der ere gottes / des wort wir in disem gefolget haben / vn auch frummen vn auff bawen / aller die sich Christo versprochen haben / das auch sye vnderstanden der stim ires hirtten / vnd lere / des einigen meisters vnd lercers / den vns der vatter gebe hat / allein zu folgen / hin dan geseket was von den menschen in solchen dingen / den glauben vnd gots dienst belangen / erdichtet ist. Weiter stot vns zu möglichs fleiß auch lügen vnd schaffen / das vnser schak / das heylig Euangelion vnd ewig wort / ja auch vnser ampt / nit verlestert werde. Rom. 14. vnd 2. Cor. 6. das also vnser thün nit allein den gütwilligen / gefellig vnnnd besserlich / sonder auch den bößwilligen / als weit wir vermügen / vnuerachtlich vn vnstrefflich sey.

G Die beyde wissen wir nit bas vnd ee zu erlangen / den so wir menigklich / die schrifft vnd wort gottes anzeigen / welch en wir in vnserm thün gefolgt haben / vn nachkomen seind. So solche die erwölten gottes vernemē werden / wie sye gott den herren für den obristen erkennen vnd lieben / also werden sye auch ab solchem genßlichs gefallen tragen / das sye dan sein geheis vn befelch befinden. Mit David singt der ganz gläubig hauff Psal. 19. Die recht des herrn seind rechtschaffen / alle sampt gerecht. Sye seind köstlicher dan goldt / vnnnd vil feins goldes / sye seind süßer den hönig / vnd hönig seint. Vnd im. 119. Psal. Wie süße seind deine red meiner kelen / mer dan hönig meinem mund. Ich werd verstedig von dem

das du befolhen hast/darumb laß ich alle falsche wege. Des
halb so die schäffin ires hirtens begert vnd geliebte stym hö-
ren werden/werden sy sye alßbald kennen / vnd mit aller be-
girden folgen/lust vnd freud werdē sye haben/dz vns solcher
nach zu kumen geben ist. Kein menschlich gewalt / lere noch
gewonheit/würt da mer angesehen werden/ wir seind theu-
rer erkauft / dan dz wir solten mensche knecht sein. 1. Cor. 7.
mit leyb eer vnd gut wollen wir aller menschlichen ordnung
vnd gewalt vnderthenig sein vnnnd gehorchen/der geyst aber
sol gott ergeben sein/vnd wie kein mensch/den rath vnd wil-
len gottes wissen mag/also würt vns niemant mögen leren/
wie vnnnd wo mit wir im gefallen mögen / den er selb allein.
Darumb spricht.Dauid im. 119. psalm. Wenn dein wort herr
ausgeet/so erleuchtet es/ vnd gibt den einfeltigen verstandt/
vnd bald hernaher. Nichte meine geng durch deine red. Des
halb gott im. v. buch Mose. xij. gar ernstlich verboten hat im
zu thun/dz ein jeden gefalt / Alles was ich euch gebiete/das
solt ir halten / das ir darnach thut / ir solt nit darzu noch dar
von thun.

¶ Also seind wir gewis vnd on allen zweifel/ wer gotselig
ist/so er würt lesen/die clare hellen gottes wort / auff die vnd
nach den wir gehandelt haben/würt er ab vnsern neüwerun-
gen/oder vil mer wider bringen auff das recht alt vnd ewig/
nit allein kein beschwerdt haben/sonder gott loben vnd bene-
den/ß vns von dem geschwirm/so viler vnordlicher/sched-
licher menschen gebot/vnd brauch/wider auff seinen weg vn-
zu seinem befelch gefüret hat / sich selb auch vnd andere/vn-
derston zu gleicher / oder nach volkumner reformation/auff
das einig vnd lauter wort gottes/ aller ding/zum gots dienst
gehörig/ermanen vnd bringen.

¶ Den bößwilligen auch / wissen wir keins andern wegs/

frefftiger abzüstricken/vrsach / das wort des herren vñ vnser
ampt zū lestern. Dañ wo sye daran/dz wir in hell anzeigen/
von gott/der je der obrest ist / vns geboten vnd befolhen sein/
wes wir newerung oder mer reformation fürgenomen ha-
ben/kein vernügē habē wöllen/ wie sollē wir in and ers thün/
dañ Christus sagt Mat.15. sye faren lassen/die blinden blinden-
leyter:wir künden in je höher gebot vnd recht nit anzeigē
dañ gottes/wer vns da bey nit wil bleiben lassen/des müssen
wir nit hoch achten. Gott muß man mer geho:sam sein/dañ
den menschen. Seytemal solchem gottes geheiß nit gefallen
kan/stünde es übel vn b vns/wo inen vnser thün gefellig we-
re vnd vnsträfflich. Wir künden nit mer/dañ dz wir vrbütig
seind/zū verantwortē jederman/der grundt fordert der hoff-
nung/die in vns ist/vnd das mit sanfftmütigkeit vnd forcht/
wie Petrus leret/wer solichs nit wil auffnemen / vñ schlecht
das wort gottes in wind / achtet grösser der menschen breüch
vnd saking/dan geheiß vnd befelch gottes / den müssen wir
dem gericht gottes befelhen/vnd ob vns solche/cker vnd fre-
ueler außschreien / das vns nit lassen anfechten / deñ das ge-
sind auch Christum den hauß vater beelzebub gescholte hat.

¶ Also beschleüß ich/ wer nur natürlicher erbarkeit vnd bil-
ligkeit nit entsaget hat / würt vns vnuerhört/ vnd ee er vnser
verantwortung vernomen hat/nit verdammen/ So er dañ
die selbig vernemen würt / das sye auff das helle wort/ vñnd
außgedruckten befelch gotes gegründet ist/würt er vns je nit
wol künne weiter treiben. Wer sich aber an solchem nit wolt
setigen lassen/oder als vil vnfinnig leüt thün/vnser antwort
nit wöllen vernemen/vnd vnerkants handels/verdammen/
solcher wissen wir nit zū achten noch sye zū fürchten / dañ sye
auch gott nit achtē/ noch fürchtē/ja auch wiß alle natürliche
billikeit handeln. Denen/die gott nit verstoffen vnd gar ver-

blendet hat/wöllen wir vnfers thüns/sölschen gründe/vnd dz auß göttlicher schrift anzeigen vnnnd darthün / das sye vns als ir Ehrstliche brüder vñ gemeine glider erkennen/lieben/vnd auch vertedigen sollen/gegen meniglich/denen zů dienst vnd gefallen ist auch dis schreiben fürgenomen.

Von dem namen des nachtmals Christi.

Erstlich haben vnser brüder / ein abschew / ab dem namen meß / vnd pflegen nachtmal des herren zů nennen/das wir auff Römisch weyß jek lang meß genent habē. Wie wol wir/über den worten/ mitt niemant vns wissen zů zanken/mit dem wir vns der säch in ir selb mögen vergleichen/dañ solche wort zeneß/häß/hader / vnd anders bringen/da durch Ehrstlicher glaub vnnnd lieb zerstört würt. 1. Timoth. 6. noch müssen wir bekennen das Ehrstlicher vnnnd gewisser ist/wir nennen/das vns Christus vnser herz eingesezt hat/mit dem namē/den jm die schrift gibt/dañ mit solchē/ des wir überal kein eigenschafft können wissen. Etlich meinen/Missa/das wir meß auff teütsch sagen / sey ein Hebreisch wörtlin/gezogen von dem wörtlin Mas/das ein verpflichte gab heist/als tribut ist/vñ heisse ein opffer/wie dan solchs im. v. büch Mo se. xvj. ca. da fürgelesen würt/vñ deßhalb/die weyl der gewlichst gewel ist/dz Nachtmal des herren/ für ein opffer halten/können dise/solchen namen/nit gnüg verwerffen vñ verdammen. Aber septenmal solcher nam/bey den kriechischen nit ist/die dan des herren Nachtmal Liturgian/ dz ist/Ampe oder dienst heißen/vñ auch bey den alten latinischen/als Eypriano/Hieronymo/vnd andern nit gefunden würt/will es zweyfelhafftig sein/das solcher nam von hebreischen kume/dañ in die kriechē/die ersten jünger der hebreischē/des gleichē

die alten latinischen suß auch in brauch gehabt hetten.

¶ Doch er sey kumē wo her er / oder heiße auch gleich was er wölle / des sich noch keiner eigentlich hat entschließen können / so hat in die götlich schrift nit / vnnnd dis ist übrüg gnüg / das er von Christen verworffen vnnnd verspult werden sol. Es sieht sich auch an / als ob auß sonderm geschick gottes geschehen sye / die weyl durch die falsch vnnnd aller verfärsche meinung / das im Nachtmal des herren sein leyb vnnnd blüt durch den priester auffgeopffert werden / die welt also geblen det gewesen ist / das sye gar nit me gewußt hat / was des herren Nachtmal / oder wo zü es güt sey / das man im auch ein namen geben habe / den niemand kenne / noch wisse / wo her er kome / oder was er deüte. Seytemal daß kein gemeinschafft ist / des lichts vnd der finsternüß. 2. Cor. 6. so sollen wir vns / die wir kinder des lichts seind / wie der finsternüß vnnnd irer werck / also auch der namen gentslich entschlagen. David Psal. 16. spricht. Ich will deren vom blüt seind / tranckopffer nicht opffern / noch iren namē in meinen mund füren. Also auch wir / wie wir ein grewel haben / den leyb vnd blüt Christi wider vnderston auff zü opffern / also sollen vns auch ein grewel sein / solche opfferer / opffer / werck / namen / vnnnd wo mit sye umb gon.

¶ Wir wissen / das allein der geist gottes verstan kan / was götlich ist. 1. Cor. 2. darüm würt solche ding auch anders niemand neñen können. Darumb so ers das Nachtmal des herren nennet / sollen wir auch kein andern namen brauchen / vnnnd den heyligen geist nit wöllen erst zur schülen füren / vnd seinen dingen frembde namen geben. Welche wir doch nit mögen wissen / wo her sye komen / deñ allein vom geist des irthumb vnnnd der lügen / daß wo anders / vnnnd wo diser name

Wesh in solcher deütüg/wie in die Weshling in brauch bracht
haben / etwar zü güt were / wurde er in götlicher schrift/in
sein weg vngemeldet bliben sein / deñ sye alles/ das nutz vnd
güt sein mag/über rephlich leret. Also leren wir/das Nach
mal des herren/ also/ wie es der geist gottes nennet/vnnd nie
Wesh heissen/da mit wie vnser thün / also auch vusere wort/
mit götlicher schrift stimmen / doch ermanen wir/ das über
dem namen niemant ein zand ansehē / oder die andern ver
dammen/ wo allein mit dem namen/nit auch der irthumb/
als ob man do gott etwas gebe vñ opfferte/angenomē würt.
Dis ist vnser lere/vnd deren grundt / des namen halb Wesh/
wölchen wir wolten schon abthun vnnd verspulget sein/vnd
dz meniglich disen namen/ dz Nachtmal des herren brauch
te/wie es dan. 1. Corinth. 11. geheissen würt.

Das das Nachtmal des herren:

zū gedechtnuß des tods vnser herren / vnd keins wegs
für ein auffopfferung sol gehalten werden.

¶ Das der verterblichst/vñ abschewlichst irthumb ist/ver
meinen im Nachtmal des herren/den leyb vnd dz blüt Chri
sti auff zū opffern / ist nun von so vilen schriftlich erweisen/
vnnd würt allenthalb/do gottes wort bekant ist/on vnderlaß
gepredigt/das nit von nöten ist hic von vil schriftten anzüzie
hen. Die wort Christi seind clar. Als der das brot genomen/
danck gesagt/vnnd das gebrochen hat/sagt er/Nemet/esset/
das ist mein leyb / der für euch brochen würt/ solchs thut mir
zū dechtnuß. Des selben gleichen auch den kelch / nach dem
abent mal/vnnd sprach. Diser kelch ist ein new Testament/
in meine blüt/solchs thut so offti ir trinckē/ zū meiner gedech
nuß. Dis seind die wort des herren wie sye Paulus vom her
ren empfangen hat. 1. Cor. 11. in welchen ein jeder sieht/dz der

herz

herz allein zwey ding beſilcht/nemlich dz brot eſſen/den kelch
trinckē/für dz ein/das ander/ ſolchs im zů gedechtnuß thün/
welche gedechtnuß/ ſo rechtſchaffen vñ im glauben geſchicht
bringet alſo bald von ir ſelb/die verkündigung des todts Chri
ſti. Dañ welcher künde ſolchen / als ſein ewige erlöſung be
dencken/vnd glauben/vñ nit als bald begirig ſein/jederman
da von zů ſingen vñnd ſagen: Darumb ſagt Paulus gleich
auff vorgeſetzte wort des herin. Den ſo oft ir von diſem brot
eſſet/vñnd von diſem kelch trincket/ ſolt ir des herren tod ver
künden/bis das er kompt. Die weyl wir dañ/den worten des
herin nichts zů noch von thün ſollen / wie wir auch in ſolchen
dingē von vns ſelb nichts weiter dañ er vns offenbart/ wiſſen
mögen/ ſo gepürt ſichs / das wir ſtracks / bey dem beſelch des
herren bleiben / nemlich ſo wir des herren nachtmal halten/
das wir dz brot vñ kelch des herin entpfahē/vñ ſeins todts da
bey gedenden/vñ den verkündigen/vñ nichts zů opffern vns
vermeſſen/des der herz doch/ mit eim wort nit gedacht hat.

¶ Auch Lucas in geſchichten der Apoſtel/do er meldet/wie
die gläubigē ſich hielten/vñ auch diſes Nachtmals gedent
et als genßlich geacht würt / vñ es die wort geben/ſchreibt er.
Sye bliſen aber beſtendig in der Apoſteln lere/vñ in der ge
meinſchafft/vñ im brot brechen vñ gebett. Syhe er nennets
ſchlecht dz brot brechē/ſpricht nit im brot opffern / oder etwas
des gleichen. Acht auch/ wer nit zentkiſch will ſein/die weyl
dis brot brechen/dem anhangen der Apoſtel lere/der gemein
ſchafft/vñ gebett mit zelt würt/ werde er es laſſen vom nacht
mal des herren geredt ſein/ dañ von gemeiner ſpenß nemen/
vnder ſolchen hohen geiſtliche dingen/melden/ wer je ein vn
gereimets/vnd dem Apoſtoliſchen geiſt nit gebreüchlich. Es
würt auch die gemeinſchafft des kelchs daruñ dz er des brots
allein gedent nit außgeſchloſſen / ſonder mer mit verſtan

den. Daß genzlich zu vermüten/ das sye sich in solchem brot brechen / der ein saking Christi vollcomelich gehalten haben/ vñ also gemeinschafft des kelchs keins wegs nach gelassen.

¶ Wie aber dem sey/so ist vnuerneinlich dz Paulus vom Nachtmal des herin geredt hat. 1. Cor. 10. do er spricht. Der kelch der benedeyung / den wir benedeyen / ist der nit die gemeinschafft des bluts Christi: Das brot das wir brechen/ist dz nit die gemeinschafft des leybs Christi: Er spricht nit den kelch den wir auff opffern / sonder den wir benedeyen/das ist über dem wir got pressen vnd loben / Sagt nit das brot/das wir auff opffern/sonder das wir brechen/das ist/teylen zu essen/wie dan des lands sitt ist/ das brot zu brechen/wañ man es nyessen will.

¶ Nun so wir von solchem einsatz Christi nichts künden wissen / dan vns sein geyst offenbaret in der schrift / solt vns übrig gnüg sein/die meinung von dem opffern/ als ein ungezweiffelten fund/des teuffels zu verwerffen vnd auff das abschewlichst schewen / das Christus vnser herr / ein wort vom opffern nit gedacht hat/sonder heissen nemen allein/vñ sein dabey gedenccken/ vnd also folgen dem exempel Dauidis do er spricht. Ich lieb dein gebot über goldt vnd feingoldt. Darumb halt ich stracks / alles was du je befolhen hast. Ich haß allen falschen pfadt Psal. 119. noch zu eim überfluß/wer sich an gemeltem nit wolte ersetigen lassen/ der lese die ganz geschrift auß/würt er finden / das alle schriften/ auff dz einig opffer Christi / als er sein leyb am creutz auffgeopffert hat/ deüten/durch welches/für alle erwelten/gnüg gethan ist/vñ kein wörtlin/das solchen leyb erst/so manig tausent mal täglich die priester auffopffern solten. Das wir aber vnser eigene leyb/ein zerbrochenen geist/vnd zerschlagen herr/vnd das

opffer des lobes / gott täglich auffopfferen sollen / da von seret
vns die schrift allenthalben.

¶ Nun Hebreern. 9. list man also / Christus ist nit eingan-
gen in das heylige mit henden gemacht / welchs ist ein gegen
bild der worhafftigen / sonder in den himel selbs / nun zu er-
scheinen / vor dem angesicht gottes. Auch nit das er sich offe-
mals opffere / gleich wie der hochprieester geet alle jar / in das
heylige mit frembdem blut / suß hette er offte müssen leiden
von anfang der welt her / nun aber am end der welt / ist er ein
mal erschinen / durch sein eigē opffer / die sünd auff zu heben.
Vnd wie den menschen ist gescheit ein mal sterben / darnach
aber das gericht / also ist Christus ein mal geopffert / hinweg
zu nemen viler sünd / zum andern mal aber / wurt er on sünd
erscheynen / denen die auff in warten zur seligkeit.

¶ Was möchte doch clars / wider dz vnfininig meh opffer
gesagt werden: Wo seind do die mehling / das arm bauch
volck / das Christum täglich noch opffern will: Hörent doch.
Christus opffert sich nit oftmals / dan sunst müß er oftmals
leyden / darauff je folget / wo ir in wölt täglich opffern / das er
auch täglich leyden müß / vnd ir in täglich creüzigen / wie ir
auch so vil an euch täglich thün / ir armen Christmörder.
Darnach hört ir dz er am end der welt / ein mal erschinen ist /
durch sein eigen opffer / die sünd auff zu heben / warumb sagt
ir dan / dz er täglich in ewern blütigen / mörderischen henden /
so vil tausent mal / wider ein opffer erschine: Wer sagt der
Apostel / er sey erschinen durch sein eigen opffer / wie dörfte ir
den sagen er sey ewer opffer: Ewer eigner / senger / müßwilli-
ger / schätlicher leyb / das / das sol ewer opffer sein ir Baalits-
sāhen opfferer.

¶ Zu lezt hört ir / das er erschinen ist / die sünd auff zu heben /

hat er daß mit seinem einigen opffer/die sünd viler/nemlich
aller erwölten/auffgehaben/vnd hingenomen / was macht
ir daß/vnnd betriegt so vil armer seelen/ mit so vil verzwey-
selten/gots lesterliche Messen: Hört ir nicht/ir sündē sāger/
nit auff heber / wie dem menschen ein mal gesetzet ist zū ster-
ben/vnnd darnach das gericht/also ist Christus ein mal ge-
opffert/hin weg zū nemen viler sünd: Was meint ir das ir
schaffet mit ewerm opffern: Christus hat mit seim einigen/
ein mal gecopfferten opffer/dz er selb ist/die sünd hin weg ge-
nomē/ was wölt ir daß mit ewerm opffern anders daß sünd
sāgen vnd pflancken/vnd mit mißglauben/vnd allen lastern
die welt überschütten/wie ir than habet.

¶ Die leüt habt ir vom glauben an das einig opffer Chri-
sti/auff ewer opffern abgewendt / elich selb/ allein für da zū
gewenhet opfferer/aufgeben/ da mit ir schier aller welt güt
an eüch zogen habt/vnd das solchs nit wider zū denen keme/
die es mit irem schweiß gewinnen müssen/habt ir eüch der ee
entschlagen/lebt da neben doch in aller vnlautekeit/dz ewer
gleich/die welt nit hat. Dazū verdampft vnd verfolget ir/dz
wort gottes/do mit durch solchs/ewer aller grewlichste / vers-
fürung / betrug / vnd schandlichs leben/nit an tag komme.
Das muß nun ewer Mesopffer/ alles erhalten vnd vertedi-
gen.Darum vnleügbār ist/das ir mit ewerm Mesopffern/
die welt mit sündē überschüttet haben. Welche / so sye allein
nit were / als ir in so vnuerschampter büberey lebet / wurde
eüch die gemein erbarkeit / lengest nit geduldet haben / ich
schweig dz man eüch zū solchem güt vnd gewalt hette komen
lassen/da durch ir eüch/ allem/ das götlich vnd erbar ist/ent-
gegen setet.

¶ Darumb wer hers vnd gemüt hat / vnnd nit an seinem
heyl vn̄ allem gūten verzweifelt ist/der fliehe vor disem aller

gotsesterlichstem verderblichstem irthumb / wie vor der hel-
len vñ aller schedlichstem giffte / da durch aller glaub vñ frum-
keit vmb kompt / halt sich an die heyligen Apostolischen wort
Ein mal hat sich Christus selb auffgeopffert für die sünd / dz
gilt ewigklich / vnd da mit wie auch. 10. Heb. stot / Hat er in
ewigkeit vollendet die geheiligten / das ist / die erwölten / die
im gott von der welt erlesen hat.

¶ Vnd ob jemand wolte sagen / die Epistel zun Hebreern
sey von alten / nit den gewissern schriffte / als den vier Euan-
gelien / vnd andern Epistlen Pauli gleich gehalten / wie dan
das Eusebius vñnd Origenes melden. Sag ich / das wie sye
beyde sampt Elemente Alexandrino / der nit lang von zeytē
der Apostlen gelebt hat / zetigen wol / das bey den latinischen
die götlicher ding nie hochbericht gewesen seind / dise Epistel
den andern Epistlen Pauli nit sey zugezelt worden / vñ noch
eins schreibers gedeneckt Eusebius / des nam Caius gewe-
sen / der auch nur. xiiij. Epistel Pauli meldet / aber die alten
von der Apostel zeitten her / haben sye alweg / vñgezweyfelt /
für ein Epistel Pauli gehalten. Allein bekennē sye einmün-
dig / das sye erstlich von Paulo in Hebreischer sprach geschri-
ben sey / vnd darnach / als etlich meinē / durch Lucam Euan-
gelistam / als andere durch Elementem / in kriechische zung /
verdolmetschet. Da von liß im dritten büch Eusebij cap. 3.
vnd im. vi. büch cap. xj. vnd. xvij.

Vö der Epi-
stel zun He-
breern.

¶ Aber dem allen sey wie im wölt / das die Epistel zun He-
breern seht / ist anders nichts / dan der inhalt ganser götlicher
schriffte. Die dan zeiget / das durch den einigen todt Christi /
als er sich selb ein mal für vns auffgeopffert hat / seien gerei-
nigt vnd selig gemacht alle erwölten. Isa. 53. wir alle haben
wie schaff geirret / ein jeder ist auff sein weg abgewichen / vñ

der herr hat auff in all vnser vngerechtikeit gelegt. Er ist hin
zü gangen/selbwillig/vnd hat sein mund auff gethan. Wie
ein schaff / würt man in zum todtopffer führen / etc. vnnnd her
naher im selbigen capitel. So er sein sele für die sünd sehen
würdt/würt er ein langwürigen samen sehē / vñ das gefallen
des herren würt in seiner handt gelingen. Darumb das sein
seel müß gehabt hat/würt er sehē / vnnnd genüg haben/durch
sein erkantnuß/würt er gerecht / vil meiner knecht rechtfertig
gen/vnd ire vngerechtigkeit würt er tragen.

In disen worten sehen wir klerlich / dz Christus die sünd
der erwelten hate durch sein todt hingenomen / do er wie ein
schaff auffgeopffert wordē ist/dis ist aber nur ein mal gesche
hen/vñ sagt kein schrifft/dz er offte solte hernaher wider auff
geopffert werden/sonder der prophet spricht / das dz gefallen
des herren in seiner hand/das ist/durch sein krafft vnnnd geist
solle/vmb des willen/das er ein mal sein seel für die sünd ge
setzt hat/gelingen vnd glücklich naher gon / vnd in seiner er
kantnuß / die er den erwölten knechten gottes gibt / durch die
sye erkennen vnd glauben / das er also ein mal für sye gestor
ben ist/dadurch mache er sye gerecht. Welches nüt anders ist
dañ so er vns gibt/sein todt zü gedencken vñ glauben für vns
erlitten/durch den wir zü kindern gottes sein angenommen/so
werden wir vor gott gerecht vnd selig / vñ mit nichten/durch
ein wider opffer. Des daß in aller schrifft mit ein wort/nit
gedacht würt/das ie/wie obgemelt/ wo sußt kein anzeig wer/
über auß gnüg sein solte / den greuel vom wider opffern/als
den ergsten fund des teuffels zü fliehen. Dañ die schrifft al
les güts hat/darumb gewißlich vom teuffel komen müß/vñ
entel giffet des glaubens sein / was da neben einbracht würt.
Wölchs auch bey den fruchte dises greuels/ die oben ein we
nig angeregt seind / nemlich das da durch/das beschoren ge

sind/zü wider fechten den glauben vnnd alle erbarkeit groß/
vil vnd mechtig worden ist/wol ist abzünemen.

¶ Also stot nun vn̄ ist erhalten durch das hell göttlich wort/
das im nachtmal des herren / seins tods vnd des opffers/das
er sich selb ein mal für die sünd aller erwelte / dem vatter ant
creuß auffgeopffert hat/mit glauben / vnd danck sagung ge
dacht werden soll/da von soll man predigen/ vnd gott loben/
vnd mag sich niemant do etwas zü opffern vnderston/dann
nur die kinder der verdammuß. Da gegen haben auch alle
Wesling nichts das gelten müg. Dañ ob sye schon vil men
schen/ja ir eigen gedicht herfür bringen / was soll das gegen
dem wort gottes/darauff vnser ler vnd handel bestot/ vermit
ten: Der mensch ist eitel / vnnd ein lügner/gott allein war
hafft vnd gerecht.

¶ Es hat alle schrifft von disen letzten zeiten / die nach ab
scheit der Apostel/eingetretten seind/wenß gesagt/das gewo
lich irthumb haben sollen einreißen / das auch die erwölten/
wo es möglich were / in irthumb geführt wurden. Auch sicht
man/dz dem genantē hauffen nichts zü vil ist/wie wol all ir
thün gegen dem thün Christi sicht/wie wasser gegen fwer/
noch wellen sye an der stadt Christi sitzen / allen seinē gewalt
vnd eer/in züeigē / da her einem jeden verdacht sein sol/was
sye fürnemen/oder schükē. Sye seind böse / faule / giftige
bewm/wie möcht etwas güts von in kumen:

¶ Ob dañ schon etlich frum̄/heylig vätter in solchem irth
umb auch gewesen seind/ist kein wunder / nemlich in der ge
ferlichen zeyt/do man greiffet/wie aller betrug / vnd vnbillig
keit / hat überhandt genomen / als der herr selb erschrocklich
wenß gesagt hat Matth. 24. die heiligen seind je vnnd je mit
sünden vnd irthumb vmbgeben/auff dz der preß allein got
tes harmherkheit bleibe. Jacobus der hohe Apostel mit den

Christen zu Hierusalem/inetē sich doch so groblich/nach dē
sye den geyst gottes empfangen/vñ ject vil jar gepredigt het-
ten/vermeinen/die von der jüdenschafft Christo glaubt het-
ten/müsten auch das gesag Mose halten/wie man das liest
Act. xv. vnd Act. xj. zankten sich die gläubigen von der bes-
chneidung mit Petro/dz er den heyden hette Christum pres-
diget/so sye doch Christus hatte heißen/in die ganze welt
gon/das Euangelion zu predigen.

A Doch werden die Meßling auch nit vil heiligen finden
die vermeint haben/in dem nachtmal des herren etwas auff
zu opffern/vnd aber gar keinen/der ir gotlose baken messen/
die sye allein/den bauch vñ ir fäng leben zu erhalten/singen
vnd lesen nit verwerffe vnnd verdamme. Auch ob schon bey
den alten offte gefunden würt/dz wörtlin sacrificium/opffer
vnd sacrificare vel offerre/das ist opffern/zeücht es sich doch
gemeincklich druff/dz do/des einigen opffers Christi gedecht-
nuß gehalten würt/welche so sye im glauben geschicht/die
frucht des opffers Christi bringet/nemlich verzeihung der
sünd/vnd alle genad. Den worlich/dañ der leyb Christi für
vns geben würt/das ist/dañ werden wir sein teylhafftig/vñ
entpfahen die frucht dar von/so wir mit warem glauben er-
kennen vnd bedencken/das Christus sein leyb vnnd blüt für
vnser sünd ein mal/am creüt auffgeopffert hatt. Am wey-
nacht tag singt man/heüt ist Christ geporen/so man seiner
gdburt nur gedencet/deßhalb es den vetter lesern nit so selts-
sam sein solt/ob sye schon lesen das ir vetter schreiben/Chris-
tus werde im Nachtmal auffgeopffert/septenmal dz nacht
mal nichts dañ ein gedechnuß ist solches opffers/durch wel-
che auch/so sye auß rechtem glauben geschicht/des opffers
frucht erlange würt.

A Doch findt sichs auch/das die alten latinischē schreiber/
den

den Christlichen dingen/ so in irer sprach kein name hettend/
die namen geben haben/ so bey den heyden etwas bedeyt hat
ben/das solchen Christlichen dingē zum theil geglichen hat.
Also haben sye der verichung des glauben vnnnd annemung
des tauffs namen zugeeiget/die bey den Römern/in annem
ung der ritterschafft im brauch gewesen seind / ja sye haben
auch etlich weysen vnd geperden zu den Christlichen zeichen
gezogen. Gleicher massen die weyl etwas gleichnuß sich zu
trüg/zwischen den heydischen opffern vnd des herren nacht
mal/haben sye es sacrificium/cin opffer geheissen. Dañ wie
die heyde/in iren opffern ire götter erten/mit einander assen
vnd ire freundschaft mit freuden erfrischeten/ also so man
das Nachtmal Christi recht haltet/gedencket man sein mit
lob vnd dancksagung / vnnnd erneuere gleich die Christen/
mit der heyligen speiß vnnnd dranck/iren geyslichen ewigen
bünd vn̄ testament/im herren/das sye hettend mögen sagen/
die heyden haben ire sacrificia vnd opffer/bey den sye zu eren
irer götter zusamen komen / vn̄sere sacrificia sollen sein das
nachtmal Christi / in dem wie wol gott nichts auffopfferen/
dañ vns selb/wir bedencken aber do das opffer / das ein mal
für vns ist auffgeopffert vn̄ giltet ewigklich / da bey sollē wir
den todt des herren verkünden/im lob vnnnd preiß sagen/vnd
einander zu aller lieb vnd gutem ermanen / das wir ein brot
vnd ein leyb seyen in Christo.

¶ Der nit zenckisch wil sein/vnnnd hat mitt vngeselschtem
herzē auch leset die alten/Tertulianum Eyprianum sampt
andern / würt bekennen das es dise meinung hat / wer aber
zancken wil/dem sage wir/die er herfür bringt send mensche
deren red je nichts gelten sol/wo gottes wort ein anders hat.

¶ Das aber etlich herfür bringē auß dem Propheten Ma
lachia. 1. d; so der nam des herren bey den heyden groß würt/

solle an allen orten ein rein opffer auffgeopffert werden/ist vom opffer des leybs weißgesagt/welchs der glaub vñ erkantnuß götlichs namen an allen orten/vñ bey allen leuten auffbringt/das beweysen nit allein die wort des propheten/do selbet welche von der hinwerffung des jüdischen volcks/vñ annehmung der heyden weißagen/sonder dz würt auch mit vil andern schrifftten bewert/deren vil anzeücht Tertulianus libro primo aduersus judeos.

¶ Also ist nun clar vnd offentlich durch helle schrifft gottes bewert vñ erhalten/das do weder keinem menschen/noch engel/etwas auff zu bringen mag möglich sein/das die meynung vnd lehr im nachmal Christi/sein leyb vnd blüt wider auffzüopffern/ein gewlicher vnd aller schedlichster fund satane ist/vnd des woren Antichrists/den glauben/vnd alles güts/auff das gewlichst vmb zübringen/vñ zü zerstören erdocht vnd auff bracht/da durch auch das aller schedlichst gesind/zü verderbnuß aller erbarkeit/vnd verfolgung der kinder gottes/erhalten vnd gesterckt würt. Darumb nach dem wir mit diser erkantnuß von gott gnediglich begabet seind/haben wir solchen gewel keins wegs mögen dulden/da wir der müssen predigen/vnd in mit dem krefftigen wort gottes/auf den herzen vnser zühörer reissen/darunder niemant an gesehen/dañ man gott allein in solchem hören vnd fürchten sol. Haben also kein zweiffel/solichs werde allen von gott nit verworffenen/herzlich an vns wolgefallen/solchs auch hinfürt/so sye vnsern grund werden vernumen haben/kein newerung/sonder ein nötige heilsame reformation/vnd widerbringung/auff das alt vnd ewig/heisse/gott dem vatter/mit vns solcher gnaden vnd erkantnuß lob vnd danck sagen/auch menigklich zü solcher weisen vñ ermanen. Das geb der herr Amen.

Grund vnnnd vrsach: warumb

die auff hebung abgestellt ist.

Nach dem wir so gewiß vnd genugsam/ durch das helle wort gottes/ dem alle ding weichen sollen/ vñ endlich müssen bericht sein/ dz also ein grewlicher grewel ist/ vermeinen den leyb vnd das blüt Christi im Nachtmal auff zu opfern / haben wir von not wegē/ auch ein abschewe müssen gewinnen ab allem/ das zu solchem grewel vnnnd irthumb gedient/ vnd in gesterckt hat. Vnder welche stucken/ die auff hebung/ des brots vnnnd kelchs Christi/ nit das geringst ist. Dañ mit dem auff heben ist als vil/ als bezeugt vnd anzeigt worden/ dz der priester/ den leyb vnnnd das blüt Christi/ gott dem vatter auff opffere/ wie auch solchs die wort / so bißher vor vnd nach der vff hebung die meßling in irem Canone brauchē/ bewysen.

Etlich meinen / solich auff heben/ sey vom gesatz Mose herkumen/ in welchem gebottē war/ etwas vom speyß opffer vnnnd das fett im sündopffer zu heben/ welchs dañ Thuma hieß/ wie im dritten buch Mose gelesen würt/ am andern vñ 4. cap. Ich befind aber/ das die Römischen in allen iren Cerimonien / deren sye doch so vnzelich vil erdacht haben/ mer den heydnischē breüchen / dañ deren so den jüden von gott geset gewesen/ seind nach geomet vnnnd gefolget haben / wie dann göttliche schrift bey jnen nie in hoher acht gewesen ist. Von welchen abgötterischen gebreüchen sye auch genomen haben/ das kerzen brennen/ liechtmeß/ so vil processiones/ vñ mancherley fest/ der pfaffen blattē / seltsam kleidung/ todten gebreng/ vñ der ding on zal / die nit allein nit auß dem gesatz Mose zogen seind/ sonder im gar zu wider fürgenomē. Dissem volck ist vorbehalten gewesen / göttlich sakung für aller welt/ zu verduncklen vnd vmb zükeren/ darumb findt es sich

Dz auff he-
büg kompt
von heyde
her.

zu mal selten/dz sye ir thün auß der schrift genomen haben/
sonder wider das helle verbot gottes.xij. im.v. büch Mose/
was sye zu iren göken vnd abgöttern thon haben/das haben
sye hernaher zum dienst gottes gewendet / doch das es inen
alweg gewinlich gewesen ist. Also/wiewol ich drob mit nie-
man zancet wil/ist mir kein zweifel/sey auch mit diser auff-
hebung geschehen.

¶ Noch die weyl mit heyl vñ besserung/nichts solichs mag
abthon werden/es geschehe dan auß dem glauben/ das man
wisse vnd erkenne / das es also recht vnd gott gefellig sey/ha-
ben wir vor vñ ee wir soliche auff hebung sampt andern din-
gen/die auch on das wort gottes für genomen/vnd aber auß-
serliche ding seind/abstelen/das wort vñ die schrift/fleißig
gepredigt/durch die / dan solich wissen vnd erkantnuß allein
kummen muß. Haben da zwischen auch das brot vñnd kelch
auffgehebt/kleider vnd andere etliche bapstliche stuck gebrau-
chet/doch alweg gesagt vnd bezeügt / das wir die ding allein
den schwachen zu gefallen / nach der zeyt bleiben ließen vnd
brauchten/bis sye durchs wort wol bericht wurden/dz vil bes-
ser wer/solche ding vnderlassen vñ abstellen/ vnd alweg mit
höchstem fleiß / meniglich ermant/ so wir auff hüben dz brot
vñ kelch Christi/dz sye dan gedechten/wie Christus für vns
am creüz auffgehaben/vñ dem vater ein mal auffgeopffert
ist/vnd keins wegs meinten/dz wir mit solchem auff heben/
erst den leyb vñ blüt des herzen wolten wider auffopffern.

¶ Solich vnser warten/haben vns etlich hoch verfert/vnd
deshalb / dupel papisten außgeschriben / welche doch zu vor/
das vns fürkomen were / nie bessers vermanet haben. Wir
wissen das wir von den dürfftigen elementen der welt/das
ist/sakungen/von außserlichen dingen/durch den todt Chri-
sti frey vñ ledig gemacht seind/ wie das Paulus überflüssig

weß sich
ein Christ in
vßerlichen
ceremonien
balten sol.

beweret zun Galatern vnnnd auch Coloffern / darumb seind
den reine auch alle ding rein/wie er ad Tit. schreibt / mögen
also vnd sollen / freydem nechsten mit allen dingen dienen/
etlich lassen die andern üben/ wie wir erkennen mögen/dz es
inen mag zu besserung erschießen. Paulus möchte für sich
selb auß keinem glauben Timotheum beschneiden / dann er
wüste das man frey were von aller solchen außserlichen sag-
ungen/vnd das sye zur seligkeit nit nükten / er predigte auch
soliche freyheit vnd wüste/dz man soliche auch mit den wer-
cken müsten angreifen / vnnnd den schwachern gute exempel
fürtragen/ noch die weyl bey den juden zu Lystran vnd Ico-
nion / dise freyheit noch vn bekant war / ließ er Timotheum
vmb der selbigen juden willen beschneiden/ on zweyfel/auff
dz er sye gütwillig behielte/ bis er sye durchs wort/aller ding
vnderwise vñ berichtet/vnd sye also gewinne/ wie er von im
selber schreibt. 1. Cor. 9. Ich biñ jederman allerley worden/
auff das ich aller ding / ja etlich selig machte. Eben auß der
vsach/hat er auch ein zucht gelübd gethan/vnd demnach be-
schoren zu Eandreen/Act. 18. vnnnd nam die jüdisch reinig-
ung an/Act. 21.

¶ Vnd ob vnser gegen teyl wolte sagē / Paulus hette wol
in gemelten stücken den schwachen etwas nach geben / es we-
ren aber stück gewesen / so gott zu vor gebotten hat/ deßhalb
die juden doch ein vsach gehabt hetten/ also dran zu hangen
die ding aber/so wir vns außgeben/vmb der schwachen wil-
len zu dulden / sein vom antichrist erdocht vñ auff bracht/an-
denen niemant doch einig vsach habe zu hangen. Antwort.
Dise red wer wol etwas / so die schwachen auch wüßten/das
solche ding vom antichrist weren auff komen. Nun aber so
sye sich des als wenig berichten künden/als jene juden/dz ire
leiplichen saktionen solten auff gehabē sein / vñ nit weniger.

meinen es sey wider gott/waß man solche cerimonien abthe-
te/als jene/wo sye ire leyppliche saktionen nit gehalten hetten
syhe ich nit/warumb wir vnsern schwachen / so an mensche-
lichen saktionen hangen / die sye doch weinen/vom geist gots
tes hergestossen sein/nit eben dz nachgebē mügen/vñ sollen/
das Paulus den seinen.

¶ Weiter ist auch offenbar / das nach angang des reichs
Christi / das ist/ nach der öffentlichen predig des Euangeli/
eben als aber gläubig was / die leypplichen saktionen Mose/
für nötig halten/als/ so solche durch ein mensche weren auff
komen. Darumb Paulus.2. Coloss. was von der beschney-
dung/speyß vnnd der gleichen aufferlichen dingen/im gesatz
Mose gebotten was/ schiltet gebot vnd ler der menschen/dar-
umb das sye nun /die weyl wir von solchem mit Christo ab-
gestorben seind/gott nit mer/sonder allein die menschen wol-
ten gehalten haben. Dañ je in bedem/ die freyheit vns/durch
das blut Christi zügestelt/verleücket würt vnd verdunclet
das nur eins von nöten ist / nemlich das Euangelion Chris-
ti hören vnd annemen. Der vnsern vnd jener gebrechen ist/
einer / nemlich/ das sye Christum noch nit volkumē verston
dañ so sye wußten / das ers allein alles thut / wurden sye alle
andere ding gleich halten/ es hette sye auch Bapst oder Mos-
ses geboten. Auch zur zeit Pauli waren die gebot Mosi an
in selb alß wenig gots gebot/als die der Bapst geben hat.

¶ Darumb es nit weniger Christum verleücken war/wel-
cher die selbigē hette wöllen/alß zur seligkeit nottürfftig hal-
ten/als so jes einer des Bapst saktion da für haltet / wie wol
jene von got komē waren/so dise vom entichrist entsprungen
seind / deßhalb sye auch Paulus Gal.4. schwache dürfftige
saktion schiltet. Im vrsprung / ist wol grosser vnderseyent/
der cerimonien Mose/vñ des Bapst/ noch so ist die schwach

hent des glaubens gleich/dañ die schwachen zuzeiten Pau-
li/sye für nötig zum heil hielten / das nit war/ nit anders ist
jetz manig gütherkig mensch/ gegen den Päpstlichen sak-
ungen gesynnet.

¶ Wie dan nun Paulus wol wuste das die beschneydung
vnd andere ceremonien des gesakes in in selber nit nutz war-
en/sonder mer schädlich/deßhalb dz man als bald zu vil dar-
auff vertrawet/vñ die Christliche freyheit / dest landtsamer
angenomen wart/ vnd noch denest Timotheum ließe besch-
neyden/ein jünger im glaube hoch berümpft/vñ er selb auch/
der freylich nuo me im glauben weit komen war/etlich ceri-
monien zuzeiten hielte/da mit er die schwachen nit von jm
abschewete/bis er in Christum volkomēlich bekant machte/
glauben wir genslich/wir habē vnser wartens/mit haltūg
etlicher cerimonien / das wir den schwachen zu güt thon ha-
ben/auch vsach gehebt / vnd nit sonders dran gesündet/wie
wol wir vns auch nit gar wöllen entschuldigt haben. Dann
ob wir vns selb schon nichts bewist seind/so seind wir doch in
disem nit gerechtfertigt. Die maß ist auch in solchem schwer
zu treffen/darüb bitte wir mit Dauid Psal. 19. Wer merckt
auff die sät:mach mich rein von den heymlichen. Doch hof-
fen wir/wir haben noch nit vsach geben / dz man vns dupel
papisten schelte. Wir wolten je gern auch die eer Christi al-
lein fordern/das können wir nun nit anders / dan durch das
wort zu wegen bringen / auff das wir dan dz selbig angene-
lich predigen möchten / haben wir zu güt den schwachen et-
lich cerimonien geduldet/welche ob sye schon von Päpstlich
en / ergster meinung auff komen/vñ zu großem nachteil vñ
schaden des glaubens gereicht haben / noch seind sye aussere-
liche ding / vnd deßhalb in in selber frey / wo sye auß keinem
vnglauben/noch mit ergernuß gebraucht werden.

Im göken hauß vnd vom göken opffer essen / war vom teuffel auff komen vnd zur zerstörung alles güts gebraucht/ noch bekent Paulus vnangesehen das solichs im gesatz Mo se thewer vnd hoch verboten war / das es den Christen frey sey/vnnd sein macht haben/ dan der göz sey nrchs/so sey das göken opffer auch nichts / allein dz solichs geschehe on willen mit den abgötischen im bösen / gemeinschaftt zü haben/vnd sich ein jeder fürsich/dz er da durch nit falle/fürnemlich aber leret der Apostel / das es geschehe on anstoß der schwachen/ das ist/deren die solche freyheit noch nit erkennen / vnd essen aber doch/mit/wider ir gewissen / dadurch sye sich versündigen/das sye mit essen/ also mit versertem gewissen vnd kein glauben. Daraus on zweyfel folget/ wo er verhofft hette/dz so er in ein göken hauß vom göken opffer gessen hette/dz er da durch hette dester bessern plas mögen haben / den heyden Christum zü verkünden/freylich würt er hingangē sein/wie er dann andern vergünt hin zügon/ so fere es den schwachen kein vrsach sey/wider ir gewissen mit zü essen/vñ also zü sündigen vnd auch Timotheum hat beschnerden lassen/ da mit er dester mer stat bey den judē hette zü predigē. Also ob schon der Antichrist die auffhebung erdicht hat/ vnd sye zü verderbnuß der gotseligkeit gebrauchet/? as er da mit bestetiget hat seinen gotß lesterlichen irthumb/von der auffopfferung/des leybs vnd blüts Christi / noch die weyl wir wissen/das solche auffopfferung nichts ist / wie die göken vnd ire opffer nichts waren/vnnd wir Christen alles macht haben / wie diß gar schon. 1. Cor. 8. vnnd. 10. von Paulo gelernt würt/ würt vns niemant mögen verdammen/das wir schon solche/ zü gefallen der schwachen/bey in den weg zü machen/das wort gotes zü predigen ein zeytlang / sampt andern gleichē cerimonien geduldet/mer dan braucht haben.

Hie hö: ich sagen. Wie: förchstu / das das wort gottes im
selb hindernuß bringe / das wort vermag / das bey den Chri-
sten alle ding nach dem wort gotes sollen gehandelt werden /
so du das thust / vnd stellest ab / was on das wort ist fürgenos-
men / förchstu das du da durch dem wort ein hindernuß ma-
chest: die schäfflin werden ires hirtens stim wol kennen. Ant-
wurt. Di: e einred / hette man Paulo auch mögen machen /
do er vmb der juden willen Timotheum ließe beschneiden /
oder do er ein züchtgelübd ihet vnnnd sich demnach beschar zü
Lenchreen. Hette man nit mögen sagen: Wie Paule / du
hast kein wort / dz du ein Christen / vñ so berümbten brüder /
solt aller erst beschneiden lassen / sonder das wort weist dich
menigklich von den schwachen dürfftigen sagungē abzüzie-
hen / dem kum nach / nit acht was die juden sage / der herr ken-
net die seinen wol / es kan dem wort kein hindernuß bringen /
dem wort nach handeln.

Paulus aber wurde geantwurt haben. Lieben brüder / es
ist war / dem wort nach handeln / mag dem wort kein hinder-
nuß bringen / sehen aber auch zü / was dem wort nach gehan-
delt sey / das wissen blaset auff / vnd die lieb bessert. War ist /
es sol niemā nichts für nemē / des er vom wort nit gelernt ist.
Darumb so die sache nur mich vnd mein liben sün Timothe-
on / der Christlich freyheit verstot / antreffe / wolt ich in noch
lang nit lassen beschneyden / noch mich auch bescheren / Das
wort leret mich aber auch / das ich mein nächsten lieben soll /
wie mich Christus geliebet hat / vnnnd im zü lieb vnd dienst /
bereit sein alle ding zü thün vnd lassen / mer hab ich ein wort
das die erd des herren ist / vñ was darinnen ist / darumb vns
Christen / auch alle vsserliche ding vnderworffen seind / vnd
nit wir inen / den reinen seind alle ding rein / deshalb ist mir
die beschneidung / gelübd thün / vñ ho: abscheren auch frey.

GWeyt sol von mir sein/dz ich solich ding fürnemē wölte/
dz ich sye zur seligkeit in jnen selb dienstlich achtete / aber die
weyl sye mir frey seind worden durch den todt Christi/weiß
ich mich schuldig/das ich sye brauche wo ich verhoffen mag/
das es besserlich sein werd. Weiß da bey wol/dz der her: sein
schäfflin kennet/vnd sye in/vnd sein stim / herwider/vnd das
er auch jnen sein wort selb predigē muß/dz er dan thun würt
wie ich mich joch halte / noch so ich hierin sein diener solle
sein/vnd ein trewer clüger knecht / den er über sein gesind ge-
setzet hat/das ich in spenß geb zū rechter zeyt/so muß ich mich
auch als ein mit arbeiter/diener / trewer clüger knecht/vnnd
schaffner der götlichen geheimnuß halten/vñ wie mein mei-
ster Christus/das zerbrochen rot nit gar zerfnischen / noch dz
glütsend tocht aufleschen / sonder den schwachē im glauben
freüntlich auff nemen vnd tragen / jm zū lieb vñ dienst/thun
vnd lassen/was in jm selb nit wider gottes gesatz ist / was nit
wider glauben noch lieb ist / wie das beschneiden vnd besche-
ren/vnd was des gleichen ist.

GMein meister vnd her: Christus / möchte auch on mein
predig bekerē wen er wolt/noch wil er mein t̄ienst da zū auch
brauchen/als wol mit wercken/als mit worten/Darumb so
handle ich nit on wort / das wort macht mir die aufferlichen
ding frey/vñ heist mich sye gebrauchē zū besserung der nech-
sten/vnd darumb wie wol ich frey bin von jederman/hab ich
doch mich selb jederman zum knecht gemacht auff das ich ir
vil gewinne / Den judē biñ ich wordē als ein jud/den schwach-
en/ein schwacher/vñ jederman allerley/das ich doch etlich
gewinne vnd selig machte. 1. Cor. 9.

GWer wolte Paulum nun nach solcher antwurt verdam-
men. Also ist vnser hoffnung/haben auch wir nit vnfüg/ob
wir schon in etlichen stucken/ häßlich seind worden mit den

bäpſtliche / vñ die auffhebung ſampt etlicher andern dingen
die wol von böſen/böſlich braucht / vñ aber in jñe ſelber frey
ſeind/zü dienſt vnd gefallen ſolcher/ein zeit lang mer gedul-
det/wie geſagt iſt / daß gebraucht haben / biß wir jnen Chri-
ſtum beſſer kundlich machten / vñ ſye also gewinnen. Man
muß je vor mit dem wort handeln bey denen/die man gewin-
nen will/es ſtode nit / der glaub kompt auß der that / ſonder /
auß der predig des worts / Ro. 10. Joſias war ein könig vnd
hat vollen gewalt / noch thet er die greuel vnd abgötterey nit
ee ab/dañ er zü vor hatte das buch vom bund laſſen leſen / für
den oren des gangen volcks / vnnd den bundt mit dem herren
wider auffgericht / vnd das alles volck in den bundt getrette
war. Liß im andern buch der König am. xxiij. Soll man
dann mitt dem wort anſehen / muß man für war ſich ſo vil
mit gott müglich halten/dz man zü hörer müge haben. Wie
wol ſye gott alle her bey ziehē muß / noch müſſen wir in dem
jm dienen/er muß ſye auch alle leren/ noch müſſen wir predi-
gen/vnd clüg ſein/ das wir das wort der warheit recht ſchnei-
den/vnd aufſteilen/den milchlingen milch geben/den ſtarck-
en ſtarck ſpeyß.

¶ Vñ was man in Moſe liſet/ ſol man freylich dem nach
verſton vnd lencken/das Chriſtus ſagt / ich gib euch ein new
gebot/wie ich euch hab lieb gehabt/dz ir euch vndereinander
auch also liebet / in dem wörtlin hab dein nechſte als lieb als
dich ſelb / würt alles geſaß erfüllet Gal. v. Im geſaß Moſe
war gepoten/ das ſye ſolten der heyden altar vmb reiſſen/ire
ſteulen ſtücken / ire göhen mit fiewer verbrennen. Liß im. v.
buch Moſe cap. 7. noch Paulus alß er gon Athen kam/vnd
ſach das die ſtadt ſo gar abgötlich war / ergrimmet wol ſein
geiſt in jm/er riſſe aber noch nie kein altar vñ/verbrant auch
kein göhen/er predigt jnen aber vnd zeigt an/das ſye in allen

stück vil zū aber gläubig waren. Dañ man auch muß acht haben aller gebott vmbstend / die zeitlichen von den ewigen vnderscheidē. Jenes volck war in die hend der Isracliter gebē sye auß zūreutē / den Aposteln aber war befolhē / die heyden zū Christo zū bekeren / darumb wie jene mit der hand / also soltē dise durchs wort handeln. Also auch wir wo aber glauben ist / der nam sey wie er wöll / man heisse juden / heidē oder Christen / es leit nit dran das wir Christen heißen / sonder das wirs seien / muß man vor mit dem wort anfahen / vñ das treiben bis man Christum also erlerne / das das abthün menschlicher fünd / das vertrauen in Christum fürdere / vñ nit vom wort abschrecke / den allein die hinwürffling / vñ geschirz götlichs zorns / die nimer mer her bey komen.

In disem wie wol die recht maß kümmerlich troffen würt / doch der gott vertrauet / übet vñ treibt das wort / mitt allem ernst / hat acht auff die herd Christi / den selbigē würt der herr wol weysen / das er auch von der rechten maß / nit zū went ab weiche. Dañ durch den geist werden gefüret / welche kinder gottes seind Ro. 8. vñ der würt sye leren / das sye alweg thūen mit den wercken / was sye leren mit den Worten. Erstlich werden sye aber lernen das man sol auff den einigē Christum vertrauen / dz werden sye mit den werckē also bald erstatten / vñnd ir vertrauen auff kein ander ding setzen. Zum andern werden sye lernen / das man gott zū dienen nichts solle fürnem / dz er selb nit gelert habe / das werdē sye dañ auch thūn / aller ceremoniē werdē sye eine nit üben / da durch gott etwas gefallens zū beweysen. Aber die weyl sye auch lernen / das der Christ ein herr des sabbaths vñ aller aufferlicher ding ist / werden sye solchs auch mit den wercken beweisen / vñnd sich nimer an bindē lassen / sonder tathlich erzeigen / dz alle ding rein seind den reinen. Vñd mer / so sye auch lerē / man sol alle

ding zů lieb vnd dinst dem nechsten thůn / auff das man jm
gefallē zum gůten / solchs můß dan̄ auch mit den wercken er
stattet sein / das man / was außserlich ist / vñ in jm selb nit vñ
glaub / noch ergernuß des nechsten / dem nechste ein zeit lang
zů gefallen vnd auff bawen zů thůn / kein beschwerd habe.

¶ Wolte gott aber / das alle die / so vns als an solchen werck
en / cerimonie abzůthůn / seümic schelten / vñ alle ding gleich
mit der that wöllē angriffen haben / d; sye irem alten Adam
erstlich dapffer auff die hauben griffen / erzeigten das creü
zigen ires fleyschs / vnd übung brüderlicher lieb / mit der that
vnd etwas embsigern gůtten wercken / so solt ob got will mer
frid / vnd einigkeit sein / vnd das wort weniger verlestert wer
den. O her: wie kum komen wir da hin / das wir vns selb nit
wol gefallen / sonder wie Christus / begerten allein den and̄n
zů gůtem zů gefallen. Also sey geantwurt denen / die achten
wir haben zů lang geharret / mit abthůn / der auff hebung vñ
anderer bápstlicher cerimonien / den grundt vnser̄s glauben
in disem / hab ich angezeigt / der hoffnung die got seligen /
werden sich des an vns vernügen lassen. Hab es auch deſter
weytleüffiger gethan / darumb das nit wenig seind / die nit
wöllē verstō / das die liebe des gefas̄es erfüllung ist Ro. 13.
vnd das alle ding rein seind den reinen / tringen fast auff die
wort des gefas̄s wo es ander leüt / vñnd außserlich cerimonien
antrifft / denē ein jud vñ thůrck / eben als wol kan seindt sein /
aber wo es iren alten Adam belanget / den sye täglich creüzi
gen solten / do seind sye etwas milttere außleger des gefas̄es.
Der herz lere sye vñ vns / in allem die rechte maß zů halten.

¶ Nun wil ich grund vñ vsach vnser̄s glaubens darthůn /
d; wir die auff hebung des brots vnd kelchs Christi abgestellt
haben. Zum ersten / die weyl wir / nach dem wir Christum er
kane / biß her solche auff hebung / allein vmb der schwachen

Auß was vñ
sach die vñ
hebūg nun
abgestelt ist

willen duldet haben/auff das sye ab newerung / die sye noch
nit künden billichen/vom wort nit abgeschreckt wurde / hat
je müssen folgen/das wir nun/nach dem jnen dz wort gnüg
sam gepredigt ist/auch mit der that beweysen/ das man gott
im geist/mit worem glauben allein dienen soll/ vnd mit kei
nen vsserliche cerimonien/sonder was vnsers thuns ist/dem
nächst zu dienst vñ frumen üben/ auch wes wir im herken
glauben / außerlich mit der that bezeugen. Wer vns nit al
lein von argem / sonder auch vor allem argen scheinen hüten.
So dan das auff heben / als ein cerimonij zum dienst gottes
nödig / vñnd darzu ein anzeig / das mando Christum auff
opffere des aller verdeblichste irthums / ist gehalten worden/
müß es allen gotseligen/ wie wol es in jm selb ein außerlich
ding/vñ für sich selb weder böß noch gut ist / ein abschewlich
ding sein/ das sye alweg vil lieber meyde/ den tulden wolten.
Wie sye es dan etwan ein zent tulden / biß die leüt des worts
bericht werden/vnd ab solichen dingen auch ein abschew ge
winnen / also so bald die selbigen des worts bericht werden/
auff das sye den glauben der wort/ mitt dem exempel/etwas
krechtigen / vñ die abschewung aller vngöttliche ding/in jnen
meren/stellen sye als bald ab/was solichs dings ist.

¶ Vnd wie künde ein Christ/nit ein vnlust vñ gewel ha
ben/ab dem das gewißlich vom teuffel auff komen/vnd zu so
grossen schaden der armē seelen gereicht hat/ was es joch in
jn selber sey: Ein ochsen der ein menschen tödtet/gepott gott
zu versteinigen / vñnd sein aß nit zu essen / im andern buch
Mose cap. xxi. wie wol ein ochs/wie on vernunft also in sol
chem on schuld geachtet wirt / also wie wol dz auff heben in
jm selb/ein außerlich ding vñ nit böß ist/ noch so also grosser
selen mordi da durch zugericht ist/das man gemeint hat/der
priester auffopffere da Christum / vñ darumb sey kein besser

werck/das die sünd mer hin neme vñ vns selig mache/gleich
als ob Christus mitt seim einigen opffer am creut mit gnüg
gethan hette/so ist es je billich vnd recht/das man solich auff
heben/das so schedlich gewesen ist/ob es gleich kein schaden
mer thette/abthû vnd verwerffe/wo das on abschrecken vom
wort mag erduldet werden. Wir sollen die gotzlesterer so sye
ein mal vnd aber ein mal verwarnet seind meyden/vñ nichts
mit in gemein haben/warumb wolten wir den gleiche certi-
monien mit inen gebrauchen/die wir doch erfunden haben
in so vil weg ergerlich gewesen sein: Also/wie wol Paulus/
bekent das/das göken opffer wie der göts nichts war/vnd das
er als ein Christ aller ding macht hate/noch da mit wir nit
der teufflen gemeiner/welchē die heyden opfferten/möchten
geacht werde/oder auch werden/zeücht er sye gar freuntlich
ab vom göken opffer. Ich wil nit/spricht er/das ir in der teuf-
fel gemeinschafft sein solt. Ir künt nit zu gleich trincken des
herren kelch/vñ der teuffel kelch. Ir kint nit gleich teylhafftig
des herren tisch vñ der teuffel tisch/Oder wollen wir den her-
ren truken: seind wir stercker dan er. Ich hab es alles macht/
aber es ist nit alles nusslich. Ich hab es alles macht/aber es
bessert nit alles. Niemand sūche was sein ist/sonder ein jegli-
cher was eins andern ist. 1. Cor. 10. Secht er spricht ich hab
es alles macht/wie er in auch her nacher zum göken opffer zu-
gon erlaubet. Noch so es möchte schaden bringen/wolte er
vil lieber das sye sich solichs entschliegen/wie solten nun wir
vns von der auffhebung/die nit besser dan ein göken opffer
gewesen ist/nit auch enziehen vnd frembd machen:

Wer hat nit gesagt/so man das brot vñ den kelch des her-
ren auff gehabē hat/man hebt vnsern herre gott auff/ich hab
vnsern herre gott gesehen/zū vnermesslichem anstos der judē
vñ thürcken: So die geschrifft doch klärlich hat/vñ Ioannes

zeliaget. Niemand hat gott je gesehen/der eingeboren sündet
in des vatters schoß ist/ & hat vns verkündigt. Von gott muß
man hören/gott mag vnd sol man glauben/aber sehen ist je-
ner welt vorbehalten. Darumb sprach gott zum Mose/kein
mensch würt leben / der mich sieht/ im.ij.büch Mose cap.33.
Warumb nent in sust Paulus den vn sichtbarlichen gott?
Hette man gesagt d; brot/den kelch des herin/wie es der geist
gottes im Paulo nennet/ do er sagt/ so offt ir von disem brot
esset/vnd von disem kelch trincket: 2.1. Cor.11. vñ es auch we-
der an disem noch am.10. cap. do er auch da von meldet/an-
ders nennet / wie es dan in geschichten der Apostel/vnd Jo.
13. do man meinet / der einduncket bitten brots / den Judas
vom herren nam/sey von disem brot gewesen / auch nur brot
geheissen würt/vñ hette man dan solchs wie der herr heisset/
entpfangen vnd gessen zů seiner gedechtnuß/vnd das auff he-
ben vnd anbetten vnderlassen/ so were gar vil irthumb vnd
aberglaub vermitten bliben / da mitt nün manche arme seel
verterblich gefangen ist/ wie möchten dan Ehrsten sein/vñ
solche auff hebung tulden/wo sye anders on grossen nachteil
mag abgestelt werden:

¶ Vom Thoma Apostolo/ als er sein handt dem herin in
sein seypen gelegt hat/vnd saget/ mein herre vnd gott/schrei-
ben die alten / den menschen sah er/ vnd gott glaubet er/vnd
hie schreiben die schül vñ bapst lerer selb/ man sehe nur die ge-
stalt vnd die farb/vnd haben aber dulden mögen/das menig-
klich/wider alle schrifft/wider alle alten lerer/ja wider ire ei-
gene lerer gesagt hat / man hebt vnsern herre gott auff / ich
wil vnsern herre gott sehe vñ der gleichen. Do her auch solch
tuppige thedig vñ wort / von inen selb den meßlingen/sampt
andern ires gleichen losen leuten getriben worden seind/das
wol pfaffen gewesen sein/die das brot genomen haben vñnd
gesagt

gesagt/wol auffbüb du müßt zum herren werden/vñ der gleichen gots lesterung nit wenig. Aber der irthumb ist jnen gewinlich gewesen/sye haben sich dan für hergot macher außgeben/vnd went über die heilig junckfraw Maria gesehet/das die selbig gott nur ein mal geboren hab / sye machen in aber täglich / ja lestern vñ schmehe in / mer dan jemanths vff erdē.

¶ Weyter so man dis brot vnd den kelch auffgehaben hat/haben es die leüt angebettet/als iren gott vñnd Christum da leiplich zü gegen/mit etlichen seltsamen gebettlin/die haben dan vil krefftiger müssen sein / dan zü andern zeiten/so doch die rechte heilsame gegenwertigkeit gottes vñ Christi/durch den waren glauben ist/vnsichtbarlicher weys. Suss ist gott vmendumb vnd erfüllet hymel vnd erd. So haben die phariseier/ so Jesum creüziget haben/in leiplich auch gesehen vnd antastet/hat sye aber wenig geholffen/deshalb dan Paulus schreibt / ob wir auch Christum kant habē nach dem fleysch/so kenne wir in doch jek nit mer. 2. Cor. 6. Dan warlich wie Christus selb sagt Jo. 6. Der geist ist der do lebendig macht das fleisch ist kein nüs/die wort die ich red/die seind geist vnd leben Jo. 6. Also solt man im nachtmal des herren/der wort recht acht genomen haben/vnd glaubet / das der leyb vñ das blüt Christi/ für vnser sünd am creüs ein mal auffgeopffert ist/das ewigklich gilt/ vnd volendet alle geheyligten / vnd zü bekantnuß solichs glaubens das brot gessen/ vnd den kelch getruncken/ zü gedechtnuß vnd dancksagung solicher erlösung wie das Christus geheissen hat / vnd das auffheben vnd zeigen/wölchs er nit geheissen hat/vonderlassen haben.

¶ Hette das volck/die Messling/der armen seelen/vnd der lauterkeit des glaubens / so vil sorg gehebt / als iresbauchs/wie sye bey iren vättern gelesen habē vom Thoma / dz er ein anders gesehen/vnd ein anders geglaubt vnd anbettet habē/

gesehen den menschen vnd gott anbettet / hetten sye hie auch wol sagen künden / ein anders sieht man / ein anders glaubt man / ein anders bettet man an / das brot vnd den kelch sieht man / also nents der heylig geist / der es am bestē weis zū nennen / das der leyb vnd das blūt Christi / ein mal am creutz zū vnser seligkeit auffgeopffert ist / glaubt man / gott soll man aber allein an betten. Darumb Christus auch allweg zum vatter gewisen hat / wie wol er mitt dem vatter eins ist / auff das niemandt an der menschheit hangen bleibe. Darumb er sich auch ein weg genant hat vñ gesagt / nieman kompt zum vater dan durch mich / do her auch Paulus in ein mittler nennt zwischen got vñ den menschen / doch der menscheit nach / dan er spricht. Es ist ein gott / vnd ein mittler zwischen gott vnd den menschen / der mensch Christus Jesus. 1. Timoth. 2. Also so sye rechte diener Christi gewesen weren / wurden sye auch von den fleischlichen außerlichen dingen / zum geist vñ auff gott gewisen haben.

¶ Der herr hat diß brot heissen essen / vñ den kelch trinckē / vnd von dem leyplichen als bald zum geist geführt / vnd befolhen sein zū gedencken / so haben sye die bapstler / durch ir auff haben von dem bedenckē / des tods Christi / darumb doch dis nachtmal allein eingesezt ist / vnd solle gehalten werden / ja auch vom nießsen / anff das leyplich sehen vñ anbetten gezogen / dardurch die leüt verwent worden seind / wo sye zū tags ein mal das brot vnd den kelch gesehen vnd anbettet hetten / sye wurden des tags glük vñ heyl haben / wie sye joch lebten / ich schweig vil aber glaubēs / der sich mit eingerissen hat / mit etlichen gebettlin / die gesprochen / zur zeyt der auffhebung / wunderliche krafft haben sollen / wie gemeldt ist / auch seind die gemeint haben / so sye zwischen der auffhebung des brots vnd kelchs ein pfennig geopfferten / solichs sey an ein ort güt

für das fieber/am andern/für das zan weh/vñ noch vil mer
vnglaubens vnd abgötterey ist hie her erwachsen. Wie daß
von allen menschen fünden/wodie wurzel nichts sol vnd ab
göttisch ist/was wolt daß es her güts entspringen?

¶ Deshalb / da mit ich von disem artickeľ beschlicke / sey
tenmal in Christlicher gemein/alle ding sollen zu besserung
geschehen/vñ wir wissen / das die auffhebung von ir selb nit
besserlich sein kan / die weyl sye die schrift gottes nit leren/
Bissher aber/als sye von bápstlichen gebraucht ist / auch vn
seglichen schaden vnd verderbnuß der selen geporen hat/vnd
von vns/von dem an/das vns der herz zu verkünden sein hei
liges Euangelion/erleucht vñ gesandt hat/allein der vrsach
geduldet ist/das nit der schwach hauff / eb er durchs wort be
richt were / durch abthün der selbigen / als einer newerung/
die er noch nit als nuß vnd göttlich künd erkennen / vom wort
wurde abgeschreckt/ vnd aber nun ein jeglicher des man an
ders ein gute hoffnung haben mag/ so vil berichts durch das
täglich predigen wol hat / das man in Christlicher gemein
mag vnd solle aller menschen fünd abstellen/besonder so sol
che erfunden werden/das die widerchristen / sye zu so grosser
vnd mercklicher ergernuß gebraucht haben/ wie daß mit di
ser auffhebung beschehen/so haben wir mit gott / vnnd auß
glauben/dise auffhebung lenger nit wissen zu tulden/damit
wir nit geacht wurde/als woltē wir des Antichrists gemein
schafft haben/vnd zu gleich trincken des herren kelch/ vnd zu
gleich theylhafftig sein des herren tisch / vnd des widerchrists/
das daß nit müglich sein kan.1. Corinth.10.

¶ So stot vns auch zu / die wir diener seind des geists/vnd
sollen stetigs leren/das der geist lebendig mach/vñ dz fleisch
kein nuß sey / das wir die leüt von allen leyphlichen dingen zu
rechtem glauben/vnnd lieb des geists führen/Darumb so der

her in seinem nachtmal/ nichts leylich daß das einig essen
vnd trincken eingefeset hat/ vnd das vmb des geistlichen wil
len/nemlich seiner gedechtnuß/ vnd wir noch als gesehen/dz
vil/weder des leylichen empfehens/ noch des geistlichen ge
denckens/haben acht wöllen/sonder wie vor/ sich an sehen
vnd leylichen anbetten/ersettigen lassen/ welche zwey stuck
bißher auch vil mer/ daß dz wort gots geacht gewesen seind.
Haben wir zu gut solchen schwachen vnd tregen Christen/
denen alweg zun worten/auch exempel der werck vñ thaten/
wöllē von nöten sein/dz leylich/so von gott nit auff komen/
vnd darumb biß her so schedlich gebraucht worden ist/auß den
augen thun/sye da mit zum geistlichen führen. Wie wir daß
auch mit den gözen vnd bildern gesehen haben/das viler ge
müter aller erst/da man sye thatlich hynweg than het/gar
von inen abgefallen seind.

¶ Also sey nun auch gegeben der grundt vnd vrsach vnser
glaubens/ auß dem wir / die auff hebung / des brots vnd des
kelchs im nachtmal des herren/ hingeleyt vñ abgestellt haben.
Wer got laßt den herren sein / vnd sein wort das best/würt im
solichs herzlich gefallen lassen/welcher aber überein mensch
en fünd/vñ abergläubische mißbräuch im mer will gefallen
lassen/dañ die wort vnd sagung gottes / den müssen wir/als
ein blinde faren lassen. Man muß je gott mer/ daß den men
schen gehorchen/ja vmb gots willē auch vatter/müter/weyb
kind vnd alles übergeben/verleücken vnd lassen.

Ursach:darumb die Bepst liche kleider abgethan seind.

¶ Zu der Reß biß her hat bey einer todtsünd/der Reßling
müssen an haben / ein seltsame cleydung/ Erstlich ein leinen
tuch auff dem haupt/das etwan von ein kostlichen gewant/

hat ein leyſten müſſen haben/vñ zwen langer bendel/da mit
er es vmb ſich gürtet/ein humeral haben ſye es genant. Dar
nach ein weyt leinen kleid/das hat müſſen dem Meßling vil
zü lang ſein/das er es möchte dan auff ſchürken/auch mit ei
nem leinen gürtel/vnd hat das ſelb kleid/am end vnden/hin
den vnnd vornen / aber von koſtlichem gewandt/ſeyden oder
fuſt gutem tuch / zwen viereckter ſchild müſſen haben/auch
des gleichen an ermlen/auff den henden / von gleichem tuch
ein belegung/vnd diß kleid/hat man die alb geheiffen. Vber
das alles dan/ein langen ſchmalen riemen/aber von koſtlich
em gewand/den hat der Meßmacher müſſen an hals legen/
vnnd vornher über die bruſt die end über einander ſchlagen/
vnd zü jeder ſeyten vnder den gürtel/da mit die alb züegür
tet iſt/hefften/dz es an der bruſt ſtande wie ein Burgundiſch
creüs/vnnd diß heiffen ſye die ſtol. Ein gleichen riemen aber
kürzer/des end haben ſollen züſamen gehefft ſein/hat er an
den lincken arm müſſen hengen/vnd hat geheiffen der ma
nipel oder das handt fan. Vber diß alles dan/hat er müſſen
von koſtlichem tuch ein über kleid an hals hengen/das hat
on ermel/oben mit eim hauptloch/vnd zun ſeiten offen/hin
den vnd fornem breit/vnden eins teils ſpiz/eins teils rund zü
geſchnitten/vnd etwas kürzer müſſen ſein / dan die alb/vnd
in mitten am hindern teyl ein creüs haben / vornen her ein
leyſten / beide gemeinlich von koſtlicher geſtückter arbeit/
vnd bildern.

G Diß iſt die herlich riſtung der meßling / wölche ich dar
umb also beſchriben hab/das ich kein zweifel hab/ es ſol noch
in kurzen jaren/durch das wort gottes dahin bracht werden/
das ein verſtendiger Chriſt / ſich nit ſol bald bereden laſſen/
das vndern Chriſten je/ein ſolche mumery gewesen ſey/ſo er
es hören würt. Ich hab aber / der Biſchöff riſtung / die mer

nerriſcher iſt/ auch der leuten/ als ſy ſye nennen/ vnd anders
der gleichen/ nit melden wöllen/ da mit der leſer durch ſolche
thorheit/ von beſſerem nit werde auff gehalten.

Worumb
Bäpſtliche
cleider biß=
her gedul=
det.

Nun gemelte riſtung/ habē wir zū dem nachtmal Chriſti/ auch bißher gebrauchet/ auß gemelter vrsach/ das wir die
leut gütwillig behielten/ biß ſye dz wort gefaſſeten / vnd daß
ſolche mit andern Bäpſtlichen cerimonie mit nus vñ beſſerung
möchte hingelegt werden. Dañ ee dz wort gottes gehört
vñ glaubt iſt/ mag je ſolichs dings abthün kein nus bringen.
Den vngläubigē ſeind alle ding vnrein / wie herwiderumb
alle ding rein den gläubigen. Also hoffen wir/ sytenmal wir
ſolche kleidung/ von dem als der herr ſein wort vns hat künde
gethan/ nie als nötig geachtet / noch da mit gott ein gefallen
zū beweyſen vermeint haben/ ſonder allein vñ der vnerfarnen
willen/ auff dz wir ſye nit vom wort abſchreckten / durch
inen vngemeinte newerung getragen/ vñnd also in ſolchem
außerlichem/ vñ für ſich ſelb mittem gedient / wir ſollen bey
den goſeligen des entſchuldigt ſein.

Ein Choroh
braucht mā
noch.

So wir aber allein / vmb der vnerfarnen willen/ biß ſye
durchs wort götlichs willens erfahren vñ kundig wurden/ gedachte
cleydung geduldet haben / vnd nun/ nach ſo vil predigen/ alle ſchäſtin Chriſti ired hirtens ſtim vernumen vnd erkandt
haben/ müſten wir inen/ der ſelbigen zū folgen vnd allein nach zū kumen / auch mit der that / exempel geben. Der
vrsach haben wir alle ob erzalte cleidung hin gelegt/ vñ brauchen
zum nachtmal des herren kein beſonder cleid / daß nur
ein Choroh/ wie auch zur predig des worts / mit welchem/
die weyl nie beſonders drauff gehalten iſt/ wie auch nit gewi
het worden/ wöllen wir den auflendigen/ vnd auch denen ſo
bey vns je achten / es ſtand etwas ordenlich / also dienen/ der
hoffnung / es werde bey ſo heller vñ einſiger verkündigung

götelichs worts/niemant nachteylig sein.

¶ Aber jene mumery / die sye zur Meß als hoch nötig geacht/haben wir/nach so embsiger/vñ iek lang getribner verkündigung des heyligen Euangeli/lenger nit wissen zū dulden/wie wir auch niemant gewist habē/mer nurlichē dienst da mit zū beweisen. Seyten mal wir nit zweyflen mögen dz von heydnischem abgötischem brauch/vñ menschlicher fantasey/solich cleydung her komen ist/dañ sye je götelich schrifft nit leret. So daß wir im gots dienst nichts brauchen sollen/da mit den abgöttern gedient/oder vñ vns selb erdacht ist. rij. im. v. büch Rose/folget das wir mit solicher cleydung nichts sollen zū thūn haben. Weiter wie sye keinen güten vrsprung ^{Meß cleid-} gehabt hat/also ist sye zū vilfeltigem schade von Meßmach ^{ung ist wid-} ern gebraucht worden. Sye habē sich durch solche gewyhet ^{den glaube} cleydung/für heilger vnd besser geachtet dan andere / daß so einer zur Meß / etwan ein stücklin vergessen hette / ist es ein sünd geachtet worden/darumb es etwas groß gegen gott hat sein müssen/welcher mit geweschen henden / seinē ordlichen gebetten/mit abthūn seiner gewer / kēnung des hars/sampt anderer geistlicher achtsamkeit vnnd eer erbietung / sich mit solcher cleidūg geschmuckt hat. Deshalb auch/so ein Christ hat mögen von ein gemeinen priester getaufft vnd gewyhet werden/hat nur ein Bischoff mögē die Meßkleider segnen/als hoch seind sye gehalten worden/vñ das dem glauben antbrüchlichsten gewesen/hat solche cleydung anzeigt / das der Meßmacher Christum auffopffere/gott handele vnd wandel/den doch alle schrifft vnwandelbar presset. Darumb sye daß so kostlich vnd ein sonder güt werck hat sein müssen/der solche gemacht oder etwas zū machen dran geben hat/do her sye auch den Meßling/ ob er schon ein offentlicher hürer/geniger/gotslesterer/vñ ein grundt supp aller laster gewesen ist/

so heilig gemacht hat/dz wer nit für im sich geneigt/vñ auff die kneue gefallen were/hette kein Christ müssen sein.

Alles dieses sind je schewlich vnd geweltich aberglauben/kein heiligkeit mag je sein/in dingē/so doch durch den brauch vnder henden verschleissen/über welchen auch niemant soll ein gewissen machen/Coloss.2. So verwürfft der herr offerlich reinigkeit vnd zierd/des herren glaub gilt allein vor jm/Matt.23. Das man aber fürgebē hat die Messling opffern Christum in irer Mess/ist allein also ein verterblicher irthumb/wie anzeigt ist/dz ein Christ/frylich ein gewel haben sol/ab allem das da zu dient hat/oder in einigen weg dar zu gebraucht ist. Dañ wer Christum recht liebet/vnd lust zu seinem gesas hat/mag nit leiden noch dulden/was sünd sind des widerchristi/gebraucht zu zerstörung des glaubens/weyter dañ in die lieb vñnd bedecken der schwachen zwinget. Darum wo derē ding etwas on nachteyligem vnwillē/der selbigen/mag abgestellt werden/ist solichs abzustellen eins je den Christen höchste begird/wie dañ keiner/der seinem herren treu vñnd hold ist/dulden oder leiden mag/wes seinem herren zu verdries von seim feind angericht vnd braucht ist/was es joch in im selber sey. Darum ist ein jeder worer christ wie David gesynnet/der do spricht lügen biñ ich gram/vnd habe gewel dran/aber dein geses lieb ich/lugē aber vñ eitele fürnemen sind/alles was vom wort gottes nit her fließet/dañ so alle menschen lugner vñ eitel sind/das die schrift an allen orten zeüget/was möcht dañ von jnen anders/dañ lügen vnd eytelkeit erdacht werden?

Dz die Mess
cleider auch
wid' die lie-
be sind.

A Nun weiter aber/seind die Messcleider/nit allein lugenthaffte/eitele/betrüglliche sündlin/zü vil aberglauben vnd irthumb gebraucht/vñ also der lauterkeit des glaubens hochschedlich vñnd nachteylig gewesen/sonder haben auch brüderliche

brüderliche lieb vnd handreichung der armen trefflich ver-
hindert/da neben bracht vnd hochfart gefürdert. Dañ nach
dem die leut beredt gewesen seind/ ein hohen gots dienst sein
solche Weß zierd vnder haltē vñ meren / hat ein jeder solchs
diensts auch etwas wölle habē / wie wir dañ von natur / vom
gesatz des herren / auff lügen / das ist / menschen / von anbegin
der welt ab zuweichen geneigt seind. Hic mit ist geschehen/
das von vilen wenig gedacht würt / dz der herr an jenem tag
zū den böcken auff der linckē seitten sage würt. Geet hin von
mir ir vermaledereten / in das ewig fiewer / das bereit ist dem
teuffel vnd seinen englen. Ich biñ hungerig gewesen / vnd ir
habt mich nit gespeiset / ich biñ dürstig gewesen vnd ir habt
mich nit gedrenckt / ich biñ ein gast gewesen / vñ ir habt mich
nit beherbergt / ich biñ nacket gewesen vñ ir habt mich nit be-
kleidet / ich biñ krank vñ gefangē gewesen / vnd ir habt mich
nit besucht / Vñnd so sye sagen werden / sye haben den her-
ren nit gesehen deren ding etwas leiden / würt er in antwur-
ten / warlich ich sag euch was ir nit than habet / einem vnder
diesen geringsten / das habt ir mir auch nit than / Ja dise er-
schrocklich vrtail Christi / würt wenig bedacht / was man den
geringstē geben sol / würt geacht als ob es verlorē wer / welchs
doch allein dem herren / geben vnnd angemen were / vnd die
weyl / gibt man guldene stuck / samat / damast / vnd andre sey-
den / mit allerley kostbarlichem tuch / das sich die Weßling /
da mit vermumen / auff dz man büben für heiligen halt / vnd
des antichrists aberglaub / geys / vnnd mütwill / vnderhalten
vnd gesterckt werde.

Ja da hin ist komen / so etwan groß hochfart / bracht vñ
büberey mit kostlichen cleidern / von herren vnd weltkindern
triben ist / so man auß solchem werckzeitig des teuffels / meß-
gewand machet / das ist / schaffe dz sye nun auch zū geistlicher

bosheit vnd gotslesterung dienen / so meint man schon / gott
 sein alle sachen bezalet vnd abtragen. Do hencket man dan
 schilt dran / do mit man sehe von wems geben seyen / dz seind
 dan loeffögel / als dan Adams kinder vñ art rümgvrig sein /
 da mit ein jeder narh hin nach folget / gibt auch etwas / kan er
 nit mer / so gibt er doch an ein meßgewandt etwas zñ steür /
 das man in nur laß sein schilt dran machen / So dan die ge-
 schlecht ire jarstag haben / muß man das ampt in iren meß-
 gewandten halten / vnd wer künde die thorheyten / aberglaw-
 ben vñ ergernussen alle erzelen / die von solcher mumery ent-
 sprungen vñ da durch erhalten seind: Die pflanzung ist nit
 vom vatter / wie hette sye dan können gute frucht bringen:

¶ So dan bey vns alles sol besserlich / das ist / zum glauben
 auff den einigen Christum / dz wir von im alles gutes allein
 warten sollen / vnd zur lieb das wir vnsern nechsten wie vns
 selb lieben / vnd versehen / fürderlich sein / vñ nit mag geleyck-
 net werden / das die meßleidung / an beden glaub vnnd lieb
 schadet / vnd in vil weg ergerlich ist / habē wir sye je billig ab-
 gestellt / nach dem nun des götlichen worts meniglich bey vns
 die anders nit so gar von gott geblendet seind / das sye es auch
 nit habē hören wollen / so bericht wol seind / dz wölchen solich
 abstellen / vom wort nun me abschrecket / freylich von böcken
 vnd nit von schafflin Christi sein muß / des halb von seint we-
 gen nichts solther ding zñ dulden / oder nach zulassen ist.

¶ Es darff hic nieman entgegen werffen / die cleidung des
 hohe priesters im gesaz / von der man liset im .ij. büch Mose
 ca. 28. dan wir nit me mit schattē sollen umbgon / so wir den
 rechten leyb Christum haben. 2. Coloss. So sollen wir den
 leyblichen saktionen nit mer anhangen / Gal. 4. Collo. 2. die
 wir im geist vnd der warheit gott dienen sollen Jo. 4. Chris-
 tus ist vnser hoher priester / durch Aaron bedeuert / vñ wie er

Von d̄ clei-
 dūg Aaro-
 uis.

nit eingangen ist/in das heilig mit henden gemacht/welchs
ist ein gegenbild der wor:hafftigen / sonder in den himel selbs
nun zu erscheinen vor dem angesicht gottes Heb.8. also wer
den seine priester kleider/vnd vnser aller/so durch ein rechten
glauben eins mit jm / vnnd also auch priester seind/auch nit
mit henden gemacht sein / sonder geistliche kleider / als wor
heit gericht vnd gerechtikeit/vñ alles was in Christo ist/dañ
alle so teufft seind/haben Christum an gezogen Gal.3.

¶ Doch ist auch ein grosser vnderscheid / bey den judē/hat
man priester cleidūg gehabt / wie auch priester oder mer opfe
rer/vnnd aber das auß dem befelch gottes / da zu in gankem
volck nur Aaron mit seinen sūnen/vnd folgents ire nachfo
menden / so haben sich bey vns so vil vnbillicher leüt / für sa
cerdotes das ist opfferer auß geben/inen selb seltsame cleidūg
erdacht/da von allem gott nichts weiß. Vber das lernet vns
die schrift allenthalb/das bey vns sol geistlich vnd ewig sein
was die Juden haben leiplich vnd zeitlich gehabt. Darumb
wie sye haben Aaron gehebt ein leiplichē zeitlichen opfferer/
der mit leiplichem geschmuck auch leiplich geopffert hat/in
die leipliche heilge gangen ꝛc. Also haben wir nun ein geist
lichen ewigen hohen opfferer / geschmuckt mit den cleidern/
des heils/der gerechtigkeit vñ herlicheit/der hat sich selb ein
mal geopffert/vnd das gilt ewigklich/alle geheiligten zu vol
enden/mit dē nun so wir jm glaubē / seind wir auch opfferer/
dañ wir mit jm vnnd durch einander eins seind. In Christo
Jesu ist weder jud noch krieck / weder knecht noch frey: r/wes
der man noch weyb sonder alle zu mal einer/ Gal.3. Aber dz
wir / wie er sich selb ein mal geopffert hat / auch wir vnser
leyb zum opffer begeben / mit den opfferen des lobes vnnd der
dancksagung. Hie zu darff man keins leiplichē geschmucks.

¶ Von solchen opfferern/dz ist von allen woren Christen/

die dan ein geliebte spons Christi seind/ singt David Psal.
45. also. Des königs tochter / ist ganz herlich inwendig/ir
cleid ist gewürckt gold / sye werden in gesticktē cleidern zum
könig bracht werden/dan so der innerlich mensch recht gesch-
muckt ist/durch woren glauben vñ lieb/so scheint von aussen
das goldt götlicher weyßheit/sampt allerley gnaden vnd tu-
genden/vnd dis ist dz hochzeytlich cleid/dz alle so auff Chri-
stus hochzeit komen/haben müssen oder werde an die ausszer-
lichen finsternussen geworffen. Disem geschmuck solten wir
alle gleich noch trachten / wie wir alle eins in Christo vñnd
gottes sacerdoten/das ist opfferer sein / vñ das ausszerlich den
welt kindern lassen/was im altē testament solichs gebraucht
ist / ist nur ein bild vnd schatten der woren ding gewesen/da
von liß. 7. vnd. 8. Hebre.

¶ Zu lest wes man in Christlicher gemein handelt/solt also
zu gon/das man da durch leyphlichen pracht vñnd geschmuck
leret verachten/nun hat es alles mit goldt/silber/edel gestein
vnd seiden müssen geschmuckt sein/ da durch solich eytelkeit/
dester mer geacht worden ist. Die heyden haben erkenne/dz
solche zierd mer ein schmach gottes ist/dan wir da mit anzei-
gen/als ob gott/wie wir die sucht zum gold/vnd des gleichen
nar:werck hette/der doch ein geistlich ewig güit ist/vnd die sei-
nen auch mit himelischen ewigen scheken begobet/ vnd geist-
lichen zier: en schmucket.

¶ In summa da mit ich beschließ/ von disem artickel/das
nachmal des herren/ist nichts wenigere/dan ein opfferung/
wie genüzsam obanzeigt ist/ dar zu ein cerimonia des neuen
testaments/do man alle ding auff den geist richten sol. Dar-
umb sich ganz nichts hie her reimet/der geschmuck vnd zierd
Aaronis. Es seind alles nur bild vnd schatten gewesen/geist-
licher ding/mit denen wir nun sollen umbgon. Christus hat

sein nachtmal in gemeinen cleidern gehalten / der gleichen
seine liebe Apostlen / warumb wolte dan wir vil geschmuck
vnd zierliche cleider brauchen: Also hoffen wir werde allen
erwönten gottes auch gefallen / das wir die bapstliche mume-
rey / die kein nuz vnd vil schaden bracht hat / abgestelt haben.

Warumb das gebet vñ gepet

den / so die Messmacher brauchen / abgestelt vnd ge-
dert seind / auch der tisch / den sye altar
nennen / verucket.



Hierley gebett vnd wort

haben die Messbücher / als sonderlich ist / das sye
den mineren vñ grössern Canon heissen / welche
vil mal vom opffer laute / als ob Christus do vom Messma-
cher würde auffgeopffert / das so ein grewlicher verterblicher
irthumb ist / da zū hat man solche verfürische aller giftigste
wort went über die heyligen Euangelia / vnd wes man auß
göttlicher schrift / in der Mess gelesen hat / gehalten / das ein
grosse sünd gewesen ist / wo einer etwas außgelassen / oder
nit ordenlich die wort nach einander erzelt hette / des Euan-
gelions halb vñnd was auß der schrift do hat sollen gelesen
werde / hat es kein not gehebt / wie es nit gelesen / sonder über
einander geschlappert worden ist / darumb die weil solche ge-
pett vnd wort / in jnen selb falsch vnd verfürisch seind / vñ nur
zū aberglauben / vnd verachtung göttlicher wort vñ warheit
gereicht haben / wie das am tag ligt / vñ es niemant leücken
mag / vñ wir aber nichts in Christlicher gemein reden sollen /
das nit lästerlich sey / haben wir vns vor langest des selbigen
Canons / vnd was gepet / göttlicher schrift nit gemes seind /

nit gepraucht. Wie gotlose/verfürische/dz ist/heilger schrift
vngemese wort/aber des Mess Canon/sampt andern Mess
gepetlin inhalte / mag ein jeder der Christum kent / so er sye
nur selb liset wol erkennen. Doch hat solichs auch überflüssig
an tag thon d hochbegnadet Blich Zwinglin der Zürcher
Apostel/in ein büchlin vō disem Canon vorlangest in truck
aufgangen. Deßhalb ich hie von nit mer wort wil machen.

¶ Filerley seltsamer geperd / mit bucken/creüz machen/küs
sen/an die brust klopfen/hend hoch vnd nider heben sich von
vnd zum volck wenden/vnd der gleichen / hat man zur Mess
biß her brauchen müssen/dz es nit ein geringe sünd ist geacht
gewesen/wo einer solcher geperden/die sye selb schirmstreich
nennen / etlich vnderlassen / oder nit formlich geübet hette.

Von Mess
geperden.

Darumb nit mit wenig arbeit/soliche die jungen Messling
haben leren müssen / welcher auch sye wol kündet hat/ der ist/
für ein andechtigen geistlichen priester/ für andern gehalten
wordē/den haben die alten müterlin gern geopffert / vñ mess
zu lesen verdinget. In wölchē aber/verlesung/bed des glau
bens vñ lieb/das ist / gankes Christliches lebens beschinē ist.
Des glaubens/dz man wider alle schrift/gemeint hat/ gott
mit solicher gaucklerey ein dienst zu beweysen / daß wo ims
nit hette sollen ein dienst sein solichs halten / hette nit mügen
sünd sein/solichs vnderlassen / oder nit also ordentlich halten.

¶ Dis ist nun gerad dem/das Christus spricht Jo. 4. Der
vatter ist ein geist/ vnd wil die im im geist vñ der worheit die
nen entgegen. Dañ so Christus sagt / man sol im geist gott
anbetten vñ dienen/sagen dise/ man muß jm mit leypplichen
geperden dienen vnd jm an betten/vñ so er will die in der wor
heit an betten/ lere disen gottes mit gleyßneren vnd angeno
mener weiß spotten. Dann welcher achtet es nit für ein ge
spöt/so sich jemannts grosser lieb gegen jm anneme / mit liep

lichen worten/anlachen/vmbfahē vñ der gleichen/vñ wüſte
doch/das ſolicher jm/im herken findt were: wölcher verlach-
ets nit als ein geſpöſt / ſo etwan die weyber ſich groſß elagens
an nemen/weinen/heülen/winden die hend ob dem kopff ze-
men/thūn als ob jnen wolte vor leyd ſchwach werden/vñ iſt
jn doch nit vmbſ herz: Also was iſt es anders/dañ ein lauter
geſpöſt vñ gauckelwerck das die meſſmacher über altar treib-
ben: Do fallen ſye auff die kniew/ſehen gen hymel/ſchlagen
die hend zuſamen/klopffen an die bruſt/ ſond ein gepöſſ auß
eben als ob ſye ganz voller reu vñ ſchmerzens weren/über
ire ſünd/vñ dürffen in dem ſelbigen elagen/winden vñ bie-
gen/leichtfertigen weybern nach ſehen/jnen worzeichen ge-
ben/die andern/all ir ſiñ vnnd danck auff dem opffer haben/
vñ was darff es wort/an allen irem leben vñ wandel/wor-
ten vñ wercken / die ſye vor vñ nach der meſſ treiben / ſicht
menigklich wol wie ernſt jnen ſey. Ein elender bas kan ſolch
andacht vñ reu/allein in ſye bringen. Wölcher menſch nun
möchte einen dulden/der ſolich gauckelwerck vor jm mechte/
von dem ſo weit ſein herz were/wie ſolte dañ gott & die ewig
worheit iſt/der allenthalb wider die gleyſnery ſchreiet/ſolche
geſpenſt/nit vil mer ein ſchmach vñ hoher vertruß ſein.

G Das iſt wol war / wo das herz vol andacht/liebe gottes/
oder reue iſt / do würt es ſich auch mit eiſſerlichen geperden
eygen/aber wie das eins jeden andacht/lieb oder reue ſelb ge-
ben würt. Als wenig ich mag einem andern fürſchreibē/wie
er vor freuden lachen vñ auff hupffen ſolte/der kein freud im
herken entpfindet / alſo mag ich auch niemandt leren wie er
ſich vor andacht vñ reue andechtig vñ cleglich ſtellen ſoll/
Darumb ſagung vñ lere von ſolchen geperden/die alle ſol-
len gleich treiben/vñ aber nit gleiche/ja der merer teyl/kein
göttlich lieb noch reu habē / mag nichts dañ lauter gleyſnery

Welchs die
perd der an-
rechten ge-
dacht.

gauckleren vnd gots gespöt anrichten / deßhalb man sein / wo
Christen sein wollen / gencklich abston sol / vnd dem geist eins
jeden frey lassen / das er geperde vnd sich stell / nach dem sein
herz in andacht vnd reu enklündt würt / vnnnd es der gemein
gottes mag besserlich sein. Sust was solt gott anders zū sol-
chem spötischen gepreng der gotlosen sagen / daß dz er gesagt
hat / zū gleicher gleisneren der judē: So ir ewere hend werde
auff heben / würd ich mein augen abwenden / vnd so ir ewere
gepett meren werdet / würd ichs nit erhören Esa. 1. Also sagt
er auch durch den Johel / sye solten ire herzen / nit ire cleider
zerreißen / das daß auch ein geperd was der büßfertigen / vnd
aber mit falschem herzen von vilen geübet. Gott ist die wor-
heit / darumb wil er das nichts / daß mit der worheit werde für
genommen / vnnnd das vns in allen dingen ernst sey. Also sage
David Ich wil in dein hauß gon / auff deine grosse güte / vñ
anbette gegen deinem heilgē tempel / in deiner forcht. Sa. v.
Wo nun gottes forcht ist / der daß die lügner vñbringt / vnd
hasset alle gleisner / würt freylich keiner solch gespöt mit gott
zū treiben vnderston / sonder mit David sprechen / vñ das in
der worheit / Ich will dir dancken von ganzem herzen / im
rath der auffrichtigen vnd in der gemein.

¶ Also findet es sich nun / das das meßgepreng / das bucken
vnd gnappen / über vnd vnder sich sehen / die hend von einan-
der vnd zūsamē schlagen / vnd andere geperden / dem glau-
ben in dreyerley weg abrücklich ist / das so vil armer meßmas-
cher beredt seind / sye thuen mit solchem gott ein sonder gefal-
len / so er doch nur den geist erfordert. Zum andern / so werdē
ire gewissen mit solchen dürfftigen elementen gebunden / dz
ist eüsserlichen saktionen / des sye da von beichten vnnnd inen
sünd förchten. Zum dritten geschicht hie mit / so man solche
schon / on alles herz / vnd mit eytelem schein treibet / vnd also
gott

gott schwerlich schmehet vnd verspottet/das man sich des nit
sünd fürchtet/sonder meinet man ihue gott ein dienst dran.

¶ Mer schadet es auch der lieb / dz durch solich apostüßlern
die einfaltigen betrogen werden / vnd angefürt zu geben/dz
mit nachteil der armen/etliche lose betüch/ in feigem leben/ei
ner ganzen gemein gottes zu ergernuß/nit allein leben/son
der auch herschen vnnnd pracht treiben. So daß solche geperd
schaden vnnnd nichts nützen/ ja auch nit möglich seind/on ein
gespöt gottes/ von menigklich zu halten/ wie nit menigklich
gleich andacht lieb vnd rew mag haben/ können vnd mögen
sye von Christen der maß wie biß her / nit gehalten werden.
So wir daß auch von solichen eüsserlichen saktionen, durch
das blüt Christi erlöset seind / das man niemandt sol ein ge
wissen über solchen machen / auch denen/die den alten / gott
selb gepotten hat/wie möchte man daß duldē solche giftige/
falsche/gleichnerische sündlin/ nit allein on das wort/sonder
ganz wider das wort gottes fürgenomen: Vnd darumb ha
ben wir sye müssen abstellen / vnd menigklich auch mit dem
exempel geben / gott zu dienen in dem allein / das er hat ge
heissen/vnd das im geist vnd in der werheit.

Meßgeperd
seind wider
die lieb.

¶ Vnd ob jemant meinet das creuß machē sey so ein alter
brauch/das Tertulianus vor M.ccc. jaren geschriben hat/dz
die Christen haben gepflegt mit dem creuß die stirnen zu zeich
nen/was sye than haben / oder angefangen / da von liß im
büch des selbigen lerers/libro de Corona militis/vnd darumb
solte man solichs auch nit abthān. Antwort. Der todte Chris
ti am creuß erlittē ist vnser erlösung/darumb solichs gedeckt
nuß vnd zeichen die vns des vermanen/ da mit wir im glau
ben zu gott steiff standen / vnnnd zu tragen vnser creuß deßter
herrshafftiger werde/seind keins wegs zu verwerffen. Allein
was zeichen seind las man zeichē sein/ vñ geb nit den zeichen

2. i. Simeon s. 1. v. 1. 2. v. 1. 3. v. 1. 4. v. 1. 5. v. 1. 6. v. 1. 7. v. 1. 8. v. 1. 9. v. 1. 10. v. 1. 11. v. 1. 12. v. 1. 13. v. 1. 14. v. 1. 15. v. 1. 16. v. 1. 17. v. 1. 18. v. 1. 19. v. 1. 20. v. 1. 21. v. 1. 22. v. 1. 23. v. 1. 24. v. 1. 25. v. 1. 26. v. 1. 27. v. 1. 28. v. 1. 29. v. 1. 30. v. 1. 31. v. 1. 32. v. 1. 33. v. 1. 34. v. 1. 35. v. 1. 36. v. 1. 37. v. 1. 38. v. 1. 39. v. 1. 40. v. 1. 41. v. 1. 42. v. 1. 43. v. 1. 44. v. 1. 45. v. 1. 46. v. 1. 47. v. 1. 48. v. 1. 49. v. 1. 50. v. 1. 51. v. 1. 52. v. 1. 53. v. 1. 54. v. 1. 55. v. 1. 56. v. 1. 57. v. 1. 58. v. 1. 59. v. 1. 60. v. 1. 61. v. 1. 62. v. 1. 63. v. 1. 64. v. 1. 65. v. 1. 66. v. 1. 67. v. 1. 68. v. 1. 69. v. 1. 70. v. 1. 71. v. 1. 72. v. 1. 73. v. 1. 74. v. 1. 75. v. 1. 76. v. 1. 77. v. 1. 78. v. 1. 79. v. 1. 80. v. 1. 81. v. 1. 82. v. 1. 83. v. 1. 84. v. 1. 85. v. 1. 86. v. 1. 87. v. 1. 88. v. 1. 89. v. 1. 90. v. 1. 91. v. 1. 92. v. 1. 93. v. 1. 94. v. 1. 95. v. 1. 96. v. 1. 97. v. 1. 98. v. 1. 99. v. 1. 100. v. 1. 101. v. 1. 102. v. 1. 103. v. 1. 104. v. 1. 105. v. 1. 106. v. 1. 107. v. 1. 108. v. 1. 109. v. 1. 110. v. 1. 111. v. 1. 112. v. 1. 113. v. 1. 114. v. 1. 115. v. 1. 116. v. 1. 117. v. 1. 118. v. 1. 119. v. 1. 120. v. 1. 121. v. 1. 122. v. 1. 123. v. 1. 124. v. 1. 125. v. 1. 126. v. 1. 127. v. 1. 128. v. 1. 129. v. 1. 130. v. 1. 131. v. 1. 132. v. 1. 133. v. 1. 134. v. 1. 135. v. 1. 136. v. 1. 137. v. 1. 138. v. 1. 139. v. 1. 140. v. 1. 141. v. 1. 142. v. 1. 143. v. 1. 144. v. 1. 145. v. 1. 146. v. 1. 147. v. 1. 148. v. 1. 149. v. 1. 150. v. 1. 151. v. 1. 152. v. 1. 153. v. 1. 154. v. 1. 155. v. 1. 156. v. 1. 157. v. 1. 158. v. 1. 159. v. 1. 160. v. 1. 161. v. 1. 162. v. 1. 163. v. 1. 164. v. 1. 165. v. 1. 166. v. 1. 167. v. 1. 168. v. 1. 169. v. 1. 170. v. 1. 171. v. 1. 172. v. 1. 173. v. 1. 174. v. 1. 175. v. 1. 176. v. 1. 177. v. 1. 178. v. 1. 179. v. 1. 180. v. 1. 181. v. 1. 182. v. 1. 183. v. 1. 184. v. 1. 185. v. 1. 186. v. 1. 187. v. 1. 188. v. 1. 189. v. 1. 190. v. 1. 191. v. 1. 192. v. 1. 193. v. 1. 194. v. 1. 195. v. 1. 196. v. 1. 197. v. 1. 198. v. 1. 199. v. 1. 200. v. 1. 201. v. 1. 202. v. 1. 203. v. 1. 204. v. 1. 205. v. 1. 206. v. 1. 207. v. 1. 208. v. 1. 209. v. 1. 210. v. 1. 211. v. 1. 212. v. 1. 213. v. 1. 214. v. 1. 215. v. 1. 216. v. 1. 217. v. 1. 218. v. 1. 219. v. 1. 220. v. 1. 221. v. 1. 222. v. 1. 223. v. 1. 224. v. 1. 225. v. 1. 226. v. 1. 227. v. 1. 228. v. 1. 229. v. 1. 230. v. 1. 231. v. 1. 232. v. 1. 233. v. 1. 234. v. 1. 235. v. 1. 236. v. 1. 237. v. 1. 238. v. 1. 239. v. 1. 240. v. 1. 241. v. 1. 242. v. 1. 243. v. 1. 244. v. 1. 245. v. 1. 246. v. 1. 247. v. 1. 248. v. 1. 249. v. 1. 250. v. 1. 251. v. 1. 252. v. 1. 253. v. 1. 254. v. 1. 255. v. 1. 256. v. 1. 257. v. 1. 258. v. 1. 259. v. 1. 260. v. 1. 261. v. 1. 262. v. 1. 263. v. 1. 264. v. 1. 265. v. 1. 266. v. 1. 267. v. 1. 268. v. 1. 269. v. 1. 270. v. 1. 271. v. 1. 272. v. 1. 273. v. 1. 274. v. 1. 275. v. 1. 276. v. 1. 277. v. 1. 278. v. 1. 279. v. 1. 280. v. 1. 281. v. 1. 282. v. 1. 283. v. 1. 284. v. 1. 285. v. 1. 286. v. 1. 287. v. 1. 288. v. 1. 289. v. 1. 290. v. 1. 291. v. 1. 292. v. 1. 293. v. 1. 294. v. 1. 295. v. 1. 296. v. 1. 297. v. 1. 298. v. 1. 299. v. 1. 300. v. 1. 301. v. 1. 302. v. 1. 303. v. 1. 304. v. 1. 305. v. 1. 306. v. 1. 307. v. 1. 308. v. 1. 309. v. 1. 310. v. 1. 311. v. 1. 312. v. 1. 313. v. 1. 314. v. 1. 315. v. 1. 316. v. 1. 317. v. 1. 318. v. 1. 319. v. 1. 320. v. 1. 321. v. 1. 322. v. 1. 323. v. 1. 324. v. 1. 325. v. 1. 326. v. 1. 327. v. 1. 328. v. 1. 329. v. 1. 330. v. 1. 331. v. 1. 332. v. 1. 333. v. 1. 334. v. 1. 335. v. 1. 336. v. 1. 337. v. 1. 338. v. 1. 339. v. 1. 340. v. 1. 341. v. 1. 342. v. 1. 343. v. 1. 344. v. 1. 345. v. 1. 346. v. 1. 347. v. 1. 348. v. 1. 349. v. 1. 350. v. 1. 351. v. 1. 352. v. 1. 353. v. 1. 354. v. 1. 355. v. 1. 356. v. 1. 357. v. 1. 358. v. 1. 359. v. 1. 360. v. 1. 361. v. 1. 362. v. 1. 363. v. 1. 364. v. 1. 365. v. 1. 366. v. 1. 367. v. 1. 368. v. 1. 369. v. 1. 370. v. 1. 371. v. 1. 372. v. 1. 373. v. 1. 374. v. 1. 375. v. 1. 376. v. 1. 377. v. 1. 378. v. 1. 379. v. 1. 380. v. 1. 381. v. 1. 382. v. 1. 383. v. 1. 384. v. 1. 385. v. 1. 386. v. 1. 387. v. 1. 388. v. 1. 389. v. 1. 390. v. 1. 391. v. 1. 392. v. 1. 393. v. 1. 394. v. 1. 395. v. 1. 396. v. 1. 397. v. 1. 398. v. 1. 399. v. 1. 400. v. 1. 401. v. 1. 402. v. 1. 403. v. 1. 404. v. 1. 405. v. 1. 406. v. 1. 407. v. 1. 408. v. 1. 409. v. 1. 410. v. 1. 411. v. 1. 412. v. 1. 413. v. 1. 414. v. 1. 415. v. 1. 416. v. 1. 417. v. 1. 418. v. 1. 419. v. 1. 420. v. 1. 421. v. 1. 422. v. 1. 423. v. 1. 424. v. 1. 425. v. 1. 426. v. 1. 427. v. 1. 428. v. 1. 429. v. 1. 430. v. 1. 431. v. 1. 432. v. 1. 433. v. 1. 434. v. 1. 435. v. 1. 436. v. 1. 437. v. 1. 438. v. 1. 439. v. 1. 440. v. 1. 441. v. 1. 442. v. 1. 443. v. 1. 444. v. 1. 445. v. 1. 446. v. 1. 447. v. 1. 448. v. 1. 449. v. 1. 450. v. 1. 451. v. 1. 452. v. 1. 453. v. 1. 454. v. 1. 455. v. 1. 456. v. 1. 457. v. 1. 458. v. 1. 459. v. 1. 460. v. 1. 461. v. 1. 462. v. 1. 463. v. 1. 464. v. 1. 465. v. 1. 466. v. 1. 467. v. 1. 468. v. 1. 469. v. 1. 470. v. 1. 471. v. 1. 472. v. 1. 473. v. 1. 474. v. 1. 475. v. 1. 476. v. 1. 477. v. 1. 478. v. 1. 479. v. 1. 480. v. 1. 481. v. 1. 482. v. 1. 483. v. 1. 484. v. 1. 485. v. 1. 486. v. 1. 487. v. 1. 488. v. 1. 489. v. 1. 490. v. 1. 491. v. 1. 492. v. 1. 493. v. 1. 494. v. 1. 495. v. 1. 496. v. 1. 497. v. 1. 498. v. 1. 499. v. 1. 500. v. 1. 501. v. 1. 502. v. 1. 503. v. 1. 504. v. 1. 505. v. 1. 506. v. 1. 507. v. 1. 508. v. 1. 509. v. 1. 510. v. 1. 511. v. 1. 512. v. 1. 513. v. 1. 514. v. 1. 515. v. 1. 516. v. 1. 517. v. 1. 518. v. 1. 519. v. 1. 520. v. 1. 521. v. 1. 522. v. 1. 523. v. 1. 524. v. 1. 525. v. 1. 526. v. 1. 527. v. 1. 528. v. 1. 529. v. 1. 530. v. 1. 531. v. 1. 532. v. 1. 533. v. 1. 534. v. 1. 535. v. 1. 536. v. 1. 537. v. 1. 538. v. 1. 539. v. 1. 540. v. 1. 541. v. 1. 542. v. 1. 543. v. 1. 544. v. 1. 545. v. 1. 546. v. 1. 547. v. 1. 548. v. 1. 549. v. 1. 550. v. 1. 551. v. 1. 552. v. 1. 553. v. 1. 554. v. 1. 555. v. 1. 556. v. 1. 557. v. 1. 558. v. 1. 559. v. 1. 560. v. 1. 561. v. 1. 562. v. 1. 563. v. 1. 564. v. 1. 565. v. 1. 566. v. 1. 567. v. 1. 568. v. 1. 569. v. 1. 570. v. 1. 571. v. 1. 572. v. 1. 573. v. 1. 574. v. 1. 575. v. 1. 576. v. 1. 577. v. 1. 578. v. 1. 579. v. 1. 580. v. 1. 581. v. 1. 582. v. 1. 583. v. 1. 584. v. 1. 585. v. 1. 586. v. 1. 587. v. 1. 588. v. 1. 589. v. 1. 590. v. 1. 591. v. 1. 592. v. 1. 593. v. 1. 594. v. 1. 595. v. 1. 596. v. 1. 597. v. 1. 598. v. 1. 599. v. 1. 600. v. 1. 601. v. 1. 602. v. 1. 603. v. 1. 604. v. 1. 605. v. 1. 606. v. 1. 607. v. 1. 608. v. 1. 609. v. 1. 610. v. 1. 611. v. 1. 612. v. 1. 613. v. 1. 614. v. 1. 615. v. 1. 616. v. 1. 617. v. 1. 618. v. 1. 619. v. 1. 620. v. 1. 621. v. 1. 622. v. 1. 623. v. 1. 624. v. 1. 625. v. 1. 626. v. 1. 627. v. 1. 628. v. 1. 629. v. 1. 630. v. 1. 631. v. 1. 632. v. 1. 633. v. 1. 634. v. 1. 635. v. 1. 636. v. 1. 637. v. 1. 638. v. 1. 639. v. 1. 640. v. 1. 641. v. 1. 642. v. 1. 643. v. 1. 644. v. 1. 645. v. 1. 646. v. 1. 647. v. 1. 648. v. 1. 649. v. 1. 650. v. 1. 651. v. 1. 652. v. 1. 653. v. 1. 654. v. 1. 655. v. 1. 656. v. 1. 657. v. 1. 658. v. 1. 659. v. 1. 660. v. 1. 661. v. 1. 662. v. 1. 663. v. 1. 664. v. 1. 665. v. 1. 666. v. 1. 667. v. 1. 668. v. 1. 669. v. 1. 670. v. 1. 671. v. 1. 672. v. 1. 673. v. 1. 674. v. 1. 675. v. 1. 676. v. 1. 677. v. 1. 678. v. 1. 679. v. 1. 680. v. 1. 681. v. 1. 682. v. 1. 683. v. 1. 684. v. 1. 685. v. 1. 686. v. 1. 687. v. 1. 688. v. 1. 689. v. 1. 690. v. 1. 691. v. 1. 692. v. 1. 693. v. 1. 694. v. 1. 695. v. 1. 696. v. 1. 697. v. 1. 698. v. 1. 699. v. 1. 700. v. 1. 701. v. 1. 702. v. 1. 703. v. 1. 704. v. 1. 705. v. 1. 706. v. 1. 707. v. 1. 708. v. 1. 709. v. 1. 710. v. 1. 711. v. 1. 712. v. 1. 713. v. 1. 714. v. 1. 715. v. 1. 716. v. 1. 717. v. 1. 718. v. 1. 719. v. 1. 720. v. 1. 721. v. 1. 722. v. 1. 723. v. 1. 724. v. 1. 725. v. 1. 726. v. 1. 727. v. 1. 728. v. 1. 729. v. 1. 730. v. 1. 731. v. 1. 732. v. 1. 733. v. 1. 734. v. 1. 735. v. 1. 736. v. 1. 737. v. 1. 738. v. 1. 739. v. 1. 740. v. 1. 741. v. 1. 742. v. 1. 743. v. 1. 744. v. 1. 745. v. 1. 746. v. 1. 747. v. 1. 748. v. 1. 749. v. 1. 750. v. 1. 751. v. 1. 752. v. 1. 753. v. 1. 754. v. 1. 755. v. 1. 756. v. 1. 757. v. 1. 758. v. 1. 759. v. 1. 760. v. 1. 761. v. 1. 762. v. 1. 763. v. 1. 764. v. 1. 765. v. 1. 766. v. 1. 767. v. 1. 768. v. 1. 769. v. 1. 770. v. 1. 771. v. 1. 772. v. 1. 773. v. 1. 774. v. 1. 775. v. 1. 776. v. 1. 777. v. 1. 778. v. 1. 779. v. 1. 780. v. 1. 781. v. 1. 782. v. 1. 783. v. 1. 784. v. 1. 785. v. 1. 786. v. 1. 787. v. 1. 788. v. 1. 789. v. 1. 790. v. 1. 791. v. 1. 792. v. 1. 793. v. 1. 794. v. 1. 795. v. 1. 796. v. 1. 797. v. 1. 798. v. 1. 799. v. 1. 800. v. 1. 801. v. 1. 802. v. 1. 803. v. 1. 804. v. 1. 805. v. 1. 806. v. 1. 807. v. 1. 808. v. 1. 809. v. 1. 810. v. 1. 811. v. 1. 812. v. 1. 813. v. 1. 814. v. 1. 815. v. 1. 816. v. 1. 817. v. 1. 818. v. 1. 819. v. 1. 820. v. 1. 821. v. 1. 822. v. 1. 823. v. 1. 824. v. 1. 825. v. 1. 826. v. 1. 827. v. 1. 828. v. 1. 829. v. 1. 830. v. 1. 831. v. 1. 832. v. 1. 833. v. 1. 834. v. 1. 835. v. 1. 836. v. 1. 837. v. 1. 838. v. 1. 839. v. 1. 840. v. 1. 841. v. 1. 842. v. 1. 843. v. 1. 844. v. 1. 845. v. 1. 846. v. 1. 847. v. 1. 848. v. 1. 849. v. 1. 850. v. 1. 851. v. 1. 852. v. 1. 853. v. 1. 854. v. 1. 855. v. 1. 856. v. 1. 857. v. 1. 858. v. 1. 859. v. 1. 860. v. 1. 861. v. 1. 862. v. 1. 863. v. 1. 864. v. 1. 865. v. 1. 866. v. 1. 867. v. 1. 868. v. 1. 869. v. 1. 870. v. 1. 871. v. 1. 872. v. 1. 873. v. 1. 874. v. 1. 875. v. 1. 876. v. 1. 877. v. 1. 878. v. 1. 879. v. 1. 880. v. 1. 881. v. 1. 882. v. 1. 883. v. 1. 884. v. 1. 885. v. 1. 886. v. 1. 887. v. 1. 888. v. 1. 889. v. 1. 890. v. 1. 891. v. 1. 892. v. 1. 893. v. 1. 894. v. 1. 895. v. 1. 896. v. 1. 897. v. 1. 898. v. 1. 899. v. 1. 900. v. 1. 901. v. 1. 902. v. 1. 903. v. 1. 904. v. 1. 905. v. 1. 906. v. 1. 907. v. 1. 908. v. 1. 909. v. 1. 910. v. 1. 911. v. 1. 912. v. 1. 913. v. 1. 914. v. 1. 915. v. 1. 916. v. 1. 917. v. 1. 918. v. 1. 919. v. 1. 920. v. 1. 921. v. 1. 922. v. 1. 923. v. 1. 924. v. 1. 925. v. 1. 926. v. 1. 927. v. 1. 928. v. 1. 929. v. 1. 930. v. 1. 931. v. 1. 932. v. 1. 933. v. 1. 934. v. 1. 935. v. 1. 936. v. 1. 937. v. 1. 938. v. 1. 939. v. 1. 940. v. 1. 941. v. 1. 942. v. 1. 943. v. 1. 944. v. 1. 945. v. 1. 946. v. 1. 947. v. 1. 948. v. 1. 949. v. 1. 950. v. 1. 951. v. 1. 952. v. 1. 953. v. 1. 954. v. 1. 955. v. 1. 956. v. 1. 957. v. 1. 958. v. 1. 959. v. 1. 960. v. 1. 961. v. 1. 962. v. 1. 963. v. 1. 964. v. 1. 965. v. 1. 966. v. 1. 967. v. 1. 968. v. 1. 969. v. 1. 970. v. 1. 971. v. 1. 972. v. 1. 973. v. 1. 974. v. 1. 975. v. 1. 976. v. 1. 977. v. 1. 978. v. 1. 979. v. 1. 980. v. 1. 981. v. 1. 982. v. 1. 983. v. 1. 984. v. 1. 985. v. 1. 986. v. 1. 987. v. 1. 988. v. 1. 989. v. 1. 990. v. 1. 991. v. 1. 992. v. 1. 993. v. 1. 994. v. 1. 995. v. 1. 996. v. 1. 997. v. 1. 998. v. 1. 999. v. 1. 1000. v. 1. 1001. v. 1. 1002. v. 1. 1003. v. 1. 1004. v. 1. 1005. v. 1. 1006. v. 1. 1007. v. 1. 1008. v. 1. 1009. v. 1. 1010. v. 1. 1011. v. 1. 1012. v. 1. 1013. v. 1. 1014. v. 1. 1015. v. 1. 1016. v. 1. 1017. v. 1. 1018. v. 1. 1019. v. 1. 1020. v. 1. 1021. v. 1. 1022. v. 1. 1023. v. 1. 1024. v. 1. 1025. v. 1. 1026. v. 1. 1027. v. 1. 1028. v. 1. 1029. v. 1. 1030. v. 1. 1031. v. 1. 1032. v. 1. 1033. v. 1. 1034. v. 1. 1035. v. 1. 1036. v. 1. 1037. v. 1. 1038. v. 1. 1039. v. 1. 1040. v. 1. 1041. v. 1. 1042. v. 1. 1043. v. 1. 1044. v. 1. 1045. v. 1. 1046. v. 1. 1047. v. 1. 1048. v. 1. 1049. v. 1. 1050. v. 1. 1051. v. 1. 1052. v. 1. 1053. v. 1. 1054. v. 1. 1055. v. 1. 1056. v. 1. 1057. v. 1. 1058. v. 1. 1059. v. 1. 1060. v. 1. 1061. v. 1. 1062. v. 1. 1063. v. 1. 1064. v. 1. 1065. v. 1. 1066. v. 1. 1067. v. 1. 1068. v. 1. 1069. v. 1. 1070. v. 1. 1071. v. 1. 1072. v. 1. 1073. v. 1. 1074. v. 1. 1075. v. 1. 1076. v. 1. 1077. v. 1. 1078. v. 1. 1079. v. 1. 1080. v. 1. 1081. v. 1. 1082. v. 1. 1083. v. 1. 1084. v. 1. 1085. v. 1. 1086. v. 1. 1087. v. 1. 1088. v. 1. 1089. v. 1. 1090. v. 1. 1091. v. 1. 1092. v. 1. 1093. v. 1. 1094. v. 1. 1095. v. 1. 1096. v. 1. 1097. v. 1. 1098. v. 1. 1099. v. 1. 1100. v. 1. 1101. v. 1. 1102. v. 1. 1103. v. 1. 1104. v. 1. 1105. v. 1. 1106. v. 1. 1107. v. 1. 1108. v. 1. 1109. v. 1. 1110. v. 1. 1111. v. 1. 1112. v. 1. 1113. v. 1. 1114. v. 1. 1115. v. 1. 1116. v. 1. 1117. v. 1. 1118. v. 1. 1119. v. 1. 1120. v. 1. 1121. v. 1. 1122. v. 1. 1123. v. 1. 1124. v. 1. 1125. v. 1. 1126. v. 1. 1127. v. 1. 1128. v. 1. 1129. v. 1. 1130. v. 1. 1131. v. 1. 1132. v. 1. 1133. v. 1. 1134. v. 1. 1135. v. 1. 1136. v. 1. 1137. v. 1. 1138. v. 1. 1139. v. 1. 1140. v. 1. 1141. v. 1. 1142. v. 1. 1143. v. 1. 1144. v. 1. 1145. v. 1. 1146. v. 1. 1147. v. 1. 1148. v. 1. 1149. v. 1. 1150. v. 1. 1151. v. 1. 1152. v. 1. 1153. v. 1. 1154. v. 1. 1155. v. 1. 1156. v. 1. 1

Wo zu das
zeichen des
creützes zu
brauchen.

zu/das allein dem zühört/dz verzeicht wirt. Also wo ferman
gleich wie zun zeiten Tertuliani zu allen dingen / was er an
sing oder an griff / ein creüs an sein stirn / oder sust machte /
da bey sich des tods Christi zu erinnern / das er alle ding in
freyem glauben zu gott thete vñ lies / dechte alweg wie thew
er von sünden erkaufft sey / da mit er die sünd in allem vnder
stünde zu tödten / auch sich also vnder das creüs zu geben / das
er mit Paulo sagte / Es sey fern von mir rümē / dan nur von
dem creüs vnsern herren Jesu Christi / durch welchs mir die
welt gecreüziget ist / vñ ich der welt. Gal. vj. fürwar 8 möchte
keins wegs gestrafft werde / wie dan die alten on zweifel sich
der massen / des creüges Christi zu erinnern / vñnd jnen selb
lieplich zu machen mit dem creüs zeichnet haben / auff dz sye
sich sein nit beschemetē / sonder ir creüs frey auff sich nemen /
vñd dem herren dayer nach treten / da zu sye dan täglich er
fordert wurden.

Nun aber hat man dem zeichen sonder krafft zu geben /
sol teuffel verreiben / alle ding segen / zu allē dingē ein glück
lichen anhab geben / welchs doch alles der todt Christi allein
volbringt bey den gläubigen. Do her dan komen ist / dz man
das holz / so für das creüs Christi würt dar geben / anbettet /
fasset es in silber vñ gold / last es die leüt / zu verdiene grossen
ablaß / küssen. Darnach seind auch vil andere creüs auff ko
men / das hat blütet / das ist vom hymel / jhenes vom segfeür
komen / in wölichem allem vnseglich vil aberglaub / vñ erger
nuß zugericht vñ vnderhalten würt / ich schweig so viler aber
gläubischer segen vñ zaubery / die mit dem heiligen zeichen /
volbracht werde. Das alles do her komē / dz man zu vil auff
zeichen gehalten hat / vñnd die weil gar auß herken gelassen /
das / des zeichen wir braucht haben / das ist / den todt Christi /
das wir im glauben an solichen / zugenomen hetten / vñnd in

änlich zu werden begeret.

Aber do wir nit gewüßt haben was Christi / oder vnser creuß sey / oder vermüg / hat gott vmb vnser grossen vndanck berkeit willen verhengt / dz wir auff dz zeichen gefallē seind / vnd haben das recht / das vns das zeichen bedeutet / faren lassen / den schatten für den leyb angenommen / vnd zu vertreiben beide das creuß Christi / vnnd das vnser gebrauchet. Dañ so wir durch das creuß Christi / das ist / sein todt allein erlöset / geheiliget / geweiht vnd gesegnet werden / hat das alles / das zeichen des creuß mit henden gemacht / thün müssen / für nemlich wo es pfaffen / oder grosse legaten gemacht haben / do mit ist die erkantnuß vnd krafft des creuß Christi / gar vertilget worden. Des gleichen so vns gott ein creuß auffgeleyt hat / krankheit oder anders / oder so man sunst in sorgen gestanden ist / hat man aber des creuß zeichen gemacht // solich creuß des herren abzutreiben / so man bey solchem zeichen sich solte ermanet haben / das creuß / so der herr vns auffgeleyt / oder hat wölle auff legen / mütig zu tragen. Nun zu solchem mißbrauch vnnd aberglauben dises zeichen / deren dañ so vil seind / das keinem mütiglich ist / sye halb zu erzelen / hat mercklich geholffen / das man also hat ein cerimony druck gemacht vnd so eigentlich / wo / vnnd wie vil creuß zeichen zu machen seind vorgeschriben / do her dañ als bald entsprungē / dz man sich sünd geföcht / wo man die creuß zeichen nit auffß fleißig gemacht hat / welchs dañ weiter den irthum geporē hat / als ob dz zeichē ein sonder krafft hette / nemlich die weyl man es zu der Noth vñ allen seggen so ernstlich hette brauchen müssen / vnd ist also se ein aberglaub auß dem andern erwachsen biß niemant me gewüßt / was das creuß Christi / oder das vnser / oder wo zu solich zeichen erstlich gebraucht sey / vnd noch gebraucht werden solte / wer es anders wolte recht brauchen.

¶ Die weil dan soliche cerimony on wort fürgenomen/vñ so vil aberglaubē geporen hat/haben wir sye auch lassen fallen/Doch do bey so jemanť sich solichs zeichē brauchen wolt/wie es dan als ein eüsserlich ding/seint halb muß frey gelassen sein/doch das man sich solcher freyheit/nur zů besserung der gemein gottes brauche/haben wir gelernt/wie er sichs Christlich gebrauchē solle/von dem ies oben auch ein wenig gemeldet ist. Hoffen also/die weil man je Christlicher freyheit als wol als anderer gůten ding exempel geben muß/dan offť vil meinen/sye hangen nichts an solchen dingen/vñ künden doch sye on scrupel irer gewissen/wans ans treffen geet/nit lassen/es werden vns alle gotseligen zů gůt haben/dz wir auch mit den meß geperde vñ creutz machen/wölche die meßmacher selb/wie sye dan nichts dan spöter seind/schirmstreich heissen/ein enderung gethan haben. Dan ob wir schon alle des glaubens so voll weren/das wir keines solchen exempels bedörfften/wüsten vns aller ding frey zů gebrauchē/noch so solich gepreng je ein spöťlich teufflich ding ist/von keinem gůten vrsprung herkomē/so vnseglich vil irthumb gesterckt hat/wie kündte es Christen/die in allen dingen die lautere des glaubens/vnd was die fürdern mag/suchen/nit ein abschewlich ding sein?

Warů die
tisch in den
kirchē ge=
gefolck ge
richtet sein

¶ Wer haben wir in etlichen vnsern kirchen/do das die gelegenheit erfordert hat/tisch lassen zů richten/das so man dz nachmal des herren haltet/der diener das angesicht/gegen dem volck wendet/das ist geschehen auß disem grundt/In Christlicher gemein sollen alle ding ordenlich vnd besserlich fürgenomen werden/vnd wes man in der gemein bettet vñ dancket ist das best/dz es geschehe der massen/das jederman möge Amen drauff sagen. 1. Cor. 14. wie wir dan der vrsach/haben verordnet/das in der gemein gottes/alle ding in teütz

scher sprach/gesungen vnd gelesen werden/von dem her nach
her gesagt würt/ also die weyl diß die gelegenheit auch erzor-
dert hat/da mit meniglich alle wort des gepets vñ. der danck
sagung verneme/ haben wir vns in solchem auch Christlich
er freyheit gebrauchet/ vnd das desten lieber/auff das da mit
auch wurde desten krefftiger abtriben/der aberglaub von ge-
weyheten Altaren/ die allein die Bischöff/ mit grossen kos-
ten haben weyhen müssen/ so wir doch nur ein altar haben/
wie auch nur ein opffer/vnd ein opfferer/ welchs alles Chri-
stus ist/ vnd Paulus ein tisch des herren vnd kein altar mel-
det. 1. Cor. 10. Die weyl dan die altar auch zu nachteil beide/
des glaubens vñ lieb/ dan je vil vnnützer kost an sye gewendet
worden ist/das den armen solte sein gereicht worden/gedient
haben/so man sye mit süß mag abthün/würt freylich zu sol-
chem ein jeder Christ gern helffen vnd rathen. Vber das ist
auch gemeint wordē/ es sey eben von nöten/gegēder sonnen
auff gang zu betten/ so doch im geist vnd der worheit sol nun
bettet werden/do kein stat noch zeit angesehen/ dz man nun
desselbigen achte/ vnd wüsse das es gleich gelt/ wo nauß das
angesicht gewendet werde/ so allein das herzh zu gott geferet
würt/ deshalb achten wir/künde auch nit vnnutz sein mit der
that soliche freyheit beweysen.

Warum das nachtmal: nur am
Sonnentag/ vnd sampt etlichen auß der gemein
gehalten würt.

¶ Zu lezt hat man gepflegt täglich vil mal zu messen beson-
der wann es gelt goltten hat/ ob schon niemant mit dem Mess-
macher des tisch des herren hatte wöllen theil haben/ so wir
aber wissen/das das nachtmal des herren gleich als ein ver-

büntnuß ist zu Christlicher gmeinschafft / durch die wir / wie
Christum / also durch in / vñ vmb seinen willen / alle ding ge-
mein haben / haben wir solichs allein am Sonnentag / auff
wölchen dan die ganz gemein gottes / pflegt zusamen zu kom-
men / vnd auch also / dz etlich doch von der gemein / solchs mit
dem diener empfangen. Christus hat je solichs in seiner ge-
mein gehalten / vnd inen allen das brot vnd den kelch geboten.
Zu wölchen er auch sprach / trinckent alle drauß / also hat
Paulus auch seine Corinthier gelernet / das nachtmal des
herren zu halten / so die gemein zusamen keme. 1. Corinth. 11.
Vnd am. 10. sagt er / der kelch der benedeyung / wölchen wir
benedeyen / ist der nicht die gmeinschafft des blüts Christi:
Das brot das wir brechen / ist dz nicht die gemeinschafft des
leibs Christi: den wir vil seind ein brot vnd ein leyb / die weyl
wir alle eins brots theilhaftig seind.

In wölchen wortē je klärlich gesehen würt / das dz nachtmal
des herren / nit für einen gehört zu halten / sonder sol von
allen jüngern Christi / in der gemein gehalten werden / bey
dem sye dan bedencken / das sye alle gleich sündler vñ ver-
dampt irenthalb / vñ aber durch hyngeben des leybs Christi /
vñ vergießung feins blüts am creutz erlöset seind / das sye
sich also bekennen nichts eigens / sonder alle in gemein Chri-
stum haben / da durch sye auch habē wore gmeinschafft des
leybs vnd blüts Christi / seind ein leyb vnd ein brot / auß dem
je folget / das wie alle Christen in gemein glauben / das sye
durch hyngeben des leybs / vnd vergießung des blüts Christi
erlöset seind / vnd also geystlich vnd weltlich das fleisch vnd
das blüt Christi essen vnd trincken / da von Jo. vi. das sye als
so auch in gemein sollen des tischs Christi theilhaftig sein /
das ein gedechtnuß vnd danck sagung ist solcher erlösung / do-
her der glaub zu gott gestärcket / vnd die lieb gegen allen men-

schen/vñ beuorab/zñ den haußgenossen des glaubens/enkñn-
det vñd erfrischet würt.

¶ Serten mal wir dan durch das wort gottes/alle feyrtag
außgenommen den Sonnentag/abtreiben/des vrsach ich her
naher geben wil/vnd also die ganz gemein/nur am Sonen-
tag zñ samen kompt/halten wir auch als dan allein des hers-
ren nachtmal/auff dñ doch etlig/von der gemein/sampt dem
priester das brot vñ feldch des herren entpfahen. Dan es je kein
güt werck noch opffer für die gemein ist/das einer solte auß-
richten/wie die papisten gelogen haben/sonder wie es Pau-
lus nennet/ein gemeinschafft. Wölcher nam wol bey friech-
en vñd latinischen bliben ist/die letzten collecten lauten auch
gemeinlich alle drauff/nach hat der betrug des antichrists so
vil vermöcht/das es nienen für weniger ist gehalten worden
Ja so man schon brüder vñ schwester gehebt hat/die mit des
tisch Christi haben wöllen/teylhafftig sein/haben sye ire
Meß vor gar auß gemacht/gleich als solten die leyen an der
kein teyl haben/vnd haben jnen dan nur das brot des herren
geben/vnd nit den feldch/da mit sy sye/so vil an jnen auch der
gemeinschaft des blüts Christi beraubt haben. Dann wie
Paulus sagt/Den feldch den wir benedeyen ist ein gemein-
schafft des blüts Christi.

¶ Nun seind etliche in der schrifft hoch geübte vñ worlich
gotfelige menner/die vil lieber wolten das des herren nacht-
mal/defter selten gehalten wurd/vñ das dan die ganz gemein
Christi/das selbig mit einander hielte Dife haben irer mei-
nung güten grundt/auß anzeigte orten der geschrifft/Dan
der herr selb es also gehalten hat/er hieß sye alle zñ mal auß
dem feldch drincken/also auch on zweiffel auch das brot alle es-
sen. Vñd so in solchem nachtmal/des herren tod bedacht/vñ
jm gedanckt werden sol/warum wolten es nit alle Christen

Etlich mei-
nen man sol
dñ nachtmal
nur mit gan-
tzer gemein
christi haltē

gemein halten / so sye sich doch gemeinlich durch solchen erlöset bekennen:

Die Schewe
des tisch
Christi alle=
mal theilhaft
zu werden/
kommen von
aberglaube

¶ Dazu das sich die leüt entsetzen / alle mal des herren tisch theilhaftig zu werde / kompt als zu besorgen / auß altem irsal das sye meinen sye seien nit geschickt vnd würdig genüg / so doch die einig schickung ist zu disem nachtmal / dz einer glaube / er sey durch den todt Christi erlöset / vñ begere in solichem glauben / vnnd lieb gegen dem nechsten / von gott gesterckt zu werden. Disen sin vnnd meinung / hat ein jeder Christ / darumb er zum nachtmal des herren / so oft man das haltet geschickt ist / hat einer den sin vnd die meinung nit / so ist er auch kein rechter Christ / vnd so er sich doch in die gemein Christi menget / vnd wil für ein Christen gehalten sein / verachtet er gleich wol den leyb des herren / des er sich fälschlich ein glid dar gibt / oder zum wenigsten als der weyt mer Christlich gemiet habe dan er hat / do mitt er auch gleich wol schuldig würt am leyb vnnd blüt Christi / seiten mal er sampt andern Christen bey solcher gedechtnüß ist / vnnd sich da für will gehalten haben / der auch glaube / der leyb vnd das blüt Christi sey für in gegeben. Weiter meine sye es were auch da zu gut das die ganz gemein alle mal / gemeinlich des herren nachtmal hielte / da mit der Christlich bañ wider auff keme / dz die so sich mit iren thaten vnchristlich beweysen / wie vom nachtmal / also von aller gemeinschafft Christi wurde abgehalten / biß in der herr büß gebe / vñ gnad vnergerlich zu leben.

¶ Also bekennen wir / das es Christlicher einsatzung vnnd brauch der ersten kirch vil gemeßer / auch in ander weg nützlich sein möchte / wie wir alle / die Christen wöllen geachtet sein / ein brot vnnd ein leyb sein sollen / das wir auch also alle mit einander kein schew hetten / alle mal eins brots theilhaftig zu sein / vñ wie wir vns alle da für halten / für die der herr sein

sein leyb vnd blüt geben hat / das wir also auch gemeinlich
solichs durch gemeinschafft des nachtmals zu veriehen vns
bestreissen. Aber noch dennest / seitē mal das nachtmal halten
ein eüsserlich ding / das für sich selb nit von nöten ist / haben
wit nit wissen / die seüt da zu etwas ernstlicher weyß zu erci-
ben / da mit nit die vorigen aberglauben gesterckt / oder neue
gepflanzet wurden / als ob solich nachtmal / frum oder selig
machte. Her widerum so alle mal etliche gewesen die solichs
nachtmal zu halten mit vns begert haben / haben wir solche
(ob da schuldt vnser / oder irer schwacheyt im glauben sey/
weiß gott) je nit dörfen da von abwenden / doch haben wir
sye den rechten brauch auffß fleissigst geleret.

¶ Also die weyl von zeitē der Apostlen her / wañ die gemein
Christi zusamen komen ist / man sein nachtmal auch gehal-
ten hat / habē wir es auch allen Sonnen tag / doch mit etlich-
en an stadt der gemein zu halten / vor diser zeit fürgenomen /
bis das vns der herr durch sein wort weyter bring vñ volkum-
licher reformier. Dañ so es ein eüsserlich ding ist / on dz man
wol so mag selig werden / haben wirs nit gewüß / weder den
begerendē abzuschlagen / noch die andern her zu treiben / son-
der wie die alten geduldet / vnd für vnd für gelernt haben / die
auch noch nit zu gemeinschafft des taußs komen waren / also
loben wir gott / das er vnser menge ein herr geben hat / dz sye
sein wort / wölchs dz best vñ nötigst ist doch höret / wölchs dañ
on zweifel sye aller ding noch recht vñ wol berichten würt.

¶ Das aber im anfang der kirchen / das nachtmal alweg
von der ganzen gemein gehalten ward / hat drey gelegenheit
dazu / mer dañ wir / gehabt. Die erst / nieman ward getaufft
vnd in ir gemein angenommen / dañ der sich ans wort Christi
ganz ergeben hat / so in vnser gemein vns vil hören predigen
vnd aber noch nit sich gentslich vnd aller ding ans wort erge-

ben haben/sonder werde Christo aller erst geporen. Zum andern hatten sye den bann / do mit sye / die so ergerlich lebten / oder lerten von jnen außschlüssen / so wir noch rups vñ raps durch einander müssen gon lassen. Zum dritten waren die Christen da zū mal / mit keiner irthumb gegen dem Nachtmal Christi verfūret / so ir nun also vil durch das Bāpstlich gefind / außgossen seind / das worlich dz heilsamest were / wo man das Euangelion anfieng zū predigen / die leūt ein zeyt lang gar / wo es mit fūg sein möchte / dar von abwendte / biß sye des ein rechten brauch / durchs wort erlernen.

¶ Also hab ich nun auch vrsach anzeigt / warum wir nimer allein / vnd darumb auff die Sonnentag / das nachtmal des herren halten. Wer weiter von vns begeret / nemlich dz wirs nit dann mit gānser gemein halten solten / vñnd da bey den Christlichen bann üben / gegen denen so ergerlich lebten / der bitte gott / das er vns in dem vnd andern fūrt helffe / vnd volkumen mache / vnd nem vns zū gūt / das wir nit dest weniger biß die ganz gemein / deren die brüder wōllen geachtet sein / zū solcher gemeiner haltung des Christlichen nachtmals kommen / ̃ enen die sein jek als begeren / dienen / vñnd es an stadt der ganken gemein mit jnen halten. Es ist je kein selkams / das nit jeder man eins mals der eüßerlichen ding claren bericht empfahet / vñ zū lauterẽ brauch der selbigen kan bracht werden. Seitten mal die Apostel kirch in solchen / vndertweglen seer gröblich strauchet.

¶ Doch vñsers thūns hierin / grundtlich vrsach ist / dz wir / am nachtmal Christi / wie an allen eüßerliche dingē / Christliche freyheit nit verleke wōllen / auch nieman vrsach geben / zū falscher gleißnery / zū thūn / dz in nit vmbhs herz were / vnd darumb / so warten wir / vnd treiben niemant / biß gott allen ein herz vnd seel geben würt / gemeinlich in der Apostel lecr /

vnd in der gemeinschafft / vnd im brot brechen / vñ im gebet /
bestendig vnd lauter zů sein / mitler zeit üben wir solichs mit
denen die es begeren / danñ sye zwingē auff andere zů warten /
were se Christlicher freyheit entgegen. Allein aber für vns
selb halten / wer wider sein ein sagung / art / brauch / vnnd na-
men. Wie danñ solcher mißbrauch vom antichrist auß teüfl-
ischem irthumb / als ob das selb nachtmal für sich selb ein güt
werck vnd opffer were / auff komen ist.

Welcher massen das nacht- mal nun gehalten würt.



Ber her hab ich anzeiget

vnd des vsach darthon / was wir am nachtmal
des herren haben geendert vñ abgestelt / als den
namen / Mess / die auff hebung / die Messkleider
die seltsamen geperden / vñ das vil creiß machen / den brauch
der geweychten vnd vom volck gewendten Altaren / vnd das
wir es nit allein / sonder alweg mit etlichen / vnd das in ver-
samleter gemein gottes / vnd also deßhalb auff die Sonetag
allein halten / nun will ich auffß fürhest auch an zeigen / wes
wir vns noch gebrauchen / vnnd des auch vnsern grundt dar
thün / danñ nit wenig hie auff vns gelogen würt.

¶ So am Sonnetag die gemein zů samē kompt / ermant
sye der diener zur bekantniß der sünden / vnnd vmb gnad zů
bitten / vñ beichtet gott / an stat ganker gemein / bit vñ gnad /
vnd verkündt den gläubigen abloß der sünden / auff dz singe
die ganz gemein etlich kurtz psalmen / oder lob gesang / Dem
nach thut der diener ein kurtz gebett / vnd liset der gemein et-
was von Apostel schrifft / vñ verclert dz selbig auffß fürhest.

Daruff singt die gemein wider/die zehen gebott oder etwas anders/als dan/so verkündet der priester das Euangelion vñ thut die recht predig/auff die singt die gemein die articel vñ sers glaubens/auff das thut der priester für die oberkeit/vñd alle menschen/vñ besonder für die gegenwertig gemein/ein gebett/in wölschem er bittet vmb merung des glaubens vñd lieb/vñd gnad/die gedechtnüß des tods Christi mit frucht zñ halten. Darauff vermanet er/die so mit jm das nachtmal Christi halten wöllen/das sye solichs zñ gedechtnüß Christi also halten wöllen/das sye iren sündē ab zñ sterben/ir creüz willig zñ tragen/den nechsten in der worheit zñ lieben/im glauben gesterckt werden/das dan geschehen müß/wo wir mit gläubigem herren erachten/was vnmesziger gnad vñd güthat Christus vns bewisen hat/in dem das er sein leyb vñ blüt am creüz für vns dem vater auff geopffert hat. Auff die vermanung verkündet er das Euangelion vom nachtmal Christi/wie es die drey Euangelisten Mattheus/Marcus/vñd Lucas sampt Paulo.1. Cor. 11. beschriben haben. Dar auff teilet der priester das brot vñd den kelch des herren vñd der sye/vñd neüßet es auch selb. Also bald singet die gemein wider ein lobgesang/demnach beschleüßet der diener das nachtmal mit ein kurtzen gebett/segnet das volck vñd lasset es im friden des herren hin gon. Dis ist die weiß vñnd der brauch/mit dem wir nun me/das nachtmal Christi/auff die Sonnentag allein halten.

¶ Unser grund vñnd vrsach auß der schrift ist diser. Der anfang Christlichs lebens/ist bekennen das alles vnser thün sünd ist/darumb Johannes der täuffer/Christus/vñnd die Apostlen/ire predigē an dem angefangē haben/bessert eüch/vñd in den versamlungē gottes ist je vñ je die beicht der sünd das erst gewesen/die bey den alten/auch dem tauff vorgangē

ist/dañ man gemeinlich/nur die verstendige/nit kinder ge-
teußt hat. Darumb sahē wir vnsern dienst auch an/mit ge-
meiner b: kantz: vnser sündē/vñ gnad bittē. Da für spricht
David psal.32.werdē alle heilgē bittē für dir / zū rechter zeit.

¶ Mer spricht Paulus.1. Cor.14. weiß ir zū samen komet/
so hat ein jeder einē psalmē/er hat ein lere/er hat ein zungen
er hat ein offenbarung/er hat ein auflegung auß disem vnd
andern/das diser Apostel den Corinthiern in gemeltem ca.
zū schreibet/werden wir bericht / das so die gemein gottes zū
samen komet/da seien lere/lobgesang/vñ gepett/vñ darumb
ordnen wirs / das in vnsern samlungen lere / das ist / gefas
vnd Euangelion/beidegeleret / vnnd mit ermanungen ge-
triben werden/vnd t a bey psalmen vnd lobgesang / zū p:enß
gottes vnd sterckung des glaubens gesungen/vnd zum drittē
gepet für die oberkeit vnd alle menschen / nach der ler des sel-
bigen Apostels.1.Timoth.2.

¶ Zū lest halten wir das brot brechen/vnnd gemeinschafft
des tisch Christi/auch nach der lere Pauli.1. Cor.11. wölches
alles wir billich mit danck sagung beschließen/die weyl auch
der her: selb sein nachtmal also beschloffen hat / Matth.26.
In disem allem woltē wir gern denen nachkomen / von wel-
chen geschriben stot Act.2. Sye bliben aber bestendig in der
Apostel lere / vnd in der gemeinschafft/vnd im brot brechen/
vnd im gepett.

¶ Hie acht ich nun wol/seitenmal dur h D. Carlstadt vñ
andere/die frag ob im nachtmal Christi/nur brot vnd weyn
sen/oder da bey auch der leyb vnd d: blut Christi leiphlich/wi-
der auff die ban komen ist / der leser werde von vns hie auch
etwas bescheids warten/wie wol in nun vnser brüder vñ mit
arbeiter Wolffgang Capito geben hat in ein buch/in/des ti-
tel/Was man halten vnnd antworten sol / von der spaltung

vñ D. Carl
stat opinion

zwischen Martin Luther vñ Andres Carlstadt/wil ich doch ein wenig auch da von reden/ danñ sich etlich zñ vil ab solcher frag entsetzen/die andern zñ vil auff solche fallen wöllen.

¶ Darumb so wissen alle liebhaber Christi / das wir vns gern wolten befließen/die leüt vom fleisch/ von leiplichẽ elementẽ/auff den geist vñ geistliche übungẽ zñ führen/da durch der glaub gesterckt/ thetig würt durch die lieb vñ güte werck. Danñ wie gott ein geist ist/also wil er haben die in anbetten/das ist in in geist vnd der worheit dienen. So sagt Paulus 2. Corin. 3. Gott hat vns tüchtig gemacht/ diener zñ sein/des newẽ testaments/nit des büchstaben / sonder ges geists. Also ermanen wir die leüt/so wir durch den tod Christi/allen leiplichen sakungen seind abgestorben/ vnd vom herrn/nur zwo leiplich ceremonny vnd zeichen entpfangen haben / den tauff vnd nachtmal Christi/dz sye mer achten wöllen/warumb er vns solche eingefeset habe / danñ was sye in jnen selber seyen.

¶ Sagt nit der herr in nachtmal (vom tauff werden wir hernaher reden) als er dz brot genomẽ/gedancet/es geprochẽ vnd den jüngern geben hat. Nemet esset / das ist mein leyb/ der für euch brochen würt/solichs thüt zñ meiner gedechtnuß. Des selbigen gleichen auch als er in den feldch geben hat. Dieser feldch ist ein new testament in meinem blüt/solichs thüt so oft ir trinckt / zñ meiner gedechtnuß: Sollen wir danñ das brot essen vnd feldch trincken zñ seiner gedechtnuß / warumb wolten wir vns danñ ob dem brot vnd wein vil zancken / vnd nit vil mer zñ bedencken den tod vnfers heylands/ mit einfeltigem glauben nieffen: Paulus schreibt/so oft ir von disem brot essent / vñnd von disem feldch trinckent/solt ir des herren tod verkünden / vñnd wir wöllen vns ob dem brot vnd feldch ein zencckisch disputation an heben.

¶ Gleich als so ein vatter ein guldin kopff sein sünen zñ leh

gelassen hette/vnd befolhen/so offti sye drauß drincken/dz sye
sein solten gedenccken / vnd was er sye gûts gelert hette/dz sye
eins durch einander/vnd erbarlich lebren/vnd sye singen ein
zanc̃ an ob dem kopff von was materi er were/oder wie kost
lich/bis̃ sye ein ander in die har fielen/werē dise nit vndanck
bare vnd böse kinder / denen weger were/sye hetten den kopff
nie empfangen: Oder das ich ein andere gleichnuß gebe/es
ist eben ein ding/ vom brot vnd wein des herren ein zanc̃ an
heben/das man zû sterckung des glaubens vñ befestigen/die
gröste einigkeit brauchē sol/als so etwan ein grosser herr/sei
nen diencern etlich sonder fleider vnd zierd hette geben/vñ be
folhen jm zû eren vnd gedechtnuß die selbigen tragen/durch
welchs sye von jm möchten hohen lon erlangen/vñ sye durch
einander gûte freündtschafft erhalten/vnd sye lieffen solchs/
vñ singen ein hader über der schenck an/da mit sye den herren
erzürntē/vñ jnen selber schiedē/ werē solche nit thorecht leüt:

¶ Nun haltet es sich eben also/mit denen so über dem brot
vnd felch des herren/also ein ernstlichē zanc̃ an heben. Das
brot vñ der felch es sey gleich do was es wöll / mag jnen aller
ding kein nuz sein/dañ das sye den tod Christi/mit glauben
da bey bedechten / da durch glaub vnnd lieb gesterckt wurde/
sye das fleisch vnd blüt Christi geistlich nüssen/vnd also das
ewig leben hetten/vnnd sye lassen das alles faren/ vnd lond
jnen ein materij sein der vneinigkeit / das ein verbündnuß
sein sol der grösten einigkeit/werē also worlich schuldig am
leyb vnd blüt Christi / machen jnen tödlich/das zû ewigem
leben fürdern sol.

¶ Christus spricht Johan.vj. do er vil gesagt hat/ wie sein
fleisch ein spenß/vnd sein blüt ein tranck sey/der geist ist der
do lebendig macht/das fleisch ist kein nuz/warumb zanc̃ en
wir vns dañ/ob der fleischlichen gegenwertigkeit: Die wo re

Wie man
sich Chriſt-
lich des na-
chtmalsge-
brauchet.

des herren / so er spricht / Nemet essent / das ist mein leyb / ne-
ment vnd trincket das ist mein blüt / oder als von Luca vnd
Paulo beschriben ist / diser kelch ist dz new testament in mei-
nem blüt / laß man wor sein / wie sye auch wor müssen sein /
vnd bedenck aber allein / dz er zun beden sagt / thün das / das
ist essen vnd trincken das zu meiner gedechtnüß / würt man
das thün / vnd ist ein glaub da / so würt weyers leiplichs nit
fürgenommen / dan das man das brot esse vñ den kelch trincke /
vnd als bald auffß geistlich come / den tod Christi zu bedenck
en. Wölche gedechtnüß in einem jeden gläubigen herren so
groß / on allen zweifel sein würt / das do kein weyl würt sein
mögen / mit dem brot vñ weyn sich etwas mēr zu bekümmern /
sonder das ganz herß vnd alle krefft / werden da hin geneiget
sein / solchen tod / als sein erlösen / zu verkünden preisen vñ lo-
ben / auch dem ähnlich zu werden / mitt absterbung der sünd /
vnd manlicher tragung des creüzes / vñ auch herrlicher lieb
gegen allen menschen.

¶ Diß hat der herr gewölt / vnd nit das wir auff dem leyp-
lichen also ston bleybend. Dan das der herr sagte / thün das
mir zu gedechtnüß / vercleret Paulus mit dem das er schreibe
so offt ir von disem brot essent / vñ von disem kelch trinckent /
solt ir des herren tod verkünden biß er kumē / das es die mey-
nung nit hat / als etlich sagē / thün dz zu meiner gedechtnüß /
das ist / verwandlen also brot in mein leyb / oder der gleichen.
Er hatte geheissen das brot essen / vnd den kelch trincken / vnd
das selbig war das sye thün solten zu seiner gedechtnüß / wie
das die wort des herren / einē jeden der nit zencckisch sein will /
selb clar genüg bezeugen.

¶ Hette solcher wort Christi wöllten recht acht nemen D.
Larlstadt / wurd er ein solchen hader / vñ im merern teyl ein
wort streyt / von disen eüßerliche dingē / nit habē angefangē /
sonder

sonder mer fleiß ankert / das er meniglich vom leyplichen/
auff's geystlich gewisen hette. Da zu er auch / als er in der
schrift belesen ist / übrig gnüg örter hette haben mügen / vnd
hette eben nit dörffen die wort des herren / mit vngegründten
vrsachen / also zwingen vnnnd martern. Als ob der her: / so er
spricht / nemet vñ esset das ist mein leyb / den jüngern wol ha-
be das brot gepotten / vnnnd habe aber mit dem wörtlin (das)
auff sein natürlichen leyb gedeütet. Des halb / das das brot /
je nit sey gecreütigt für vns.

In den Worten die der her: zum kelch geredt hat / als sye
Lucas vnd Paulus beschribē haben / mag nit geleüctnet wer-
den / das (das) zu kriechisch tuto / deüte den kelch / vnd nit das
leyplich blüt des herren / dan er spricht das trinck geschir: oder
der kelch zu kriechisch *τὸ ποτήριον* ist ein new testament in
meinem blüt / vñ ist doch der selbig becher oder kelch auch nit
für vns vergossen. Man weiß wol / das der einig wore leyb
Christi / für vns hingeben vnd gecreütigt / vñ das einig war
leyplich blüt ein mal für vns vergossen ist / vnd nit brot noch
wein. Darumb aber darff es des nit / das man also den wor-
ten Christi gewalt thue / sonder man lere / das man das brot
esse / vnd den wein also trincke / das man sich der hyngebung
des leybs vnd blüts / ein mal beschehen / rechtgeschaffen erin-
nere / da mit man sein fleisch also geistlich vnd warlich esse /
vnd sein blüt drincke.

Das gebe die wort doch selb / so er sein heisset gedencken /
vnd seins tods / vñ ist auch gar wol bey den Worten / so er zum
kelch geredt hat / ab zu nemen / wölche Mattheus vnd Mar-
cus also beschreiben. Dis ist mein blüt / des newē testaments
22. Lucas aber vnd Paulus / diser kelch ist das new testament
in meinem blüt. Nun müssen je dise zwo redē ein sū haben /
die weyl dan kein zweyfel ist / so er spricht / dis ist das new te-

stament in meinem blüt/er redet von seinem natürlichen blüt
ein mal am creüz für vns vergossen/ durch welchs zwischen
gott vnd vns/der gnadenreich new ewig bund/ von dem alle
schrifft/vñ besonder außgedruckt sagt Hiere. 31. das er vnser
vatter/vñ wir sein kinder seien/auffgericht ist. Da vñ Pau-
lus Ro. 3. He. 8. 9. vñ. 10. sampt vil andern orten vil schreibet/
so muß eben das selbig blüt auch gemeint sein in den worten
die Matheus vnd Marcus haben/ Nemlich schlecht/diñ ist
mein blüt/der gleichen/so er spricht/das ist mein leib.

¶ Vnd wie man/so er spricht / diser kelch ist ein new testam-
ent/muß verston/ er ist ein zeichen oder figur des neuen te-
staments / das dan geistlich ist / warumb wolt man dan nit
auch also/so er vom brot sagt/das ist mein leib/vñ im Mat-
theo vnd Marco vom kelch/das ist mein blüt/ das selbig brot
vnd den selbigen kelch/auch lassen ein figur/gedenck zeichen
vnd bedeutung sein/des woren einigen leibs vnd blüts Chri-
sti / wölche dan leyplicher gestalt nit me bey vns sein sollen.
Ich sag euch die worheit / spricht Christus / es ist auch besser
dñ ich hingeh/vñ Paulus will auch Jesum nach dem fleisch
nit me kennen. 2. Cor. 3. Gleiche red habē wir im ersten buch
Mose ca. 17. do gott gleich auff ein ander/die beschneidung/
seinen bundt zwischen jm vnd dem Abraham / vnnd solchs
bundts zeichen nennet.

¶ Vñnd so jeman sagen wolt / ich wolte wol verston/ die
weyl der herr selb sagt/thut mir das zñ gedechtniß/vñ Pau-
lus /so offt ir von difem brot esset vnd von difem kelch trinck-
ent/solt ir den todt des herren verkünden / das diñ brot/ vnnd
diser kelch figur vñ zeichen seind des opffers Christi/ein mal
für vns auff geopffert / Darumb ist aber der zancē nit/son-
der ob diñ brot vnd kelch/ zñ dem das es also ein figur vnd ge-
denck zeichē ist des todtis Christi/auch sey sein leyplicher leib

vnd leyplichs blüt/oder nur schlecht/brot vnd weyn.

Antwort. Du hörst doch das Christus spricht das fleisch sey kein nüt/wz fragstu dan nach dem fleisch? So du solchs als ein figur vnd zeichen kündtest erkennen/ mit rechtschaffnem glauben zu bedencken / wie er sein leyb vñ blüt/ein mal für dein erlösung am cretüs hingeben/ vñ auffgeopffert hat/ so würdestu auch worlich den woren leyb vnnd das wore blüt Christi nieffen/vñ das ewig leben haben/ würstu aber dazu dz brot vñ den kelch nit entpfahē vñ brauchen/ so würstu am leyb vnnd blüt Christi/des herliche gedechtnüß/du also vnerest / schuldig werden. Was leyplich da ist / mag dich nichts helffen / So du aber das geistlich hie fassen möchtest/ brecht dir das ewig leben.

Darumb laß übrig fragen faren/die wort seind war/diñ ist mein leib/diñ ist mein blüt/so redt der geist gottes in Pau lo auch recht / das er spricht (diñ brot/ den kelch) die laß bede recht vnnd wor sein/sihe allein/ was du da nieffest/das du es dem herren zu gedechtnüß nieffest / auff dz du durch den glauben/das fleisch vñ blüt Christi geistlich nieffest/das ist/gänzlich glaubest das du durch solich opffer/von allem übel erlöset vnd ein kind gottes worden seiest. Was vns weiter zu wissen nus sein mag/würt vns gott wol offenbaren.

Suma summarum ist/halt dich der wort des herren/vnnd thū in kein gewalt/allein bedenck da bey/das das fleisch kein nüt ist/vnd das alles leyplichs hie/sich auffß geistlich zücht. Essen vnd trincken heist dich der herr/das ist leyplich/aber allein darumb das du sein / der sein leyb vñ blüt für dich geben hat/gedenckest/im glaubest/danckest vnd gehorsamest / Da von Psal.22. laß essen die ellenden das sye sat werden/vnnd rhūmen den herren / die nach im fragen/ ewer herr müße leben ewiglich. Hie her muß es sich worlich alles schickē/hier

auff zeücht sich alles wß die götlich schriftt inhalt/ D. Martin Luther hat auch alweg also auff den geist vnnd glauben gerichtet/was er hie von je geschribē hat/ darumb billich D. Carlstadt seine spitzige/ neidische / vnd leichte wort wider in gespart hette.

Ma wil nur
schrift/das
ansehe der
person gilt
nichts mer.

¶ Aber gott gebe/ das nit auff disem teyl auch seyen/die in selb zu wol gefallen/vnd meinen es sey inen schandlich/von ein mal gepredigter meinung/etwas ab zu weichē/ da durch sye dan gewaltigklich zu handeln vnderston / vnd die armen gewissen mer weiter verwicklen/dan von irthumb auß wicklen. Gott sey lob/das ansehen der person ist ser gefallen/man will nit me darumb gleich glauben/dz mein herr doctor/ predicant oder pfarrer gesagt hat. Hastu nit clare schriftt/so far gemach/es wil nit me über redens gelten/vnd wolt gott/das wie vns Strassburger D. Martin Luther vermant hat/iesderman sich bestiß die hauptstück wol zu fassen/so woltē wir in solchen eüsserlichen dingen leicht eins werde vñ bleiben.

¶ Das etlich wöllen do her komen/ auß dem gefas vñ propheten / etwas im newen testament/ in worten vnd wercken Christi zu vercleren/das ist durch den schattē lernen/wie der leyb sehe/vnd vom verdeckten angesicht Mose/das hell auff gedeckt angesicht Christi wöllen erkennen / vnd durch die figuren die gegenwertig worheit kuntlich machē/ist je ein verkerts/Moses vñ die prophetē zeügen von Christo/ aber Christus der enideckt das angesicht Mose vnd der propheten/vnd verkert sye. Darumb so etliche die wort Christi in Euangelisten wöllen faren lassen / vnd von cerimonien des gefases/ die leüt überstreitten/das ist/der sunnen wöllen zünden/machen sye nit mer/ dan das sye die leüt von inen weiter ab treiben/vnd sye in irer meinung stercken.

¶ Also so du wilt herfahren/im geset haben vom opffer ges

sen/die da opfferten/vnd des altars genossen waren/also mü-
ßen wir auch von vnserm opffer / das do ist der leyb vnd blüt
Christi essen/vnd darumb muß das brot des herren/ leylich
sein leyb/vnd der felsch leylich sein blüt sein. Möcht dan nit
Erlstadt sagen / wir sollen ja von vnserm opffer essen/ Ja
wer nit isset das fleisch / vnd drincket das blüt des menschen
kind/der mag dz leben nit in jm habē/ Jo. 6. Dife wort aber
des herren seind geist vñ leben/geistlich muß dz zū gon durch
den glauben/das fleisch ist kein nüz/vnd würt noch lang nit
folgen/dz ich solchs leylich im brot vnd wein müsse nieffen.
Dazū ist gefas geistlich/vnd würt mit geistlichen/vnd kei-
nem leylichen ding erfüllet. Iß die Episteln zun Hebreern/
ein figur erfüllet die ander nit/sonder die geistlich worheit ist
erfüllung der figuren. Das wir noch dife zwo cerimonie ha-
ben/tauff vnnd nachmal/ ist etwas gefalichs/wie wir dan
noch zum teyl/ so ferz wir mit dem sündlichen leyb becleidet
sein/vnder dem gefas seind/was dem newē testament eigent-
lich zū hört/im gefas Mose vnd propheten bezeuget/ ist eitel
geistlich ding / als do ist der tauff Christi durch den geist vnd
das feuer/vnnd das geistlich nieffen/des fleischs vnnd blüts
Christi.

¶ Des halb erman ich in Christo / alle die in diser sache
was zū schreiben oder predigen jnen für not achten / das sye
wöllen gedencken/dz sye diener des geists sein sollen / vñ das
sye jnen selber nit wölle gefallē/sonder ires glaubens grunde
mit sanfftmut vnd forcht/auff nüchterst/vnnd gewisset dar-
thün/vnd dz durch die hellen wort Christi. Dan suß worlich
werdē sye die gewüssen der einfaltigē / die doch nun me auch
die schrift lesen/nur desten mer verwürren.

¶ Vnser glaub ist / das wir die wort in irer natürliche ord-
nung bleiben lassen/ aber da bey vnser vnd vnser zühörer ges-

Was hierin
zu Straßb.
gelernt würt

dencken vom leyblichen / das der geist gottes in Paulo/das
brot vnnnd den kelch des herren nennet/dem freylich frey nach
zu folgen ist / auff das geistlich vnd ewig richten / Nemlich
das einig opffer Christi/da mit die geheiligten volendet wer-
den in ewigkeit/vñ ermanen menigklich seiten mal doch der
herr selber sage / das fleisch sey kein nütz / das sye am fleisch
vnd eüsserliche nit hangē bleiben / noch vil weniger des halb
sich mit jemandt zancken. Vnd dabey wissen wir auch vor-
den porten der hellen zu beston/das worlich weder Carlstade
mit seinem hauffen/ noch auch etliche seiner widerwertigen
vermügen. Aber des vnuerzagt/ es müssen spaltungen sein/
auff das die bewerten/offenbar werden / so muß das Euan-
gelion/wie alweg/auff beden seitten / durch feind vnnnd ver-
meinte freind angefochten vnnnd probiert werden. Ein jeder
bitt gott mit David. Wend ab mein augen/ dz sye nit sehen
das eytel/mach mich lebendig auff deinem weg.

Vom Tauff.

¶ Den Tauff hat der widerchrist auch/wie wol nit so fast/
als das nachtmal mit seinen fündlin verduncklet. Das er-
gibt/ist das die leüt verwent seind/das bloß teüffen/mache dz
kind selig vnd wo es vngeteüfft stürbe / das es drumb gottes
angesicht nimer sehen möchte/ Da zu hatt er crysam öl/salt
brott / kerszen vnd gewyhet wasser / in solche achtung bracht/
das der tauff nit volkumē geacht gewesen ist / wo deren stuck
etwas nach bliben were. Diß alles hat gereicht zu schmach
vnd vercleinerung des todts Christi/durch den wir geheiligt
seind/auff ein mal/wie das alle schrifft leret.

¶ Darumb haben wir/ als die zeügē Christi predigē muß-
sen/das durch sein namen/alle die in in glauben/vergebung
der sünd entpfahen sollen. Vnd vom tauff/der schrifft nach

geleret/das zweyerley tauff seind/ein wasser tauff/vnd ein tauff des geists/mitt disem teuffet allein Christus/mitt dem wasser tauff hat Johannes teuffet/die Apostel vnd alle andere so teuffen. Der tauff Christi/der mit dem heiligen geist vnd feuer teuffet/tucket die sünd/vnd machet kinder gottes/der wasser tauff ist des selbige ein eüsserlich zeichen. Also saget Joannes/ich teuff eüch mit wasser zü der büsse/der aber nach mir komet/ist stercker dan ich: &c. der würt eüch teuffen mit dem heiligen geist/vñ mit feuer Matth. 3. Vnd der herr selb Act. 1. Johannes hat mit wasser teuffet/ir aber solt mit dem heiligen geist teufft werden.

Zweyerley
tauff / mitt
wasser vnd
mit dem hei-
ligen geist.

¶ Es sol sich auch niemant befrembden lassen/das ich den tauff Joannis der Apostlen vnd vnserm tauff gleich achte/dan wir teuffen je gleich wie Joannes vnd die Apostlen mit wasser/den andern tauff des geists/hat im Christus vorbehalten/vnd wie Johannes teuffet mit dem tauff der büß/vñ saget dem volck/das sye solten glauben an den/der nach im komen solt/das ist/an Jesum/das der Christus sey/Act. 19. also haltet es sich auch mit dem Apostolischen vñ vnserm tauff. Dan Petrus Act. 2. sagt zun juden. Thut büß vnd laß sich ein jeglicher teuffen/auff den namen Jesu Christi zü vergebung der sünd/so werden ir empfangen die gab des heiligen geists/das ist/bekennet das ir der büß bedörffen/vnd laßt eüch teuffen auff den namen Christi/das ist/mit eim glauben durch den namen Christi/vergebung der sünd zü erlangen/so werdt ir empfangen/die gab des heiligen geists. Sehet diß ist dan der tauff Christi/mit dem er teuffet.

Iohannis/ &
Apostle vñ
vnser tauff
ist einer.

¶ Vnd ob jemandt sagen wolt/hat doch Paulus die so zü Epheso mit Joannis tauff teuffet warē/wider teuffen lassen/auff den namen des herren Jesu Act. 19. wie künde dan Joannis tauff/vnd der Apostlen einer sein: Antwort/die

selbigen waren nit mit Johannes tauff/sonder auff Johan
nis tauff geteuffet/oder zu Johannis tauff. Dañ im kriechi
schen stat es ^{des 7. iohannis kanzler} ^{10. u.} dañ sust hetten sye von Christo/
vnd seinem tauff/der durch den geist beschicht/mer wissens
gehabt. Nun aber schreibt Lucas da selbet/dz sye sagten/wir
wissen nit/ob auch ein heilger geist sey. Joannes aber hatte
jederman gesagt/wie nach im komen wurde/der mitt dem
heiligen geist/vnd feuer teuffen würde.

Im. 18. ca. Act. würt gemelt vom Apollo/der allein von
der tauff Johannis wuste/do schreibt Lucas/das Aquila vñ
Priscilla /im den weg gottes noch fleissiger auflegten/aber
es würt nit gemeldet/das sye in wider teufft haben/wie wir
solichs auch nit von den Apostlen lesen/ja Christus/der alle
gerechtigkeit wolt erfüllen/vñ den tauff des newen testaments
entpfahen/hat gnüg am tauff Johannis gehebt/mit wölch
em er dañ bezüget sein leide/da durch die sünd der welt/wöl
che er auff sich genomen hat/wie wol er für sich selv on sünd
war/müsten abgewaschen werden/da mit er dañ auch nit al
lein den eüsserlichen tauff bestetigt/sonder vil mer anzeigt/
wo zu er dienen soll/vnd was folgen/so wir in mit glauben
vnd erfüllung aller gerechtikeit wurden annemen. Dañ der
heilig geist komet gewißlich über vns/der vater erkennet vns
als seine geliebten kinder/aber gleich müssen wir an die prob
ins anfechten vnd leiden/biß der sündlich leyb gar hin geno
men würt. Von Aposteln würt auch nit gelesen/das sye mit
eim andern eüsserlichen tauff geteufft seyen. Also ist kund
lich dz die zwölff menner zu Epheso/die weyl sye nichts vom
heiligen geist/das ist dem rechten tauff Christi wüsten/das
sye auch nit mitt dem tauff Johannis teufft waren/sonder
allein wie der tert sagt/auff den tauff Johannis/gleich als
ob der wasser tauff für sich selv sye etwas helfen solt. Des
halb

halb müßt sye der Apostel auff Christum weisen/vñ deßhalb
ließ er sye auch auff in teüffen.

Darumb wissen wir nur zweierley tauff/einen mit was
ser/mit solchem hat Ioannes geteüfft/der anfinger des neu
wen testaments/die Aposteln vnd alle Christen. Der ander
ist/mit dem Christus teüffet/durch den heylgen geist vnd dz
feuer/welchs eben der heilig geist ist / der die sünd auß bren
net/vnd den innerlichen menschen reinigt vnd purgiert wie
das goldt. Vñnd ist der eüßerlich wassertauff nichts dan ein
zeichen/des innerlichen vñ geistlichen. Darumb er auff den
namen Christi/oder im namen des vatters/süns vñ heiligen
geists geben würt/da mit man weyset auff den glauben vnd
hoffnung des innerlichen tauffs/den Christus/ja der vatter
sün vñnd heilger geist/volbringen / so lang diß leben weret/
dan also lang seind wir in sünden.

Darumb spricht auch Paulus Roma.6. das alle die in
Christum Jesum taufft seind/ seyen in seinem tod geteüfft/
ja mit jm durch den tauff begraben / dann wer recht teüffet
würdt/der bekent/ das er ein kind des zorns sey/ ganz vnrein/
glaube aber Christus werd in von allen sündē rein machen/
das geschicht dan durch den todt Christi/dem wir änlich wer
den müssen / durch täglichs absterben vnser alten Adams/
das ist/vnser gangen natur. Dar ein hat sich der geteüfft er
geben/darumb würt auch in jm der sünden todt müssen vol
komen werden/vnd der gewisse halb / des glaubens/ würt er
schon jek fur todt gezelet/ vnd als mit Christo begraben/das
er nun me nur des neuen vñ ewigen lebens warte. Wölcher
gewisse vnd sicherheit halb der Apostel auch sagt zun Gal.3.
wie vil ewer taufft seind/die habē Christum an zogen. Nun
hangen vns noch vil wüster lumpen vñnd fesen vom alten
Adam an/so lang wir hie leben/vnd seind noch weit da von

das Christus vnser leid sey / noch so wir solichs glauben es
werd vns werden / seind darauff in seinem namen teuffet/
würt es gewißlich geschehen. Darumb wirs auch durch den
glauben jes haben/darauff dan die schrift redt.

¶ Also ist's auß disem allen clar / das der eüsserlich wasser
tauff / nichts dan ein zeichen ist / des innerlichen geystlichen
tauffs/das ist/der reinigung von allen sünden/die wir glau-
ben müssen/welche der geist gotes in vns würckt/ so lang d'is
leben weret/vñ ist die rechte büß vñ besserung/ wölchen glau-
ben die verstendigen durch den tauff veriehen. Vnd darumb
mag dem eüsserlichen tauff/die vergebung der sünd/ nit wei-
ters / dan ein zeichen zü geben werden. Dan vergebung der
sünd/der tauff Christi ist / den er durch sein heyligen geist in
den erwölte würcket.

¶ Darumb als Petrus gesagt hat/dz wasser im tauff ma-
chet vns selig/gleich als bald vercleret er sich selb/vnd spricht
nit das abthün des vnflats am fleisch / sonder der bundt eins
güten gewissens mit gott durch die auffersteung 2. 1. Pet. 3.
Also auch Paulus/ Ephe. 5. do er sagt Christus hab sein ge-
mein gereinigt / durchs wasser bad setet er hin bey im wort/
da durch der glaub/die würckung des geists anzeigt würt/dz
ist der innerlich tauff/gleicher weyß schreibt er 2. 1. Er ma-
chet vns selig durch das bad der widergeburt vñ erneuerung
des geists/do er durchs bad / den wasser tauff anzeigt / das er
aber gleich hyn bey setet / der wider gepurt vnd ernewerung
des geists/zeigt er an den tauff des geists/on welchen/wasser
wasser vnd teuffen ein gauckelwerck ist. Das fleisch vñ was
leyplich ist/ist für sich selb je kein nütz.

¶ Darumb was man von gnaden oder sünd verzeihung
liset dem tauff zü geben/sol dem tauff Christi zü geeiget wer-
den. Also das Ananias zum Paulo sagte/ stand auff vñ laß

dich teuffen/vnd abweschen deine sünd/ vnd rieff an den namen des herren/hat er in nit zum wasser tauff allein/sonder vil mer durch den selbigen/zum tauff des geists gewisen/der dan die sünd abweschet/vnnd gibt freudikeit den namen des herren an zu rieffen. Deshalb ein schmach Christi / vnd ein verterblich vertunckelung seins woren geistlichen tauffs ist/sagen oder meinē/ das eüsserlich wasser teuffen mache selig/oder so solichs nit geschehe/das darumb ein kindt nit möchte selig werden. Der her spricht wol wer da glaubt vnnd teufft würt/der würt selig werden / wer aber nit glaubt / der würt verdampft / sagt aber nit / wer nit teufft würt / der würt verdampft. Es bindt gott sein gnad nit an wasser.

¶ Er hat den wasser tauff/wöllen seins innerlichen tauffs ein zeichen/bekennniß/verichung vnd ermanung sein. Darumb in niemant verachten sol/man sol aber auff in nit bauen/sonder allein auff den tauff Christi/durch den wir mit den wassern des heyls/das ist seinem geist Jo. 7. begossen vñ teufft werde/deß halb ein abergleübische thorheit ist/die kind wöllen teuffen eb sye auß mütter leyb komen / oder suß vngeschickter weyß mit dem tauff eylen/ als sonder vnser selikeit am bloßen wasser / wie offti von weybern / in geserlichen gepurtē geschicht. Noch vil vnfinziger ist/ dz man sye am heyl der vnteufften kindlin/hat leren verzeißen.

¶ Also ist am tauff vnser fürnemste reformation/das wir durch das wort leren/den eüsserlichen tauff/ für ein zeichen/des rechten tauffs Christi/das ist der innerlichen reinigung/widergepurt vnd ernewerung halten / da durch sye von jnen selb vnd andern/als die Christo ergeben seind/ vnd solich innerliche newe gepurt erlangen werden / geachtet vnd gehalten werden sollen. Vnd das abweschung der sünd/vñ ernettwerung des gemüts alles allein Christo werde zugeben/der

die erwölten durch sein geist reinigt/gläubig vñ selig mache:
Wölchs sein tauff deßhalb geheissen würt / dz er vns solchen
heiligen geist/durch sein leiden verdient vnd erworben hat.

Crisam/öl/
kerzē/saltz
vñ der glei
chen würdt
nit mer ge=
braucht..

¶ Die ander reformation oder newerung am tauff ist/dz
wir des Crisams/ölē/saltz/brot vñnd kerzen leren nit achten
noch brauchen. Vrsach ist/ das sye menschen sündlin seind/
on wort fürgenommen/ die zū vil aberglauben dient haben.
Do her komen das solich Crisam vñd ölē/ nur von einem bi
schoff/vñ allein auff den grūn donderstag hat mögen geseg
net werden / Des halb auch vil die kindlin nit haben baden
dō:ffen/der psaff hette sye dan vor vmb ein pfennig oder creit
her entwestert/das ist/den crisam vñ öl abgeweschen. Solch
gauckelwerck / stor den klügē verstendigē Christen die allein
ires herren wort achten vnd nachfolgen sollen / übel an/die
weyl sye des gar kein wort haben / vñ dar zū nit besserlich ist/
wie biß her wol beschinen ist.

¶ Darumb so pflegen wir/nach kurzer verflerung/was d
tauff sey vñd bedeüt auch gemein gepett/das Christus wölle
das kind durch sein geist teuffen/ vñd von allen sünden reini
gen/on solich gepreng die kinder zū teuffen/ vñd sye den pfer
tern sampt andern brüdern befehlen / das sye solche wölten/
als ire glider in Christo lieben/vñ so bald möglich/ durch die
heilsam lere/zū Christo führen. Des haben wir grund in der
schrifft/vñd nit weiters. Die weyl dan die schrifft alles gūts
leret/wissen wir weder vns noch die vnsern mit weitem ceri
monie zū beladen / die doch vnsern gemeindē kein besserung
möchten bringen/aber wol ein anstoß sein.

Ob mā kin
der teuffen
mag.

¶ Nun seind aber / die ganz von nöten achten / man solte
auch die dritten reformation vñ enderung hie machen/nem
lich das man die kinder nit teuffte / meinen wir haben we
der wort noch exempel in der schrifft solichs zū thun. Dann

Christus habe seine jünger geheissen die völder erstlich lere
vnd als dan teuffen / also haben auch die Apostlen / nur die
den glauben veriehen haben geteufft.

¶ Disen wissen wir nit zū zufallē / wie auch nit schleüßet
das sye fürwendē. Die Apostlen wurde von Christo gesant /
die menschen zum glauben zū bringen / des anhab müße je
durch die lere vñ predig sein. Dan wer wolte sust sich selb ob
seine kind / haben lassen teuffen : On zweifel ein jeder Apo-
stel hette sagen mögen / wie Paulus. Christus hat mich nit
gesandt zū teuffen / sonder das Euangelion zū predigen / dar-
umb haben sye müssen fürnemlich mitt den verstendigen zū
schaffen haben. Darumb auch fürnemlich beschriben würt /
was sye mit den verstendige gehandelt haben / als an denen
die frucht irer predig hat mögen erkant werden.

¶ Nicht dest weniger doch / so wir so oft lesen / das die Apo-
steln ganze heüßer teuffet haben / als Paulus zū Corinthe
das haußgesind stephana zū Philippis / das gesind der pur-
purkremmerin / vñnd des kercker meisters Act. 16. Petrus das
haußgesind Cornelij / do werde freylich nit alle des glaubens
rechte erkantniß gehabt habē. Nemlich des kercker meisters
gesind zū Philippis / die nur ein halbe nacht hatte predig ge-
höret. So ist ob beweret / das Johannis tauff vñnd der Apo-
steln tauff eben einer ist. Nun hat Johannes vil teuffet / die
noch gar wenig erkantniß von Christo gehabt habē / so doch
die Apostel / wölche doch ander leüt teufften / Jo. 4. selb noch
gar ein kindischen glauben hatten. Ja vil hat er vñ die Apo-
stel geteufft / die nie kein glauben gehabt haben / als Simon
der zauberer Act. 8. mit vil andern.

¶ Wir sollen bitten für alle menschen. 1. Timoth. 2. vñ die
weyl gott die person nit ansicht / vñd wir nit als bald wissen
werden / wölche von gott erwölt seind oder verworffen / wer-

den wir vns sollen des bessern zu jederman versehen / vnd so der tauff ein eüsserlich ding ist / in niemant abschlagen / des gotlosen leben vns nit gleich wol bekant ist / dz wir in nit mer künden für ein schäßlin halten. Also sehtenmal wir von kindern nit wissen / wölche der herr verworffen habe / vnd wissen aber das der gläubigen kinder heilig seind. 1. Cor. 7. das ist / dem gesind gottes nun zugezelet. Wer / das vnser herr Jesus sagt / solcher sey das hymelreich / wolte auch das man sye ließ zu jm kumen / herket sye / leget inen die hend auff / vnd segnet sye Mar. 10. Warumb wolten wir inen dan den tauff nit geben / wie bey den altē sye doch beschnittē wurde? Nemlich so vns der tauff eben dz ist / dz en judē ware die beschneidung.

¶ Vnd ob du sagen woltest / der herr hette aber die kindlin nit teüffet. Antwort / du wirst mir auch kein altē zeigen / den er geteüffet hab / dan er teüffet nit für sich selb Jo. 4. Vnd ob du woltest in dem ein behilff sūchē / dz der herr saget (solcher) vnd nit (differ) ist das hymelreich / als ob er gemeint hette / das hymelreich sey derē / die sich als die kinder demütigē / so würt mir noch dennest genūg sein / das er sye geherket / vnd gesegget hat / vñ Mar. 9. gesagt / wer ein kindlin auff neme in seinem namen / der neme in auff / vnd wer eins ergere / dem wer werger er ersauffte im meer / vñ ire engel sehen das angesicht des vatters. Wölches alles anzeigt / das die kindlein so werdt bey gott wol seind / das man sye teüffe / würt schon das wasser an etlichen verloren / es ward am Symone dem zauberer auch verloren / vnd vil andern.

¶ In suma du wendest dich wo hin du wilt / so müstu mir den tauff als ein eüsserlich ding frey lassen / das gott an kein zeit bunden hat / dan wie es die schrift auff kein zeit gepetret also verpetret sye es auch auff keine / so dan nit mag geleucklet werden / es ist den eltern ein trost / das die gemein Christo

ire kinder an nimpt/vnd für sye bittet/vnd dꝛ auch der tauß-
den kindern gegeben / ein vrsach ist den eltern vñ andern/die
kinder so bald sye des fehg sein mögen / Christum zū leren/
als dem sye im tauß ergebē seind / folget dꝛ die kinder teüffen
auch besserlich ist / ich schweig dꝛ man solchs verpiciē wolt.

¶ Vnd ob du schon vil exempel herfür bringest / das man
die teüffet hab / die schon glaubt haben / sag ich man hat auch
teüffet die nit glaubet haben / wie ob bewerdit ist / da zū ist nit
vrsach gewesen von kindern vil zū schreibē / do man hat wöl-
len melden / was frucht der Aposteln predig bracht habe / die
je nit hat künden den vnredenden kindern geschehen. Ja ob
du schon auch lang wartest mit dem tauß / wirstu denest vil
vngläubiger teüffen / vnd da bey wirstu durch solich warten/
das jung volck Christlichs lebens farlessig machen. Ey wer-
den sye sagen ich biñ doch kein Christ / wā ich nun Christen
werd so will ich frum werden.

¶ Als mer laßt vns gott wol getrawen gegen vnsern kin-
dern / im die befehlen / die schrifft meldet so offti / das er der sei-
nen sorg treit von müter leyb / ja sye geporen werden / warum
woltē wir sye dan für vnheilig schehen: Was leit vns an so
vil wassers: sollen wir gott für alle menschen bitten / warum
woltē wir im dan nit auch vnserē kindlin dörfen befehlen /
gegē denen Christus selb sich so fründtlich gehalten hat. Teüf-
fen wir schon etlich böck / die Christus durch sein geist nit wil
teüffen / so ist es vmb also vil wassers zū thūn / vnd gepett. Es
hat doch den Apostelen auch gefelet / das sye nit alweg gläu-
bige teüfft haben.

¶ Es sicht mich aber eben an / als wolt vns der teüffel gern
ob den eüsserlichen dingen trennen / die er in haupt stückē nit
weis vneis zū machen. Darumb liebē brüder / welche befehlch
des worts haben / denckē das der teüffel nit feyre / betrachten

alweg / das die sum des gesakes ist lieb / von reinem herken/
güte in gewissen/vnd vngeserbtem glauben/ vnd lassen eüch
solche eüsserliche ding nit so hart an ligen. Paulus spricht
Christus hab in nit zü teüffen gesandt/sonder zü predigen dz
Euangelion/des wöllen auch warten vnd mer trachten/das
der tauff Christi durch den heiligen geist wol bekandt werde/
dañ das ir eüch vmb den wasser tauff vil wolte zancken/vnd
vertrawē/vñ so wir auß meinung/wie die heyligē vätter ire
kinder beschnitten haben/ sye tauffen / der züuersicht sye sol-
len heilig vnd kinder gottes sein / da durch vns selb vrsach zü
geben/ sye Christum deßer fleissiger zü leren/vnd inen auch
so bald sye zü verstandt kumen / solcher lere deßer ernstlicher
nach zü komen/wolt vns nit so gar verdamē/ die ir doch des
irthumbes vns worlich durch kein schrift beweysen wert/wie
wir mitt solchem teüffen auch weder dem glauben noch der
lieb entgegen handeln/dañ wir mit allem fleiß bezeugen der
wasser tauff mach nit selig / sonder allein der geistlich tauff
Christi/den diser bedeitet/vnd vmb den man bitten sol.

¶ Vnd wolte gott/das ir vns vnd eüch selb in andern stuck
en/doran gar weyt mer / dañ an disem teüffen gelegen/mit
solchem ernst ermanten/nicht für zü nemen / des wir nit ein
wort gottes/oder ein schriftlich exempel haben/solte freylich
mer geduldt/zucht/ vnd lieb bey vns bescheinen. Leset die hy-
storien vnd der alten schrifftien / werdt ir finden/ wie von an-
fang Christlicher gemein / der seindt der einigkeit/alle spal-
tungen / vnnd zertennungen/das merer theyl von vnötigen
wort kriegē/oder eüsserlichen dingen/on die man mag selig
werden/auffbracht hat. Der selbig wacht vnd gehet vmbher
wie ein brüllender leo/last vns auch wacker sein/vñ güt sorg
haben/dz er nienen einfall/lon vns doch fleissig an sehen die
lere Christi vnnd der Apostlen / wie wenig findt ir da / vom
nachmal

nachmal / wie wenig vom eüsserlichen tauff. Wie vil aber vom geistlichen essen / vnd trincken des leibs vnd blüts Christi vñ vom geistlichen tauff / dz ist vom glauben / absterbung der sünd vñnd ein newen geistlichen leben : Also so wir den weltlichen eüsserlichen dingen sollen abgestorben sein / sond vns auch alle ding auff das geistlich / das ist rechten glauben vnd wore lieb richten / vnd alweg im herken haben / der geist macht lebendig / das fleisch ist kein nütz / vnd das auch nimer auß gedechnütz lassen. Das wissen blaset auff / vnd die lieb bessert. So aber jemant sich duncken last / er wisse etwas / der weiß noch nit wie man wissen solle. So aber jemant gott liebet / der selb ist von jm erkandt. 1. Cor. 8.

Wo aber jemant mit dem tauff je wolte harre / vñ möcht solichs bey denen er wonet / on zerstörung der lieb vnd einigkeit erhalten / woltē wir vns darumb mit im nit zweyen / noch in verdamē / ein jeder sey seines sins gewiß / das reich gottes ist wie nit essen vnd trincken / also auch nit der wasser tauff / sonder gerechtigkeit vnd frid / vñ freud im heilgē geist. Wer darinnen Christo dienet spricht Paulus Ro. 14. der ist gott gefellig / vnd den menschen bewert. Darumb beschleuß ich mit dem Apostel an disem ort / last vñs dem noch streben das zum frid dienet / vnd was zur besserung dienet vnder ein ander. Also vil vom Tauff.

Warumb wir die Feyrtag

ab treiben.

Neben dem Sonnentag / hat man mercklich vil tag zur eer gottes / seinen Englen vñ abgestorben heiligen / bey dem hañ vnd Christlicher gehorsam / gebotten zū feyren / das ist / dran müßig zū gon / vnd wo jemant leypplich auß notturfft / etwas an solchen tagen gearbeitet hette / ist solicher hert ge-

straffet worden/so freffen/sauffen/spilen/hören/vñ alles w^z
der teuffel leret / der feyr nichts abrochen hat. Da mit ist der
einfaltig hauß beredt worden/also feyren/von leylicher ar-
beit auff benante tag/sey ein grosser gots dienst/so doch auff
solche vom merern theyl/niemand dan dem teuffel ist dienet
worden/zum teil/durch vil abergläubische werck/als messen
vnuerstendigs geseng/selsame gepetlin / abloß lösen vnd der
gleichen / zum teyl durch allerley üppigkeit vñnd fleischliche
werck/mit denen der rahe hauß/ gott nimmer schwerlicher/
dan auff die feyrtag erzürnet hat.

¶ Paulus schreibt zun Gal. 4. So ir nun gott erkandt ha-
ben/ja vil mer von gott erkant seind / wie wendet ir eüch dan
ymb/wider zu den schwachē dürfftigē saktionen/ welchen ir
von newem an dienen wolt: Ir haltet tag vnd monden vnd
fest vnd jartag / Ich fürcht ewer / das ich nit silicht ymb sust
hab an eüch gearbeitet. Secht der Apostel/achtet tag halten
als vil/als sich von gott ab wenden/vnd ein abfall vom glau-
ben/darumb er besorget/er habe an jnen vergebens gearbeitet
das ist / sein predig bey jnen beschehen sey ymb sust. Wie vil
taufet seind nun/die die feyrtag als ein nötigen vñ verdienst-
lichen gots dienst halten / das ein gewisser abfall vom glau-
ben ist: Dan vns Christus gefreyet hat / von allen solichen
eüsserlichen saktionē/alle zeyt/stedt/spenß/vñ was des dings
ist/alles frey gemacht auß lieb/vnd zu besserung des nechstē/
in vnd mit solchen zu dienen/wie das Paulus gar nah in al-
len seinen Epistlen bewert.

¶ Darumb wie Paulus von solichem aberglaubē der tag
durch den ein tag vor dem andern zu halten vermeint würt/
mit grossen ernst abzeücht / als wir an jek angezogenem ort
sehen/vnd auch Col. 2. gepürt vns solichs nit mit wenigerm
zu treiben. Dan man zu vnsern zeyten vil ergerlicher an tas

gen hanget. Jene meinte die weyl gott durch Mosen / etlich tag zu feyren gepotten hat / es were billich dz man sye hielte / vnd irten allein doran / dz sye nit erkandten / das sye Christus von solchen saktionen erlöset hat / vnd das er ir heyl würcket / nit sye durch solich eüsserlich cerimonien / dan sye Christlich er freyheit / noch nit genzlich berichtet waren. Die vnsern aber seind gefallen auff tag / die nur die menschen gepotten haben / vñ iren vil von heydischen prauch gezogen / wider die hellen gepot gottes / mitt denen meinen sye / sye thün gott ein grossen dienst / so sye doch nur etlich kirchen gepreng treiben / vñ darnach vil mer dan auff andere tag / in alle bösen fleischlichen wercken sich besudlen / vñnd nit allein wöllen sye gott mit solchem dienē / sonder vil mer der mütter Christi / vñ den heylgen / do sich aber vil vnzelichs irthumbs mit ein menget. Vnd ob dem irthumb haltē sye harter / dan ob so vil götliche nötigen gepotten / vnangesehen / das vns Christus vñnd die Aposteln vor solchen menschen leren vnd gepoten / so fleissig gewarnet haben / vnd wir auch sehen vñnd greiffen / das die feyrtag vsach vñ raum geben zu allem bösen. Wie solt dan nun ein Christ der vndergang der sünden / vñ auffgang der gerechtigkeit / auch mit verlust seins lebens / zu fürdern alzeit sol geneigt vñ bereit sein / nit ab den feyrtagen ein abschwe haben / vñ sye ab zu treibe allen müglichen fleiß fürwendenz

¶ Vnd ob jeman sagen wolt / man tribe die aberglauben ab / das die Christen ein tag halten als den andern / nit vermeinen mitt feyren vmb gott etwas zu verdienen / noch die heiligen vñchristlicher weyl zu eeren / das sye anch alle üppi-
keit vnd fleischliche werck / auff solche tag abstellen / vñ hören da für dz wort gottes / mit übung der werck brüderlicher lieb. Antwort / wo wir schon alles durch das einig wort / on exempel in solichem möchten zu wege bringen / dz also der feyrtag

mißbräuch abkemen (dß doch so man schon mit exempel den
worten zeügnuß gibe / vnnnd mit Christo den sabbath etwan
brechet/nit möglich sein mag/nach dem deren die sich durchs
wort führen lassen der weniger teyl ist) was solt doch für ein
vsach sein / also die tag andern vnd vnnütze feyr anrichten/
on einig wort gottes: Wiltu die leüt für werffen/denen man
do mit ein gefallen mag bewysen/so wisse das man den leü
ten muß allein zum güten gefallen No. 15. das es inen möge
besserung bringen. Wer sust den leüten gefallen wolte/der
möchte kein knecht Christi sein/als Paulus schreibt/ eben do
er von haltung solcher eüsserlichen cerimonien redet / die vil
leüt/inen selb zü schaden offit wöllen gehalten haben.

¶ Darumb so man an ein ort das Euangelion erst anfas
het zü predigen/ vnd so lang bis solichs ein zeit verkünt würe
die feyrtag duldet/da mit sye durch deren vnzeitigs abthün/
nit vom wort ehe abgesterckt wurden/ daß sye es recht gehört
hätten/das wer den leüten recht gedienet/vnd inen zü gütem
ein gefallen bewysen/ von dem oben vil gesagt ist. Wo man
aber das Euangelion lang vnd vil gehört hat/vnd wol mag
verstoh/das ein tag zü halten sey wie der ander/wer do selbet
feyrtag tulden wolte vmb der leüt willen / der wolte inen zü
argem gefallen/daß er sye im aberglauben der zeyt / oder zü
grosser achtung vñ feind gotes/ derē man daß etwa genießten
mag/vnd also sye me schewet/daß gott den herzn/stercket.

¶ Daß wie möchte einer der nit sonder narung hat/ vnnnd
aber sein weyb vnd kind gern erneren wolt/so vil feyrtag hal
ten/so er gewiß were / das solichs gott noch allen gottseligen
kein gefallen ist / vnd nit etlich böße leüt den Christlich frey
heit verdrißlich ist / vmbß nuß willen/ dran scheweter: Wöl
che nun diser zweie vsach ist/so sol es je nichts/vñ feind solche
schwache auch mit exemplē Christlicher freyheit zü stercken.

¶ Andere seind/die solchen bösen tuck des vngläubigē herrens/da mit wollen schmucken/das sye sagen/ Es seind doch alle eüsserliche ding frey/ warumb möchte ich dan nit feyren oder arbeiten meins gefallens: so doch worlich sye entweder aberglaub/oder vnchristliche schewe böser leüt/an den feyrtagen haltet. Dife soltē bedencken/dz Paulus sagt/ Ich habszwor alles macht/aber es ist nit alles nütlich/ Ich hab es alles macht/ aber es bessert nit alles. Niemand sucht was sein ist/sonder ein jecklicher was eins anders ist. 1. Corin. 10. Also bistu deinthalb ja frey zu feyren/ oder nit / so du dir selb aber nit leben solt/ sonder deinen nechsten / vnd nichts fürnemen/dz den andern nit besserlich ist/ wie wiltu dan die feyrtag halten/die wider das wort gottes auff komen seind / vnd also nit mügen besserlich sein. Dan was güt vnd besserlich sein mag hat die schrifft alles clärlich vnd über reynlich.

¶ Aber was darff es wort/man greiffet doch das die feyrtag vnder allen menschen sakungē/ mit dem schedlichsten gewesen seind/dan sye nit allein für sich selb an glaub vñ lieb schaden thün/das vil dorechter leüt meinen sye wollen mit irem müßsigen gott vnd seinen heilige vil ab verdienen / vñ so sye offit iren nechsten auff solche tag möchten/vnd solten/wie der her: mit worten vñnd wercken gelert hat/ güts thün/dan der sabbath ist/den doch gott gepotten hat/vmb mensche willē/auff den man sol dem nechste güts thün/ich schweig auff vnser feyrtag/die gott nit gepottē/vñ deren halb vns niemant zu richtē hat Col. 2. so dörfen sye es/irer meinung/bey einer todt sünd nit thün / sonder auch allen andern irthumb aberglauben/gots lesterung / sampt allerley fleischlichen sünden vnd lastern haben sye gefordert vñnd-gestrecket. Wan haben die falschen propheten/ die leüt mer verfürt dan auff die feyrtag: Wan haben die Weßling mer ab iren gotlesterlichen

Wie schedlich die feyr gewesen.

Wessen gelöset/ vnd sye kostlicher auffgemukt/ dan auff die
feyrtag: Wan hat ablaß/heülen/vñ plerren in den tempeln/
mer goltten/dan auff die feyrtag: Wan hat man der heiligen
anbetten/sampt allem aberglauben/ mer getriben dan auff
die feyrtag: Vnnd das ich auff die eüsserlichen laster küm/
wan ist mer hoffart/pracht/fressen/sanffen/vnkeüschheit/seel
mordt/dan auff die feyrtag: Es leyt am tag/vñ mag nit ge-
leücket werden / das auff die feyrtag / alles güts zerstört
vnnd alles böses gepflantzet ist/ bey wölchen bösen gofftigen
früchten/menigklich wol sehen mag/dz dise pflankung vom
vatter nit ist/sonder vom feindt alles gütes dem teüffel.

¶ So dan vns got gesehet hat/solche auß zu reüten/haben
wir allen fleyß für gewendt / vnd noch/das die Christen ein
tag haltē als den andern/aber alle tag gott feyren/das ist/in
lassen würcken vnd machen/vnd sye sich gelassen in sein wil-
len geben. Vnd ob etlich schon lang sagen mit dem wort solt
man die mißbreüch abtreiben vnd die feyrtag bleiben lassen/
so gibts doch die erfahrung / auch so fordert es die schrift das
man mit exempl der lere zeügnis gebe. Paulus sagt je/eben
do er von feyrtagen redet/seyt wie ich/dan ich biñ wie ir/das
ist/ich biñ mit eüch/die on gesatz seind / als on gesatz worden/
seyt doch nun auch ir wie ich / frey Christen/die ire sache auff
den einigen Christum setzen / vnd auff kein eüsserliche ding.
Darumb so wir predigen sollen dz ein tag sey wie der ander/
warumb wolten wir selb es dan anders halten: Wir sollen
lernen/dz man allē tag die gepurt/beschneydung/todt / leiden
auffersteung auch bedencken/vñ gott darumb danckē sollen/
vnd wir wolten da zu sondere tag erlesen: da mit wir doch je
ursach zu gleichnerey vilen geben / die auch nit die bösten sein
wolte/vñ wurd ir hers gestalt sein wie biß her/ da durch gott
nir erzüret vnd geschmehet wurde/ vnd auch achtung vnd

vnderscheidt der tag angericht/vnd vnderhalten.

¶ Da zu so wir sein überal kein wort gottes haben / wie möchte es wol geraten: Eüg ist der von frembden schaden weyß würt/vñ wir wöllen durch eigen schadē nit weyß werden. Wir mögen nit leicken/wie übel es den alten geratē ist/ die etlich wenig feyrtag/vmb deren willen/ so der welt zu vil an hangen/das sye doch auch etwan zu hören das wort gotes verursacht wurden/eingeseket haben. Vnd wir erfahren täg lich/wie erschrocklichen abruß der teüffel aller frumbheit vñ erbarkeit züricht auff die feyrtag/vnd noch gefallen wir vns selb als wol/vñnd dörfen für geben/etlich feyrtag halten zu güt dem gesind/oder weiß nit wem möge nuß bringen.

¶ Ob aber jeman wolte sagen/ so thue man die Sonētag auch abe. Antwort. Das folget nit/in zehen gebottē haben wir den sibenden tag gepotten zu feyren / auff das die dienst vnd gesind/auch ire rüg haben/ wie dz im andern büch Mo se ca.xr.vñ im.v.ca.v. gelesen würt/ nun solche rüg ab strick en/mag die lieb nit gelenden/ des halb soll man sechs tag arbeitē/wie des herren gepot auß truckt/ vnd den sibenden rü gen. Die weyl daß ein Christ alweg ordnung/ so wider gott nit seind/lieber haltet / daß dz er ordnung mache/wie er daß allweg mer zu dienen bereyt ist/daß das man jm diene/so ist kein vsach/warumb der sonnentag/ den die gemein Christ enheit so vil jar / für den sibenden tag gefeyrt hat / zu feyren solt abgestellt werden. Sol man auß sibentagē einen feyre/ wie das die lieb erfordert / so ist der sonnentag als güt als ein anderer / vnd so man leylich dran rüget/ ist je geschicktes das man drauff auch Christlich gemein halte/übe das wort gotes gepett/vñ des herren nachmal. Da zu hat man auff den Sonnetag kein besonder fest/ vnd abergläubige gots dienst/ als auff die andern feirtag gehalten. Nach dem aber die feyr

Warumb d
sonntag soll
gefeirt wer
den.

des Sonnetags auch grewlich miß braucht worden ist / muß man solichs durchs wort gottes bey den eruelten / vnd durch Christlicher oberkeit gute ordnung / bey dem übrige hauffen abtreiben / dz dan auch auff den einigen Sonnetag zu thun / leichter sein würt / dan auff so vil feyrtag.

¶ Also findt sich / das die brüderlich lieb / die feyr des sonnetags erfordert / der andern feyrtag aber gar nit / sonder die weyl sye dem nechsten so schedlich seind / als anzeigt ist / mag sy sye ganz nit dulden / darumb haben wir vrsach dise ab zu stellen / die feyr aber des sonnetags zu halten / vnd was miß breüch sich da eingerissen haben mit allem fleiß ab zu stellen. Doch das die lieb / welche dan die sonnetags feyr erfordert / meyster sye / die selbige auch zu lencken vñ halten / wie es dem nechsten mag nützlich sein / das alweg bewysen werd das der sabbath vmb menschen willen ist / vñ nit der mensch vmb sabbaths willen / 8 dan mit Christo ein herr des sabbaths ist / vnd solle / so er jemant nützen mag / sich Christlicher freyheit wüßsen zu brauchen / nit wie die juden / vnd ire nachkomlich die papisten / meinen / so sich etwan zu triege / auff den Sonnetag dem nechsten etwas nütlichs zu thun / man breche da durch die feyre.

¶ Wo aber nun jemant sagte / im gesah seind mer feyrtag gewesen / als zun ostern / der erst vnd lezt / von siblen tagen / in denē man vngeseürt brot essen müste / der tag der erstlingen / der erst vnd zehend tag des sibendē monats / vñ siblen ganker tag des fests der lauber hütten / in wölchen sye haben sollen rügen vñ götlich gūthaten mit dancksagung bedencken / vermöchte dan nit auch die frey lieb zu gott vñ zum nechsten / dz man neben dem Sonnetag / doch die feyr der weinachten / beschneidung des her:n / drey könig tag / auffarts tag hielte:

¶ Antwort / götlich gūthaten / so man vermeint auff solche tag zu

Wölcher
massen auff
den sonntag
zu feyren.

tag zu bedencken / sollen die Christen täglich bedencken / vnd
nit on alle schrift / solchē gedechtnussen eigen zeit sehen / sust
würdt der einfaltig hauff gleich wiß zu den schatten / bildern /
vnd dürfftigen saktionen clüsserlicher ding gefüret / vnnnd ge-
wenet auff ein tag mer dan auff den andern zu haltē. Wölchs
die lieb nit tulden mag / wölche nichts anrichtet / es müge dan
besserung bringē / nun mag aber nichts besserung bringen / dz
on ein wort gottes würdt fürgenomen. So meldet das gesatz /
nit dz gemelte feyrtag durch Rosen / neben dem sibendē tag
zu rüg dem viñ / dienstē vnd gesind seyen auffgesetzt / dz die
lieb darumb bey vns Christen gleich feyrtag sehen müsse.

¶ Doch so man täglich predigt / die herren sollē irem gesind
gleichs thun / vñ dencken das sye auch ein herren haben / würdt
es nit selten die dienst werdē wol als vil zu feyren haben / als
die vnder dem gesatz. Vil hantwerck haben alle wochen / ein
halben lauber tag / so dan das gesind gemeinlich bey vns
frey ist / mag es seiner herschafft wol als vil feyrtag an dingē
en als es wil / dz die lieb wollich kein feyrtag weiters erheischt
vñ eben gemelte jartag / als mans nennet / weinachtē / newen
jars tag / vnd der gleichen / nit dulden mag / dan durch solche
feyr / der irthumb nach als erhaltē wurde / als ob ein tag mer
giltē dan der ander / da zu ist deren fest keins / es hat sonder
aberglauben vnd üppigkeit anhangen.

¶ Als zu weinachten leütet man die schrecke / do muß was
ser wein sein / frisset vñ sauffet / nach d drey gemekete metten /
vnd treibet die feyrtag auß allen pracht vñ üppigkeit. Auff die
beschneidung gibt man auff heydnisch weyß / dz güt jar / mit
vilen aberglaubē / auff der drey könig tag macht man könig /
vnnnd halt saturnalia / auff den auffart tag zerlegt man die
hammen. Vnd wer wolt die aberglauben / vnnnd heydnische
mißbreuch / deren ein jedes ort seine eigene hat alle erzelen.

Darumb erfordert die lieb vrsach zu solchem ab zu stellen.

A Sprichstu daß man treib durchs wort die mißbrüch ab:
Antwort/ sye nemens wort nit alle an/sonß ist dem größern
hauffen von nöte/ sol man bey inen die mißbrüch gemelter
tag abstellen/ das man für wor die tag gar abstelle. Da zu
seind vnd: r denen die es an nemen vil schwacher/ die auch er
empel bedörffen/ damit man sye vom aberglaube solcher tag
abreisse. So daß die gotseligen/ keiner geseht tag bedörffen/
göttlich güt hat zu bedencken/ vnd wir nit leucknen mögen/ dz
solche tag dem grossen hauffen/ der durch sagung vñ ordnüg
muß geregert werden/ schedlich seind/ der sich daß der frey-
heit von leiplicher arbeit/ nur zu üppigem müßig gang weiß
zu gebrauchen. Warumb wolten wir daß solche feyrtag nit
ein mitt dem andern abthün/ die on wort geseht/ vñnd dem
wort vil hindernuß vnd aller erbarkeit grossen abbruch bracht
haben. Wölchs auch durchs wort/ das daß der kleiner hauff
an nimpt/ nit mag geweret werde: Wir predigē alle tag hie
zwiret/ oft dreiset/ wolt gott der ernst wer so groß/ das wir
mer zu predigē vrsach hette/ die arbeit solt vns nit beschwere.
Da zu ermanet man die herschafft/ das sye ir gesünd fründe-
lich halten/ vnd zu götlichem fürdern/ das auch durchs wort
bas mag erlangt werden/ daß das sich das gesind/ der jung
vnd groß hauff/ der feyrtag wol gebrauchte.

Die weyl daß glat kein vrsach ist/ darumb ein fest bleibe
solt/ vnd das ander ab gon/ auch nit mag geleucknet werden/
sye haben alle geschadet/ vnd die grösten am meisten/ so wer
den wir vns mitt dem einigen Sonnentag zu feyren/ lassen
benügen/ wölchen daß die brüderlich lieb allein erfordert/ vñ
gott geb vns gnad/ das wir auff solche die mißbrüch mögen
durchs wort abtreiben/ auff wölche doch die wenigsten gere-
gert haben. Vnd also das wir alle andere feirtag zu mal ab

stellen/haben wir kein zweifel wir thuen/ das vnser ampt er
fordert/gott gefellig/vnd der gemein gottes hoch nühlich vñ
besserlich sein würt. Des predigens/wölschs etlich zum zank
für werffen/vnd sein doch suß nit hoch achten/sol kein man
gel darumb bescheynen. Vnd wölschen kein zankgriseit/
oder abergläubische achtung der tag verieret / würt es also
auch erkennen vñ auff nemen. Es sehe ein jeder auff sich/es
ist vnser herr darumb nit gerecht / ob es vns schon ganz ge
recht beduncket/seine tück seind allein gott alle bekant.

Vrsach darumb die bilder

sollen abgestellt werden.



Der die göken vñ bilder haben wir auch prediget/
vnder den selbigen/ ist durch ein Ersamen Rath/
ein musterung beschehen/vñ seind in den fürnem
sten tempeln/alle bild/ so in sondern eren gehalten gewesen/
abthon/die gemein Christi/der ich dienet/ hat alle göken vñ
bilder auß irem tempel/zū mal hin thon / dan sye des einhel
lig gewesen/vnd von keinem stift oder andern widerwert
gen gewalt/des haben wie etlich andere pfarren/ hindernuß
gehebt. Das nun doran Christlich vñ wol gehandelt sey/vñ
noch Christlicher were / die göken vnd bilder weren alle also
mit fūg vnd stille auß allen tempeln/ haben die fürstehet der
gemein gottes zū Zürich durch helle schrift über reyhlich an
zeigt/darumb nit vrsach da von vil hie an zū ziehen.

Das erst gepott gottes / vnder den zehen / ist hell genūg/
do er gepeüt/Ich biñ der herr dein gott/ der dich auß Egypte
land/ auß dem dienst hauß geführt habe. Du solt kein andere
götter neben mir haben. Du solt dir kein bildtūß / noch jer
gent ein gleichnūß machen / weder des das oben im hymel/
noch des/das vnden auff erden / oder des dz im wasser vnder

Die göken
seind im er
sten d' zehē
gepot vcr=
potten.

der erden ist. Set sye nicht an/ vnd diene in nicht. Auß disen
worten/welche der grundt seind alles/ das suß im gefaß vnd
propheten hin vñ her wider die gökē vñ bilder gelesen würt/
mag ein jeder der die worheit sücht/wol verston/dz gott auch
göken vnd bilder zū machen verbotten hat/ doch dz darumb/
das in niemant eer erbiete / etwas auff sye halte vñ in diene/
do mit dan der einig wore gott veracht vñ übergeben würt.

Warumb
göken ma-
chen ver-
botten.

¶ Dan suß ist der gök in jm selb nichts / dan ein bloß werck
menschlicher hend / wie andere ding auch/ so durch geschick-
lichen die gott gibt/gemacht werden. Darumb sye/wo rech-
ter glaub ist/auch mögen gehabt werden/ wie dan Salomo
lewen göken/auff die staffeln seins könig stüls/ rinder göken
auff denen das gegossen meer stund / vnd anderer ding mer/
rosen vnd der gleichen machen ließ.

¶ Darumb an allen orten da göken vñnd bilder verpotten
werden/ findt sichs dz sye darumb verbottē werden / dz man
in kein eer thue / nit wölle gott an inen dienen/ da durch dan
gleich das herz/von worem glaubē / auff dz eüsserlich fallt.
Das ist der grewel vor gott / darumb also allenthalb in der
schrifft/wider die göken vnd bilder gepotten vñ trawet würt.
¶ Nun mag niemant leücken vnser kirchen göken vnd bilder
werden als gott gefellig ding gemacht/sye werden anbetet/
das ist/man neigt sich vor in / entdeckt das haubt/ salt für in
auff die kniee/das dan das hebreisch wörtlin/ wölchs hie an
betet verdolmetseth ist/heisset man verheißt fert zū in/man
opffert in/man zierdt vnd schmucket sye/bawet in heuser/ge-
rems vnd festig / vñnd was darff es wort/was je abgötischen
bildern geschehen ist/das geschicht auch disen. Darumb sye
vilen nit mer nichteige göken seind/sonder grewliche abgöter
an den sich das arm volck verderbt/ vñ an glauben vnd lieb-
ein grewlichen anstos nemet.

Vnser kir-
chen göken
seind abgöt-
ter.

¶ Des halb alle Christen kein möglichen fleiß sparen sol-
 len/das sye abthon werden/sürnemlich durchs wort auß den
 herren/ vnd darnach auch theilich auß den augen / vmb der
 schwachen vnd einfeltigen willen / wölche man sag vnd pre-
 dig wie hefftig man wöll/ noch imer ein abergläubische ach-
 tung auff die göhen haben. Wir haben hie mit allem fleiß/
 nun lang prediget/das man gott im geist/ vnd nit an göhen/
 dienen sol/ nit an die stumenden menschen bilder / sonder an
 die lebendige gotes bilder/vnsern nechsten/ kost wenden/vnd
 guthaten bewysen/nach als auß befehlh eins Ersamē raths/
 nur die ergerlichste göhen/denen die thorechten leüt am mei-
 sten kerzen gebrennet/vnd dienet haben/ außgemustert wur-
 den. Waren nit wenig / deren die auch meinen sye haben dz
 wort gleich wol gefasset/die ab solchem bild abthün ein her-
 lich beschwerd hatten / die doch nun durch solche that / sampt
 dem wort / den göhen vnd bildern gar abgefallen seind. Als
 tieff hat diser aberglaub/ vñ achtung der bilder ingewurckelt
 vñ wil bey vilen/zü dem wort/ auch thätlich exempel haben.

¶ Wölche doch/wo nit do der gemein güt verwilligung ist
 der oberkeit/als ein abthün/eüsserlicher ergerniß/zü stat/vñ
 keinem besondern menschen/wie wir auch von keine prophe-
 ten noch Apostlen lesen:/wie vil sye wider den göhen dienst/
 gepredigt vnd geschriawen haben / das ir einer je thätlich ein
 göhen hette abthon. Zun zeiten Esaie/Hieremie vnnd aller
 propheten warē zü Hierusalem vil göhen / wider die sye wol
 hefftig predigten / aber theten mit eigener handt noch nie kei-
 nen hin weg.

¶ Dañ wer nit über ander leüt geseht ist/der soll nur mit
 worten leren/vnnd die mit seinem eigen exempel bestetigen/
 weiters mag nit gepüren / deñ allein denen / die den andern
 seind fürgehet. Darumb wie Johannes Herodi wol frey

Ersarnuß
 zü Straßb.
 dz göhe tat
 lich abthün
 vñ notē ist.

prediget/das er nit solte die Herodiadem/ seines brüder Wht
lips weib haben/ für aber doch nit zū/ mit seinem anhang vñ
nam sye im/vñ versteinigt sye/ wie das gefas die Ebrecher
zū straffen gepeüet. Warumb? Er hat kein befelch / trüg dz
schwerdt nit. Also / sichstu einen für ein bild knemen/ vñ im
eer erbieten / dem gefas nach solte er sterben/ als wenig aber
du das selbig zū thun vnderstost/ die weil du das schwerdt nit
treist/ nit gesetzt bist zur oberkeit / als wenig gepürt dir auch
im sein gößen stürzen oder nemen.

¶ Vñd ob du mir Mosen fürwerffen woltest / der on son-
dern befelch die Egypcier / der dem hebreischen gewalt thette/
erschlug / oder Pinchas den sün Eleasar / der den Simri / ein
hauptman der Symeoniter / alser hūret / mit der hūre durch
stach / oder auch Heliam / der die opfferer Baal erwürgt /
sag ich / sehe die schrifft an / von in alle dreien / so hat ir keiner
solchs on besondern befelch gethan. Mosen war schon von
gott zum richter vñd recher der Israeliten gesetzt / wie das
Stephanus bezeüget Act. 7. Des gleichen ee Pinchas sein
that volbracht / hat gott gepotten dz jederman sein hauptleite
vmb der hūren willen erwürgē solt / im. 4. büch Mosi ca. 25.
Des gleiche hate Helias des ganzē volcks bewilligung / die
auch des baals opfferer selbs griffen im. j. büch 8 könig ca. 18.

¶ Aber warlich die oberkeit wo die wöllen Christen sein/
wie denen gepürt / mit dem frūmen Josia erstlich das gefas
gottes dem volck lassen künde werden/ vñ den gödlichen bund
mit in auff richtē / also stot in auch folgendes zū / thätlich alle
solche gewel der gößen vñd bilder abzūthūn / ob gleich noch
vil in der gemein feind / den solichs mißfallet. Sye sollen je
amptleüt gottes sein / vñd also regieren/ das sich zū gott das
volck samle / vñ er der recht oberherr sey / wie David regieret
Psal. 7. so dann nun 'man nit verneinen mag / die gößen

schaden an glaub vñ lieb/dem glauben/dz man bey ein bild
mer dan bey dem andern verhoffet gnad vñ hilff zu erlügen/
auch meinet es sey gott ein angenehmen ding/die götze machen/
schmucken vñnd eren/der lieb/das so vil kost an sye gewendt
würt/der an die armen solt gelegt werden/auch das die götze
zu lockfögeln braucht werden/da mit dem vnnutzen beschorē
hauffen/desto mer geben würt/ich schweig vil grosser aber/
glauben/zauberey vñd falsche wunder werck so hin vñd her/
nemlich do hin man fert thut/für gon/die nit zu zelen seind/
folget worlich das Christlich oberkeit solche ergernüß vñ hin
dernüß am reich gottes / solle abstellen / dan sye je den bösen
wercken zu förchten ist.

¶ Vñd ob das schon nit jederman gefiele/sollen sye denckē
das anders was sye Christlich vñnd erbars sehen / auch dem
grössern hauffen / der nichts sol / nit gefallen. Die oberkeit ist
ein dienerin des gesases/von welchem die vngerechten vñge
horsamē vnheiligen zc. nit gefreyet seind/allein dem gerechtē
ten ist kein gesas geben. 1. Timoth. Wo auch Christlich ge
meinden seind/selten sye vñ abthun der göken / vñ was suß
heilsamer lere entgegē ist/die weil je der schwachen vil seind/
denen worlich thätlich exempel zum wort wöllen von nöten
sein/an ire oberkeit/ flehlich sinnen vñ bitten. Dan ob schon
jederman wüßte das der gök nichts ist/ vñd sich niemant dran
stieße/das doch leider nit ist / vñd täglich bescheynet / noch so
wir nur ein gott habē/der vnsehbar ist / vñ nie kein mensch
gesehen hat/auch nur ein Christum der wol ein mensch/hat
aber sein mēschlich vñ leylich gegewertikeit/ als vns vnüß/
auß den augen thon / so sollen wir gott im geist vñd der wor
heit dienen/allen kosten vñd gūthat auff die armen wenden/
wie der herr sagt / verkauff alles das du hast vñd gibs den ar
men/ wie solte vns doch nit ein greuel sein / so vil göken vñd

Die bilder
seind dem
glauben vñ
lieb hinder
lich.

bilder/die wider das wort gottes/auß vilen abgöttischen fab-
len herkomen in vnsern kirchen / do man das einig wort got-
tes leren/vnd halten sol/dulden.

¶ Es ist wor/auß dem herken müssen die göken erstlich zer-
rissen werden / vnnnd das durch das wort/als dan schaden sye
nichts/aber freylich wem sye auß dem herken seind/der würt
sye auch vngern vmb sich sehen/die weyl er weiß dz inen göt-
lich eer bewisen ist / vnd noch von vilen bewisen würt. Vnd
wan sye so wenig schiedē/ warumb hat sye dan gott der je der
wenigst/ vnd nichts vergebens gebotten oder verbotten hat/so
grewlich allenthalt in der schrift verboten: Sagstu / wir
seind des gesas frey. Antwort/ ja dz klein heüfflin/der erwöl-
ten/der ander der groß hauff / muß heütigs tags/ als wol als
zun zeiten Mose/ durchs gesas vñ schwerdt regiert werden/
darzū was gebot seind / die glaub vnd lieb belangen / als die
zehen gepot/in deren ersten/die geken verpotten seind/sollen
von menigklich allwegen geübt vnd gehalten werden.

¶ Vnd was wolte die bilder anders bringen/ dan sye je vñ
je bracht haben/groß ergernuß vñ schaden/wie alle ding wi-
der das wort gotes fürgenomen: Darumb wer Christen ist/
vnd weiß das er alle ding zū besserung richten sol/vnnnd was
ergerlich ab thūn/würt erkennen / das hoch nützlich vñ heyl-
sam were/die göken vñ bilder weren allenthalt ab / gott geb
das es gescheh. Mit dem wort gottes sol man den leyen/nit
mit stumenden blöchern/steinen vñ gemelden leren/ wie bey
den alten/dan das göken werck/ auch nit lang gestanden ist.
Es ist ein fleischliche fliegēde andacht/ die nit dan durch an-
sehen der bilder erweckst / bistu Christen so hör dz wort/würt
dich zū allem gūten zū bewegē/ übrig gnüg sein.

¶ Wer muß ich noch eins verantworten/ in der pfar: kirch
en der ich im wort diene / zū sant Auelien nennet man sye/
haben

haben wir noch ein abgot gehebt/ein sarch vnd grab/ in dem
 sant Aurelia/ ein junckfraw von den elff tausent megdtē ge-
 nant/die am seber sol/als d̄ selbig hauff/by Straßburg für
 gefaren/gestorben/vñ in gemeldtes grab / begrabē sein/von
 deren heiligkeit/man zwen mirackel lifet/ das ein/das zū ei-
 ner zeit/etlich kriegsleüt haben in irem grab wöllen güt sūch-
 en/vnd seien darumb durch sant Aurelia vnfininig gemacht
 das sye jnen selb finger vnnd hend abgeessen haben vnd seind
 also gestorben / Das ander/ habē etlich auff iren tag leimen
 gegraben/vñ darumb d̄ sye iren tag nit gefeyrt haben/habe
 iren vil die rachgyrig junckfraw/ versellet. Elff hundert jar
 sol sye in dem grab gelegen sein / in hundert jaren hat man
 aber ir grab erst/als man des gewin gehofft hat/erhöhet/die
 fart vñ das zū lauffen/ist noch newlicher erstanden. Zū dem
 grab nun hat man vil fert gethan/ gemeinlich für das seber
 die leüt haben den grundt da von gessen / ein göklin ist auff
 dem altar gestanden / das hat man geschmucket vnd zieret/
 hembder zū locksögeln vmb̄s grab gehencket.

S. Aurelien
 grab abthō
 zū Straßb.

S. Aurelien
 mirackel.

¶ Wölches alles wider glaub vnd lieb ist/vnd darumb hat
 noch genugsamer berichtūg götlich̄s worts der pfarr gemein
 das selbig grab hin weg thon/die bein die man gefunden/ser
 groß vnd vngleich / das sye nit haben künden von eim cörper
 da sein/nemlich einer junckfrawen / den leütē auß den au-
 gen gethon. Gott sol man mit glaube an allē ortē anruffen/
 vnd nit die abgestorbenen heiligen/dañ man hat des kein wort
 gottes/ so ist auch niemant barmherziger vnd geneigter vns
 zū helffen/dañ vnser gott vñ vater/ nun durch auffmukung
 dijes grab̄s/ hat manig mensch von ferren sein hilff vnd gott
 bey dem grab gesūcht/vnd seine goben/ die es den armen hat
 sollen geben/dem hülken göken/vnd beinen zū getragen.

¶ Erslich hat man die hembder vnd andere locksögel hin

weg thon/darnach auch dz göcklin/ man hat die krufft/darint
das grab gestanden/nit me auff gethan/die leüt von sölicher
ergerniß ab zü wenden / es hat alles nit wöllen helfen / sye
haben ire hembder vñ gauckelwerck / durchs gerembs ee hin
nein gestossen/die sye dem nackenden Christo/in so vil armē
kindern vnd andern/nit haben ginnen wöllen/do hat die ge
mein Christi / auff das man kein frembden gott bey jnen sü
chet/das grab gar hin weg thon / vnd die krufft verschlagen/
wie jnē / als Christen auch nit zü leiden gewesen ist ein solch
fabelwerck/das so ergerlich worden ist.

¶ Es darff niemant da für werffen/dz auch bey den alten/
der heiligen bein groß gehalten sein/oder dz groß wunder bey
iren grebern geschehen. Die alten haben auch können irren/
wie dan gleich zun zeytten der Aposteln / vilfeltige irthumb
eingerissen seind/laut der Apostolischen schrifftn/ so haben
die eltern/der marterer greber allein darumb in achtung ge
haltē/dz da durch zü gleicher manlicher bekantniß des glau
bens/andere ermanet wurden/vnnd nit das man do sondere
hilff süchē solte. Do hat sich aber der teuffel als bald mit eins
gemenget/mit den falsche wunder zeichen/von denen Mat.
24. gelesen würt/das vil thorechter leüt/ir hilff vnd trost/bey
den todten grebern gesücht haben/die von dem einige woren
gott her komen müß / haben dan vil an solche ort gegeben/dz
man on würt / wie man weiß / hüren vnd büben bringen die
best beüt dar von / außgenommen / was an stein eyssen vñ holz
gelyet vnd gehenckt würt/oder in öl vnd wachs verbrent.

¶ Darumb freylich wer Christum liebet / würt helfen vñ
rathen/das solche abgötternen/aberglauben vnd verterbliche
mißbreüch/wider das wort gots auff komen/vnd geübet / ab
komen. Die woren wunder zeichen geschehen zü bestetigung
des gots wort / vnd auffrichtung der einigen eer gottes / wie

Wo her die
zeichen/ so
mā für gibt
bey der hei
ligē greber
geschehen.

das Mar. vl. vnd auß vil andern orton der schriftt kundelich/
vnd nit zů bestetigen solchen abgöttischen aberglauben/mer
gnad vnd gottes hilff an eim ort / dan am andern zů sůchen/
vñ eins kerblin volle bein willen/bein seind bein vñ nit gott.

Warumb geseng vnd gepet

in der kirchen geendert.

¶ Man hat vil geordnet geseng vnd gepet / in den Messen
vnd sibē zeiten / vñ vñs gelis willen biß her getriben / vñ trei-
bents noch die Christum noch nit kennen / Wölschs in vilen
orten/wider die schriftt/ vñ auß fabeln her zogen/als collectē
vnd gepet/von sant Barbaren/ Katherinen/ Christofferen/
Margareten/ Görgen / vnd vilen andern mer/da zů singen
vnd lesen sye solichs zů latein / das der gemein man gar nit/
vnd sye offt selb auch wenig verstō. Mer haben sye solichs
auch an zert/stedt/vñ zal gebunden/wider die art des gepets
vnd götlichs lobs/das da frey willig sein sol.

¶ Nun die weyl wir wissen/das götliche ding der geist got-
tes allein wissen mag. 1. Cor. 2. auch das die schriftt gottes als
les gůtes hat. 2. Timoth. 3. so gebrauchen wir vñs in der ge-
mein gotes/keins gesangs noch gepets/ das nit auß götlicher
schriftt gezogen sey/vñnd die weyl was in der gemein gottes
gehandelt wűret/jederman in gemein besserlich sein soll/bet-
ten noch singen wir nichts/dan in gemeiner teűtscher sprach/
das der ley gemeincklich möge amen sprechen / wie das der
geist gottes lernet. 1. Corinth. 14.

¶ Der latinischen sprach die doch ůberal nichts gůts noch
nutlichs in haltet / das nit artlicher vnd besser in hebreischer
vnd friechischer sprachen verfasset sey/ es sey gleich götlichs/
oder natűrlichs/vñ wie den alten Römern / also vil mer den
neuen Bápstlichen andere nationen zů blende vñ in dienst

Latiniſch
sprach/ hat
vil gescha-
det vnd nie
hoch genűt-
et.

barkeit zů bringen/vnd drin halten/höchlich dienet hat/wissen wir die eer nit an zů thůn/das mit solcher die gemein gottes werde auff gehalten/vnnd erst auß ir zů verdolmetschen/was den lehen zů wissen besserlich ist.

¶ Weiter/die weyl ein schmach gottes ist / nit mit herren/betten oder singen/laffen wir in der gemein / solichs an feinezeyt gebunden / noch mitt einigen sationen verfasst werden/sonder frey willig am Sonnentag / so man das nachmal Christi haltete / würt etwas mit kürze gebettet/vnd gesungē/alles auß der schrifft gezogen/wölchs mit seiner vsach/oben anzeigt ist/ Des gleichen zů vesper zeyt/seyten mal die leyptlich feyr/ zů besserung des geists braucht werden sol/singet man aber ein psalmē zwen oder drey / mit einer propheti/das ist/verklärung etwan eins capitels auß götlicher schrifft/also auch täglich/vor vnd nach der predig / würt von ganzer gemein/ein psalm gesungen.

¶ Ober dz würt in der versameltē gemein / on die predigē gemeinlich nichts fürgenomē / sonder eins jeden geist/vñ an dacht/heimgestellt/bey jm selb / im herzhē gott on vnderlaß zů bitten/vnd loben. Do mit wir nit/wider die lere Christi/vrsach geben/im gepett vil wort zů machen / Matt.6. oder mit scheyn vñ gleykerny/gott zů schmeihen / mer danñ preysen/wolichs on herzhē geschehe.

¶ Vnd in dem wissen wir/ dz wir der lere des geists gottes 1. Cor.14. vnd anderswo mer nach folgen. Zun Colossern.3. schreibt auch Paulus. Laß das wort gottes in eüch wonen reyhlich in aller weyßheit/leret vñ vermanet eüch selbs/mit psalmen vnd lobgesengen/vñ geistliche liedern/in der gnad/vnd singet dem herren in ewern herren. Der gleichen hat er auch ad Eph.6. Von allen krefftien sollen wir je gott lieben/warumb soltē wir jm danñ nit auch singen / wie alle heyligen

des alten vnd newen testaments thon haben / allein dz solich
gesang im herzen gescheh / nit allein mit dem mund / sonder
das es auß dem herzen quelle vnd herkome. Das der Apostel
da mit meinet / da er spricht / vnd singet dem herren in ewern
herzen / daß sein meinung nit ist on stym zu singē / wie kün-
st die andern ermanet vñ bessert werden / oder wir mit eins
ander reden / das er zun Epheßiern schreibet:

¶ Des halb wissen / die so das gesang in der gemein gottes
verwerffen / wenig / weder vmb der schrifft inhalt / noch den
brauch der ersten vnd Apostolischen kirchē vnd gemeinden /
die alweg got auch mit gesang gelobet haben. Dazū dan die
psalmen sonderlich gebraucht seind / Des wir nit allein in
schriffen Pauli / vñ vnsern hystorie / sonder auch der heyden
schrifft / als namlich Plinij Secundi zeügnuß lesen. So hat
auch Christus selb sein nachtmal vñnd leiste predig mit ein
lobgesang beschloffen / Mat. 26. Es seind aber etliche / die ein
solche lieb haben / deren nichts ser wol gefellet / sye fahens daß
an. Also haben wir nun auch grundt vnd vsach anzeigt / der
enderung mit dem gepett vñnd gesang / ab denen freylich die
gottsligen kein mißfallen mögen tragen / den andern helfff
gott / das er selb inen / vñ seim wort gefalle / so werden sye sich
mit vns auch wol vertragen.

¶ Sust seind mit andern dingen / als das man zu tag kein
fein mer in der gemein gottes breinet / kein weyh saltz vñ was-
ser brauchet / die todten / nach der begrebnuß lasset gott befol-
hen sein / wie daß in seiner handt seind die geister aller gläu-
bigen / endrung beschehen. Solcher vñ der gleichen reforma-
tion vsach ist / die nun offit anzeigt ist. Die schrifft leret solch
ding nit / die doch alles güts leret / dazū seind sye zu schaden /
des glaubens vnd der lieb gebraucht worden / darumb sollen
die Christen ir müßig gon.

Die alten
Christen ha-
ben ic vñ ic
in d'gemein
gemeinlich
gesungen.

Kerze saltz
wasser totē
gepieng vñ
der gleichē
abthon.

¶ Also bitten wir nun alle liebhaber des Euangeli/wöllen
vns er anzeigen vrsachē deren ding/so bey vns geendert seind
samt andern schrifftten gottes / mitt gläubigen einfeltigen
augen besichtigen/vnnd in eüsserlichen dingen/Christlicher
freyheit sich also gebrauchen/ das alweg / dem nach trachtet
werde/das besserlich vnd nützlich sein mag. Auch zu herken
fassen/das wie wol die gößen nichts seind / alle eüsserliche ce/
rimonie in inen selb frey / dz doch ser wenig seind/ die soliche
ding für nichts vnd frey in der warheit erkennen/ob sye schon
solichs lang sagen. Dañ freylich wo soliche als nichts erkant
wurden/seyten mal sye vil geschadet haben/vñ noch heütigs
tags vilen schwachē strauch stein seind/wurde man sich mit
nichts / nit lang bekümmern / ja man wurde solche erkantnuß/
mit der that wöllen bewysen/andern zur sterckung.

¶ Mancher meint auch / er fare mit solchē dingen genach
vmb Christlicher freyheit willen / so warlich die fleyschlich
freyheit hindert/die das creuß schewet/also sich wider die got
losen zu legen / vñ den weichlingē etwas ernstlich begegnen.
Wie offft geschicht auch / das wir des volcks schwachheit für
wenden/da wir warlich auß eigener schwachheit hinder sich zie
hen: Vffrürisch vnd mit rumor/sol nichts gehandelt werden
darum wer on vorgande fleißige predig/ ee dañ die erwölten
drein bewilligten/etwas stürmen wolte/ den wurden wir nie
als vns er ein erkennen/wie auch nit/ die so nit auff glaub vñ
lieb/ zum fürnembssten irer predig richten. Herwider komen
wir die auch nit loben/ die der eüsserlichen ding so gar nichts
achten/das sye nit allein ab gößen vnd cerimonien/ die sye se
hen/sye seien dañ gar blindt/ vilen einfeltigen/nit nichts/son
der hoch schedlich sein / nichts schewen / sonder dörfen auch
bracht der kleider/feyge müßwillige zechen / vnd offft gröbers
lassen all gemacht hin schleichen. Der herr gebe das sein wort


allenthalb lauter geprediget werde / wölchs daß mechtig ge-
nüg ist / alles von jm nit auff komen / vnd des halß nit güt / on-
rumor heylsamer weyß ab zü treiben / vnd niemant etwas
sich gebrauchte / wie frey es immer in jm selb sein mag / es sey
dañ auch besserlich / daß wir je andern / vnd nit vns selb leben
sollen / auch das wir / die durch ein geist gestiert werden sollen /
in allen sachen / als wol eüsserliche als innerlichen / eins sins
munds / vnd brauchs seien / nach dem wort gottes / So würt
Christliche freyheit nit verlehret / kein menschen saking auff
gericht / sonder dem götlichen gesaß noch gelebt / gott zü lob
vnd vnserm nechsten zü seliger besserung / dz geb got / Amen.

Inhalt diß büchlin / ist vnser / die wir im dienst vñ befehl
seind / das Euangelion hie zü Strassburg offentlich zü pre-
digen / gemeiner glaub / die wir / laüt aller götlichen schrift /
alle vnser predig da hin richten / das glaub zü gott vnnd lieb
zum nechsten / wölche daß / wore zucht / vnd beständige gedult
geperen / bey vnsern zü hörern all zeit gepflantzet / gemerct vñ
gestärket werde / vnd sich jederman / der eüsserlichen cerimo-
nien / als nachtmals des herren / tauff vnd anders / zü fürder-
ung glaub vñ lieb / wie in disem büchlin beschribē / gebrauchte.
Vnd darumb was von solichen / vnd andern / dem so hierin
beschriben / vngemeß oder entgegen / gelert oder getruckt wer-
den möchte / als von hinnen auß komen / soll vns niemant zü
messen / daß es on vnser wissen vñ gehell würt geschēhē sein /
darumb wirs auch nit verantwurtē wöllen / wes aber hierin
vnd andern büchlin von vns / außgangen gelert würt / entbie-
ten wir vns / des meniglichē gnügsamē grund vñ vrsach auß
göttlicher schrift zü geben / wer sein begeret. Vnd seind vnser
namen. Wolffgangus Capito. Caspar Hedio. Mattheus
Zell. Symphorian Vollio. Theobaldus Niger. Jo. Lato-
mus. Antonius Firn. Martinus Hag. Martinus Duxer.

Psal. CXIX.

Du hast gepotten fleissig zu halten/ was du gepotten hast.
O das meine weg gerichtet wurden/ zu halten dein rechte.
Dañ wurde ich nit zu schanden / weñ ich schwet auff de-
ne gepott alle.

יְהוָה סִלְּנוּ נִדְּנִי וְקִרְצָה יִשְׁעִי



Omnium longe fortissima Veritas.

Die hauptsumm des gepots/ist lieb von reinem hertzen/vñ
gutem gewissen/ vnd von vngeferbtem glauben/ welcher
haben etlich geselet/ vnd seind vmbgewendt zu vnütem
geschweiz/ wollen der schrift meyster sein / vnd versteeñ
nit/ was sye sagen/oder was sye setzen.

